

8 ویں لڑی، اکتوبر 2007ء

سنچائی کلچر اینڈ لٹریچر ڈائجسٹ

سنچائی

نیشنلزم دیاں کجھ تھیوریاں

اٹھواں آسمان۔ گروٹسیک دی شاعری

شیش نانگ (کہاٹی)

پوکھوں (کہاٹی)

پتہ کتھا

پٹھاٹا خان (مرحوم) نال گالھ مہاڑ

قصہ ست اپٹھا (لوک ادب)

بادشاہ سئیں آپ وی اندروں ڈرے ہوئے

رفعت عباس

بادشاہ دی تانگھ وچ سارے کھڑے ہوئے
باہروں کھلدے کھیڈدے اندروں ڈرے ہوئے

بتھ جلادیں موت ہے سبھ دت سیر تھی
سر ترے بانڈیاں تھال ہن موتیاں بھڑے ہوئے

کینویں سبھ آزاد ہن اپنی اپنی جاء

ونکو ونکی رسیاں، سارے جڑے ہوئے

بادشاہ وت آندا پئے سر ترے رکھی تاج

اپنی جاء وت جم گئے کنبدے کھڑے ہوئے

ہکو وت نقلی جائدے وچلی گالھ

بادشاہ سئیں آپ وی اندروں ڈرے ہوئے

"جھومری جھم ٹرے" اچوں

سُنچاڻ

8 ويس لٽري

اکتوبر، 2007ء

ستھڻ ٻار

مزار خان، مشتاق گاڙي

ٻانڀه پيل

اشو لال، حبيب موبائا، رضوان عطا، احسن واگها، رفعت عباس،
شميم عارف قريشي، عاشق بزدار، رياض سندهڙ، اعجاز خان بلوچ،
مظهر علي تابش، صابر چشتي، غضنفر عباس، جهانگير مخلص،
ارشاد تونسوي، اکرم ميرائي، اظهر لشاري، اکرم گورماڻي، عزيز شايد،
سعيد گاڙي، آبي، ڏاکٽر رفيق احمد، امجد نذير

مڪھ پنا: سٺين رضوان عطا دے تھورے نال

مٺ: 100 روپے

چھاپڻ ٻار: سرائيڪي لوڪ سانجھ

پتہ: مشتاق گاڙي، مڪان نمبر 69، کرنل امان الله روڊ،

ٻارہ ڪھو، اسلام آباد (92-51-2230071)

۱۳۳

تیند

1

پیلھی گالھ

نیشنلزم دیاں کجھ تھیوریاں

3

احسن واگھا

سرائیکی قومیت اتیں شناخت دے بارے کجھ لکھائیاں

20

ادارہ

پنجاب، برٹش ایمپائر اتیں سرائیکی سُنجاٹ

35

مشتاق گاڈی

سرائیکی زبان اتیں ادب: سُنجاٹ تے فکر دا مسئلہ

59

امجد نذیر

اٹھواں اسمان۔ گروٹنسیک دی شاعری

67

سعید اختر

مولوی لطف علی

77

صدیق طاہر

پٹھانا خان نال گالھ مُہاڑ

84

شیش ناگ (کہاٹی)

96 اشو لال

پوکھوں (کہاٹی)

121 حیب مُہاٹا

پتہ کتھا (کہاٹی)

147 رابندر ناتھ ٹیگور

شاگرد (کہاٹی)

164 انٹون چیخوف

171

پالو کوہلو دیاں لُنڈی کہانیاں

180

لوک ادب

195

اجوکی شاعری

پیلھی گالھ

سبھ کنوں پیلھوں تاں ادارے دی پاسوں معذرت جو ہک وڈے وقفے باد 'سُنجان' چھپدا پئے۔ این دیر دے سوب کجھ ایندے چھاپن آلتیں دیاں ذاتی مجبوریاں تیں کجھ ٹکنیکی تے مالی مسائل ہن۔ ٹکنیکی مسائل اچ وڈی وجہ تاں ادارے دی اے خواہش ہئی جو 'سُنجان' مکمل کمپیوٹر کمپوزنگ نال چھپے۔ مکمل سرائیکی کمپوزنگ کیتے کئی ریہڑ بھوگئے پئیں جنہیں 'سُنجان' چھاپن اچ دیر لوائی ہے۔ ساکوں اُمید ہے جو تہاڈے تعاون نال اگوں اے باقاعدگی نال چھپدا رسی۔

ہُن توٹی سرائیکی کمپوزنگ کیتے کوئی کمپیوٹر سافٹ ویئر موجود نہی۔ سرائیکی لکھتاں کوں پیلھے اردو کمپوزنگ دی سافٹ ویئر "ان پیج" اچ لکھ، وت سرائیکی دے اضافی اکھریں کوں کاغذ تے ہتھ نال مکمل کرنا ہوندا ہئی۔ ایندے نال چھاپن آئے دی محنت مشقت ودھ ویندی ہئی تے غلطیاں دی گنجائش وی درہمے ہوندی ہئی۔ ہک پیا نقصان اے ہئی جو انہیں لکھتیں کوں ویب سائٹ تے گھن آون وی اوکھا کم ہئی۔

اے گالھ نیں جو سرائیکی کمپوزنگ کیتے سافٹ ویئر بٹاؤن کوئی وڈا مسئلہ ہئی۔ جے (پنجاب) حکومت سرائیکی بولی دے ودھارے اچ دلچسپی رکھدی تے این کم کیتے کوئی فنڈ مختص کیتے ویندے تاں اے مسئلہ کڈاں دا مُک چکیا ہوندا۔ وڈے افسوس دی گالھ ہے جو

بک پاسوں تان حکومت پنجابی زبان، لٹریچر تے آرٹ دے ودھارے کیتے کروڑاں روپے دے بجٹ نال۔۔۔۔ بٹیدی بے تے ہی پاسوں سیرائیکی زبان نال مترائے ہال جہیاں سلوک تھیندے۔

جیویں سیرائیکی تحریک دی روایت رہی ہے، سیرائیکی کمپوزنگ کیتے سافٹ ویئر بٹاؤن اچ سنگت دی ذاتی اتے رضاکارانہ کاوش رہی ہے۔ این کم دے موہری فرحان یلوچ، رضوان عطاء اتیں عدیل رحیم نظاماٹی (سندھ) ہن۔ سیرائیکی زبان دی کمپیوٹر کمپوزنگ کون پرفیکٹ بٹاؤن تے ایکون اچوکی انفارمیشن ٹیکنالوجی دے لوڑھیں موجب ڈھالٹ کیتے اجاں بہوں کم کرٹ دی لوڑھ ہے۔

سُنجان دے چھاپن اچ بک ہی رضاکارانہ کاوش دا ذکر کرٹ وی ادارہ بہوں ضروری سمجھدے۔ جے غضنفر عباس سُنجان دے مواد دی کمپوزنگ کہیں معاوضے مُتوں نہ کریندے تان ہالی وی اسان ایکون چھاپن جوگے نہ تھیندے۔

ادارے کون بہوں ساریاں لکھتاں ملن جیڑھیاں اسان چھاپ تان نہی سگے پر او ساڈے کولہوں ریکارڈ اچ ہن۔

نیشنلزم دیاں کجھ تھیوریاں

احسن واگھا، اسلام آباد

[حوالیں وچ ورتیل کجھ ابریویشناں تیں اشارے؛

میچو: (رومن نشان Cf. دی جہ تیں، این گالہ دا، این حوالے نال موازنہ کرو۔۔۔)

ساگی: (رومن نشان ibid. دی جاہ تیں، ستا اُتو آلا حوالہ)

پچھلا (رومن نشان Op.cit. دی جاہ تیں، اے حوالہ اُتو کیتھائیں وی درج ہے)

اُتل: Supra (ایہا گالہ اُتو وی لکھیل ہے)

[]: سُنجان جرنل وچ چوکور بریکٹ وچ مواد لکھن دا مطلب ہوندے، اے مواد لکھاری دی اپنی رائے ہے۔]

نیشنلزم دے موضوع دے کجھ اہلے اکھر تیں اصطلاحیں ہن۔ ساڈے کولہو انگریزی دے لفظ 'نیشن' دے وٹاندرے کیتے لفظ 'قوم'، 'نیشن ہڈ' کیتے 'قومیت'، 'نیشنلزم' کیتے 'قوم پرستی'، 'ایتھنوسٹی' کیتے 'پڑھی/نسل' اتیں آئیڈینٹیٹی 'کیتے سُنجان/شناخت' ہن۔ نیشنلزم سماجی علوم دا بک وڈا موضوع ہے جیرھا ایتھروپالوجی کتوں گھن کیں سیاسیات، تاریخ اتیں ادب ساریئیں وچ بحث تھیندے۔ نیشنلزم کون پرکھن کیتے بہوں ساریاں تھیوریاں اتیں نظر ہے ہن۔

نیشنلزم دے بارے وچ چند تھیوریاں 'مادرنائزیشن' یعنی جدیدیت دے ناں دی اکیڈمک وئڈ بیٹھ آندئیں۔ پاکستان دئیں قوم پرست اتیں زبان دوست تحریکیں دے بارے وچ ناں جوگیاں (نام نہاد) غیر جانبدار اتیں معیار یافتہ تحقیقان اکثر ایہہ ونکی وچ آندئیں۔ اے ماڈرنسٹ تجزیے کہیں تحریک دی تاریخ تیں ثقافت دا گھٹ اتیں سیاسی تیں معاشی معاملات دا جائزہ ڈھیر گھنڈن۔ اے قوم پرستی تیں زبان دوستی کوں وقتی اسباب دا نتیجہ بنا کیں ڈیہدن۔ پاکستان دئیں لسانی اتیں قوم پرست تحریکیں دے بارے وچ اتیں خاصکر سرائیکی تحریک دے بارے وچ 1970ء دے ڈہاکے کنوں لا بُن توڑیں لکھیل بہوں سارے مضمون ایہہ مادرنائزیشن تھیوری دا حصہ بن (میچو؛ شیکل 1977، روب تیں ٹیلر 1978، امین 1988، علوی 1989، رحمان 1991، احمد 2004)۔

نیشنلزم دے تھیوریش دی ہک ہٹی وڈی قسم کوں 'پرائم اور ڈنیلسٹ' یا 'مُندھ قدیمیت وار' آبدن۔ کہیں زبان دوست تحریک یا قوم پرست تحریک دے آپتے دانشوریں دیاں لکھتاں اکثر ایہہ ونکی بیٹھ آندئیں۔ انہیں تھیوریش وچو کجھ دا سُنجانپ (تعارفی) تذکرہ بیٹھ لکھیل ہے:

پرائم آرڈنیلسٹ / سوشیالیوجیکل

نیشنلزم کوں پرائم آرڈنیلسٹ نظریے نال ڈیکھن آکے اے آبدن جو قوم، قوم ہووٹ اتیں قوم پرستی انسان دئیں مُندھ قدیمی سناختیں۔ خصلتیں وچو ہے۔ مانس ہک خاص جاہ مقام تیں چمدے۔ این وجہ کنوں اوندی ہک مُندھلی، ٹولے بند سُنجان یعنی گروپ آئیڈنٹیٹی بڈی ہے۔ این مُندھلی سُنجان کوں بٹاوٹ آکے مسالے یا عناصر اے ہونڈن۔

1. بُت جُسم: چمڑے دا رنگ، قد قامش، والیں دی وَنک اتیں منہ دا پنا دروشن۔
2. ناں: فرد دا اپنا ناں، ڈاڈکا ناں اتیں ذات قبیلے دا ناں۔
3. بولی: او بولی جیڑھی بندہ بیلھو سکھدے اتیں جیندے لفظیں وچ دنیا کوں سمجھیندے۔
4. مت/مذہب: او مت جیندے نال بندہ ان ڈاکٹری نیٹ تھیندے یعنی اصول سکھدے۔
5. تاریخ: اون قبیلے یا بیادری دی تاریخ جیندے وچ بندہ جائے جمیے۔
6. فرد دا قوم قبیلہ اتیں اوندے نال جُڑی ہوئی آپت۔
7. چمڑے دے مقام دے جغرافیائی نقش۔
8. ورثے وچ ملی رہن ریت یعنی کلچر (لویرا، صفحہ 1)

اے نظریہ سکھتے اتیں نرننگ کون وی بندے دی قوم قومیت نال جڑیا بویا ڈیہدے، کیوں جو "تحقیقی مواد ڈسیندے جو بندے کیتے اپنے تعلقے دے اندر دے ڈھنگ اظہار سکھتے سوکھا ہوندے اتیں انہیں کون وسار مکاوت لوکھا ہوندے (ساگی، صفحہ 6)۔

نیشنلزم اپنی بنیاد وچ 'میٹرو پیٹریاٹک' یعنی مادری پدری ہوندے اتیں ودھ ونجے تان تیر برادری آلی کار ہوندے۔ "نیشنلزم از فیملی ریٹ لارج" (ساگی)۔

سوشیالوجیکل تھیوری وی قومیت دی ہوند کون منڈھ قدیمی منیلدی ہے۔ البتہ اے آہدی ہے جو قومیت دے جذبے دی وجہ انسان دی اے خاصیت ہے جو او ہال چٹن اتیں تیر بناوٹ آئے رُجھپے کون ہتھیکے یعنی کثرت وچ رکھن چاہندے اتیں ایندے پچھوں وت چیتے وچ فیس اتیں سیکورٹی یعنی ہڈ بُت دے تکزپ وچ تحفظ گولن دی منطق کم کریندی ہے (ساگی)۔ چنانچہ نیشنلزم دا اُساہ لوکیں دی این فطرت تیں ہے جو او اپنے اپنے جتھے نال پیڑھی ہدھل (ایتھنو سنٹرک) ہوندن اتیں بنیں جتھیں دو تراڑ یعنی اوپرے ڈرتے ہوندن (ساگی)۔ مزید

اے جو ٹولے دے اندر ہک قدرتی جُواند (کوہن) ہوندی ہے۔ این جُواند دی ہرکھ کیتے پنج نشانیاں ہوندن (اُتل): رلدڑ منہ متھا، ہکا پیڑھی، ہکا ہولی، ہکا بھونیں، اتیں ہکو مت مذہب۔ ایہے ایتھنوز یا پیڑھیاں ہوندن جیرھیاں وسیب دے راہیں وڈے گروہ بن ویندین۔ عموماً اے سماجی تیں ثقافتی ہوندن اتیں لوڑھ پوے تان سیاسی وی بن ویندن خاصکر جیرھلے اوپرے گروہ نال بر میچا پئے ونجے۔

آلاکاریٹ/انسٹرومنٹلزم

این تھیوری دے ماہر اے آہدن جو پیڑھی بندی ہووے اتیں بہاریں قوم پرستی، اے وَن ہونیا نائیں وٹیجٹھار ہوندن۔ اے حالات دے نال ودھ گھٹ تھیندین اتیں وٹیج ویندین۔ پیڑھی بندی یعنی اتھنیستی دا اُبھرن معاشی، سماجی یا سیاسی عمل ہوندے، تہوں نیشنلزم کون سلہٹا/لچکدار اتیں حالات دے مطابق ڈوٹ و نچن آلا سندر سلور سمجھن بہتر ہے۔ (ساگی، II)۔ مارکسسٹ پیڑھی بندی یا قومیت دے شعور کون کوڑی سوجھ (فالس کانٹنس نیس) آہدن جیکوں ڈادھا طبقہ اپنے مفادات کون کچن کیتے ورتیندے (ساگی)۔ این طرائح قومیت دی مارکسسٹ تشریح وی 'بتھیاریٹ' (انسٹرومنٹلزم) دے ماتحت آندی ہے۔

آکھ سگدے میں جو تجزیہ اتیں سو ب گولڈ دی شکل جی رہی وی
ہوے، نیشنلزم دی ڈو لفظی تعریف آہت اتیں اُپرپ ہے۔

مادرنائیزیشن / جدت پسندی

نیشنلزم دیشی مادرنسٹ تھیورٹس دے ماہرین وچو محض کجھ ایں گالھ
کوں میندن جو نیشنلزم یعنی قوم پرستی کنوں پیلھو
موجود ہوندین۔ کجھ اے آہدن جو نیشنلزم نیشنلزم کوں پیدا کر
ڈیندے۔ اے ماہر ہولی آکے نکتے کوں عمومی بٹا کیں سوشل
کامونیکیشن کرکین ڈیہدن۔ یعنی اے جو بک منڈی، مارکیٹ دے آسیو
پاسیو یا علاقے دی کہیں بی کٹھے تھیوڈ دی جاہ دے اندرو اتیں
آسیو پاسیو لوکین دی آہت وچ آکھ۔ سٹن تیں کامونیکیشن ودھ ویندی ہے
اتیں علاقے کنوں بارھو دے لوکین نال گھٹ ہوندی ہے۔ اتھاڑ انہیں
دے وچالزے نیشنلزم پیدا تھیندے۔ ماکسزم وی نیشنلزم کوں مادرنسٹ
طریقے نال ڈیہدے۔ سٹالن نیشنلزم دے بارے وچ اپنڑے مشہور مضمون
وچ نیشنلزم اوئیں خاص حالات تیں شرطیں دا نتیجہ کرکین ڈنٹھے
جیویں بعد وچ 'مادرنسٹس' سوچیے۔ البتہ سٹالن نیشنلزم دئیں ڈو
مادرنسٹ شرطیں: مذہب اتیں نسل، کوں شامل نہا کیتا۔ اوں ایکوں

چار حقیقتیں دے آپس وچ رلڈ دا نتیجہ آکھیا: ہولی، علاقہ، معاشی
زندگی اتیں نفسیاتی وٹ (ساگی، III؛ میچو، سٹالن 1913)۔

پہوں سارے نویں نیشنلزم تریجھی دنیا دے ریاستیں دے اندرو اُبھرتین۔
[پاکستان جھیاں] نیشن سٹیٹس مقامی کلچرز کوں ریاستی کلچر نال
یک مک کرڈ (ہوموجنائزیشن) دے منصوبے ورتیندین۔ [جو اردو قومی
زبان ہووے۔ سنی اسلام سرکاری مذہب ہووے۔ میڈیا تیں تعلیم انہا تیں
کوں ترقی ڈیوں] ایندے اُپٹھ اتیں ردعمل وچ قومیتاں اتیں انہیں دا
نیشنلزم اُبھردے (بوس، صفحہ 5)۔

نیشنلزم دی مادرنسٹ تول تک کرڈ آکے مغربی سکالرز وچو کجھ دا
نال لکھجے تان کیدوری (1960)، ہابسام (1990)، بینڈکٹ اینڈرسن
(1983)، اتیں جیلز (1983) سرکڈھویں ہن۔ (میچو بیسنگر، صفحہ
8-10) انہیں دے موضوعات اتیں قصے کہانیاں انجو انج ہن۔ مثلاً
اینڈرسن دے کمیونٹیز اتیں برادرئیں کوں خیالی اتیں فرضی آکھڈ دے
نظرے دی بہوں واہ واہ تھی۔ پر انہیں ساریئیں دی وچلی گالھ ہکا ہے
جو نیشنلزم 18ویں صدی اتیں اوں کن پچھیں بٹن آکے مغربی سیاسی
شکلیں خاصکر نیشن سٹیٹس دا پاند پتر ہے۔ اکثر انگلینڈ تیں فرانس دی

نیشنلزم دیاں کجھ تھیوریاں

مثال ڈیندن جتھ مذہب دی زبان لاطینی نویں بحیثی دی اجازت نہ ڈیوٹ دی وجہ کنوں آپ پچھو تیں ڈھے گئی اتیں وت ہک خاص لہجے دے لکھاریں دی زیادہ حرکت برکت آتیں۔ نوئیں نکور چھاپہ مشینیں توڑیں اینہیں دی ڈھیر پہنچ جھیں اتفاقات دی وجہ کنوں انگلینڈ وچ انگریزی اتیں فرانس وچ فرانسیسی ہنہیں زبانیں تیں لہجیں کون پچھو تیں مشیندیاں وڈیاں زبانان بڻ گیاں۔ اتھ ہک سادہ ونڈ کریندن جو کجھ جابیں تے ریاست پیلھو بٹی اتیں نتیجے وچ قوم بٹی جویں فرانس جیرھا مٹی نیشن دی مثال ہے۔ کجھ جابیں تیں قوم پیلھو ہائی جئیں ریاست کون پیدا کیتا جویں جو جرمنی ہے (ساگی، صفحہ 11-12، 103-104، 24، 22)۔

جدیدیت پسند نیشنلزم دی گھٹکی ہکے ایکوں وقتی اسباب دا نتیجہ آکھ کیں نہیں کریندے۔ ایندیاں بہوں ساراہاں خامیاں تیں کوڑھپ وی گڑویندن جنہیں وچوں کجھ اے ہن:

1. آپسی جنگاں [جیویں پاکستان اتیں بھارت دیاں جنگاں جیرھیاں ریاستی قوم پرستی دے ماتحت بیھڑیاں]

2. نوئیں قومی ریاستیں دا مغربی قومی ریاستیں جتلی جمہوریتہ اُساں سگن۔

نیشنلزم دیاں کجھ تھیوریاں

3. تریجھی دنیاں دینئیں ملکیں وچ قوم پرستی دا انصاف، ڈویلپمنٹ وچ برابری انڈسٹری وچ معیار دے اصولیں کون نہ ودھاوٹن (میچو، بوس مذکور صفحہ 2-5)

القصد قوم پرستی دے بارے وچ ماڈرنسٹ اتیں انسٹرومنٹلسٹ نظریے نیڑے نیڑے اے نتیجہ گڈھیندن جو نیشن آپ کجھ نہیں ہوندی، خاص حالات وچ نیشنلزم دا ماحول ایکوں پیدا کریندے (بیستنگز، مذکور، صفحہ 9)۔ ہابسیام 90 سال دی عمرہ وچ، گلوبلائزیشن دے بارے وچ سستی ہک کتاب چھپوائی ہے۔ ایندا نیشنلزم دے بارے وچ 12 صفحیں دا چیپٹر وی نیشنلزم کون گلوبلائزیشن دے 'ایئر لائنیں'، تیلیفون، لوکیں سوکھی مسافرت اتیں ڈوڑی شہریت دے نویں سہولتیں دے اثر بیٹھ رکھ کیں ڈیہدے۔ اوندے من بھاوٹی مثال قبائل دیاں ٹیمان۔ قبائل دیاں انٹرنیشنل سپر لیگاں افریقہ تیں ایشیا دے غریب ملکیں دے چنگیں کھڈاری مل گھن گھنڈیں۔ مقامی اتیں نیشنل کلیں وچ بہن تروڑ تھی ویندی ہے۔ وت این نویں صورت حال وچ بگے کھڈاری کالیں کون اپٹے برابر ڈیکھ کیں نسل پرست تھی کھڑدن اتیں غریب ملکیں دے کھڈاریں وچ قوم پرستی جمن پئے ویندی ہے۔ چھیکڑ تیں ہابسیام آہدے، 'نئیں پتہ چا تھیںسی' (میچو، ہابسیام، 2007، صفحہ 94-83)۔

مادرنائزیشن تھیوری دے بارے وچ کجھ تنقید

قوم اتیں قوم پرستی دے بارے وچ تحقیق داکم بیماری دی تشخیص الی کار کیتے نیں اتیں ایندے اثر بیٹھ قوم پرست ہووَن کون کجھ کجھ غیر اخلاقی اتیں سوڑ دلا اتیں پورا پورا پسماندہ بنا ڈتے نیں۔ سوا افریقی لکھاریں دے جیرھے چٹ چڑ کیں قوم پرستی دا ہوکا ڈیندن، اکثر بیٹھیں قومیں دے لکھاری قوم پرستی دے بارے وچ بے روحے اتیں معذرت خواہ تھی گئیں۔

پر جدیدیت کون حالی تائیں مسائیں ایہو چلتی جیت نصیب تھیہائی جو اتو حالات وٹیج گئیں۔ فوکویاما دا تاریخ دی انت آلا تھیستز (1989) خیر سلابی الی عالمیت اتیں جدیدیت دے حق وچ چھیکڑی تھیستز ہا۔ مغربی علماء کون تکھیں پتہ لگ گئے جو دنیا تیں ہک نظام دی حاکمیت خیر سلابی نہیں چل سگدی، جنگ بھیڑ تان راہسی اتیں طاقتور ملکیں کون وی آپس وچ بخرے گیری کیتے قوم پرست بننا پوسی۔

برطانوی کڈاپیں آپ کون قوم پرست ناہن آہدے۔ آپنے سامراجی مفادات اتے نو آباد کاری کیتے جیرھی نیشنلسٹ سیاست کریندے ہئیں، اوکون 'پیٹریاٹ ازم' آکھ کیں کجھ ڈیندے ہئیں۔ انہیں دے کجھ سکالرز (ایں مضمون وچ بیسٹنگز) موڑ کئیندئیں ہوئیں اے لکھن شروع کر ڈتے جو

برٹش نیشنلزم تان 17ویں صدی کنوں آندا پئے (ساگی)۔ بیسٹنگز برطانوی نیشنلزم دا مقدمہ لکھے۔ کجھ مثالیں اے ہن:

آجوکے قوم دے تصور دے معنی آئے لفظیں مثلاً نیو اتیں نیشن دا ورتارا بہوں پراٹا ہے۔ 1755ء دی چھپیل جانسن دی ڈکشنری لفظ نیشن دے بارے وچ اے ڈسیندی ہے جو:

* ہک لوک جیرھے ہئے لوکینکون وکھرے سنجاپوں ہوون، عام طور تیں اپنی زبان، اپنی اصل یا اپنی حکومت دے راہیں

* اے جو انگریز بادشاہ ایڈورڈ۔ ترائے فرانس دے خلاف جنگ کرن کیتے اپنے لوکیں کیتے لفظ نیشن ورتیاہا۔---

* ہک اینگلی سائز تھئے ہوئے پراٹے افریقی لکھاری ابقیانو افریقی لوکیں کون 'نیشن آف ڈانسرز، میوزیشن ز، اینڈ پوئیش' (جھومرئیں، گاؤں آئیں اتیں شاعریں دی قوم) لکھیا ہا۔ (ساگی صفحہ 14-15)

ہن انگریز مُصنف کون یاد آوَن پئے گئے جو کتلا پیلہو کنوں انگریز لکھاری اپنی زبان دے متعلق کیجڈے کیجڈے فخر اتیں رومانس نال

لکھدے پٹن۔ اترے اے جو بادشاہی الزبتھ اول (1599ء) دے ویلھے
دے شاعر سموئیل ڈانیال انگریزی زبان تیں انگریز قوم دے بارے وچ
کینجھی سچی ڈسارٹی ڈتی ہائی:

" اچ کہیں کون کیا پتہ، اسان کتھ کتھ پُجسوں۔ ساڈی
بولی دا خزانہ کیرھے کیرھے سمندریں دے کندھیں
اُپس (کیویں) ساڈی مہان خوشحالی دا اے حاصل آن جاٹو
قومیں دے ذخیریں کون بھرٹ کیتے پٹھیسے۔"
(ساگی)

امریکی حالی توڑیں وی سرد جنگ دے زمانیں آلی کارلسانی اتیں قوم
پرست تحریکیں دے مخالف آندے پٹن۔ پر سموئیل۔ بی۔ ہٹینگٹن دے
"کلیش آف سولائزیشنز" دے تھیسز (1996ء)، ہتھے بہوں سارے مغربی
فارمولیں دے نال نال نیشنلزم دی ماڈرنائزیشن تھیوری۔ دا وی تختہ
تبوت کر چھوڑیے۔ انسانیتی دانش دی دھنچ کنوں وی واندی این
کتاب دی ست اے ہے جو دنیا ہکے کثیر قومی اتیں وکھریں تہذیبیں
آلی نئیں، بلکہ انہیں دے وچالے نہ مکٹن آلا تہذیبی جھڑا ہے۔ اے
کتاب پڑھ کیں تہاکوں پیلھا خیال اے آسی جو اتلے بہوں سارے شواہد
اتیں مثالیں دا تذکرہ تھیا ہتھے اتیں درست تھیا ہتھے۔ پر جیکر اینہ مواد
کون ولا ستریحے چا تاں ہٹینگٹن دے کڈھیے نتیجے کنوں اُپتھ نتیجہ
کڈھیج سگدے۔ این مصنف کھتے تھئے تاریخی شواہد وچو نکلتے

آلے کجھ خاص قسم دے قیاسات کون آگے تیں ودھائے اتیں کجھ ہتھے
قیاسات کون پچھو تیں کر چھوڑے جندے نال تہذیبی جھڑے دے
دعوے دی شکل بٹ گئی ہے۔ تُسان ایہنہ ترتیب اتیں ڈتی ہئی ترجیح
کون آگے پچھو کرو چا تاں ایہو مواد تہذیبیں دی صلح دے دعوے
کیتے کم آسی۔ مثلاً ہٹینگٹن مغرب اتیں ماسوا مغرب سدے وچالے
سوچ دے پاڑ دی ہک مجال اے ڈتی ہے جو:

"اہل مغرب جیرھی شے کون آفاقی (سچ) آکھ کیں پیش کریندن،
"ماسوائے مغرب" آلے اوکو 'مغربی' آدن چا" (ہٹینگٹن، صفحہ 66)

گویا اے مغرب اتیں باقی دنیا دے لوکیں دے درمیان ڈیکھن بھالن
یعنی زاویہ نظر دا نہ بھریچن آلا پاڑ ہے۔ ہن این گالھ کون جیکر ولا
سوچجیجے تاں این ہن سگدی ہے:

[...۔ مغرب شیں اتیں تصورات اہتھے۔ ڈھب نال یعنی مغربی کرکیں آگے
تیں ودھیندے۔ ماسوا مغرب، انہیں دے مغریٹ آلے ہکھ کون سُنجانن
اتیں ایکوں اہتی شکل ڈیوٹ وچ ہن ہک تجربہ پیدا کر گئے تہوں ہن
مغربی شیں کون رد کرٹ دی جاہ انہینکوں اہتی لوڑھ تیں ماحول نال
ڈھالکیں انہیں کن فائدہ چاوٹ دا ورتارودھدا ویندے۔ شیں اتیں
تصورات جیے توڑیں مغربی ہونڈن محدود اتیں ادھورے ہونڈن۔ ماسوا

مغرب اپنا رنگ دے کیں انہیں دی تکمیل کریندے۔ این طرائح تہذیبیاں
مادی طور تیں نیرے تہیندیاں یں۔۔۔ (این مضمون دا لیکھاری)

بتینگن دی پٹی خاص گالہ اے ہے جو او دنیا دی ونڈ وڈٹیں تہذیبیں
وج کیتی ہے مثلاً لاطینی امریکی، افریقی، اسلامی، ہندو، چینی،
آرتھوڈاکس، بڈھست تیں جاپانی۔ وت کجھ مذہبیں/تہذیبیں کون
جیرھیاں اوندے تھیسز کون نہن سہاندیاں، انہیں کون دادنی سٹ
گھتیس، مثلاً بڈھ مت تیں بخامنشی یا فارس دی تہذیب۔

القصد، بتینگن دی منطق تاریخ دے این پرائے اصول دی نفی کریندی
ہے جو لوکیں دی آپسی آند ویند اتیں زلت ملت نال انہیں دیاں تہذیبیاں
یک ہتے تیں اثر کریندین اتیں نیرے آندین۔ او آبدے آج دی ودھدی نیڑ
دی وجہ کنوں لوک یک ہتے دے وکھرب کنوں واقف تھی کیں یک
ہتے دے مخالف تہیندے پئیں۔ او آبدے، باقی دنیا کون چھوڑو،
جیرھیاں سوسائٹیاں مغربی ڈھب تیں ترقی کر گئیں۔ مثلاً جاپان تیں
روس وغیرہ۔۔ انہیں وجہ یک اُپٹھا یعنی مقامیت سازی (ان ڈیجناٹیشن)
دا گیڑ گیزدا دا ہتے (ساگی صفحہ 94)۔ جاتوں یا تاں این ہے جو مندھ
قدیمی یعنی پرائم آرڈینلسٹ ہوند اتیں قومی سُنجان آپ بہوں تکزیا اتیں
ان مُک معاملہ ہے۔ یا اے تھیندا ہتے جو مغربی ترقی تیں تجارت دی
یلغار مقامیت اتیں قوم پرستی کون ودھیندی پٹی ہے۔

قوم اتیں قوم پرستی دی بحث جیرھلے زبانیں، ثقافتیں اتیں قومیں دے
ان کھٹ اتیں ہر ویلھے ممکن ہووے دے اصول کون نُشاہر کریندی ہے
تاں یک طاقتور نکتہ ساہمٹے آندے 'کثرتیت اتیں گُتجل' (ملٹی پلی سٹی
اتیں کمپلیکسٹی) دے تکزپ تیں پاور دا نکتہ۔ سمانترا بوس ہندوستانی
جمہوریت دے مطالعے وج اے ڈٹھے جو ہندوستان وج ثقافتی رنگا
رنگی اتیں ڈھیر نسلان قوماں ہووے (کلچرل ڈائورسٹی اتیں بیٹروجنیٹی)
جمہوریت کون بچائی کھڑی ہے اتیں خاص ہندو غلبے کون ڈکی
کھڑی ہے۔ (بوس، مذکور، صفحہ 8)

سچ ایہو ہے جو زبانیں اتیں قومیں دی کثرت دے ترقیاتی مسائل اپٹی
جاہ، اے خطے دے امن تیں سیکورٹی دا تھمیا بن۔ یک قومی اتیں یک
رنگی فتح تھی سگدی ہے، تباہی دا نشانہ ہٹیج سگدی ہے، سو رنگی
تے ودھ قومی فتح نئیں تھی سگدی، کنٹرول نئیں تھی سگدی۔

Alvi, Hamza (1989) 'Politics of Ethnicity in India and Pakistan', in Hamza Alvi and John Harrison ed. Sociology of 'Developing Societies' South Asia, London.

9. لوہیرا،

Llobera, Joseph R. (1999) Recent Theories of Nationalism, Barcelona (retrieved from Internet in 2007).

10. ہابسبام،

Hobsbawm, Eric (2007) Globalisation, Democracy and Terrorism, Little Brown, London.

11. ہنٹنگٹن،

Huntington, Samuel P. (1997) The Clash of Civilizations and Remaking of World Order, New York.

12. ہسٹنگز،

Hastings, Andrian (1997) The Construction of Nationhood, Cambridge University Press.

بیلو گرافی آتیں حوالے

1- احمد،

Ahmad Khan, Hussain (2004) Rethinking Punjab, the constitution of Siraiki identity, Lahore.

2- امین،

Amin, Tahir (1988) Ethno-national Movements of Pakistan, Lahore.

3- بوس،

Bos, Sugita and Aysha Jalal ed. (1997) Nationalism, Democracy and Development, Oxford Press.

4- رحمان،

Rahman, Tariq (12, 19-7-1991) 'The Siraiki Movement', The Muslim, daily newspaper, Islamabad.

5- روب اتیں ٹیلر،

Rob, Peter and David Tailor ed. (1978) Rules, Protest, Identity: Aspects of Modern South Asia, London.

6- سٹالن،

Stalin, Joseph (1913) Marxism and the National Question, a Paper available on Internet.

7- شیکل،

Shackle, Christopher (1077) 'Siraiki A Language Movement in Pakistan' in Modern Asian Studies IV: 3, Great Britain, pp.239-67.

8- علوی،

سیرائیکی قومیت آتیں شناخت دے بارے

وچ کُجھ لکھائیاں

(ادارہ)

محمد اسلم رسولپوری

اکرم میرانی

قیاض باقر

نوٹ: چوکور بریکٹ [] وچ لکھیل گالھیں تبصرہ لکھن آکے دے نوٹس

بن۔

1. محمد اسلم رسولپوری

سیرائیکی قومی سوال (اردو)، ۴۸ صفحہ دا کتابچہ، سیرائیکی

پبلیکیشنز، رسولپور، ملتان، 2006ء

[کتاب دے ابتدائے وچ لکھاری شوہن بانر دے این حوالے کون آئیدے جو کہیں علاقے دے لوکیں وچ یک تھیون دی خواہش [ول؟] ہوندی ہے جیڑھی سیرائیکی خطے دے لوکیں وچ ہے۔ ایتھانو مصنف قومیت دے مسئلے تے 'منڈھ قدیمیت' (پرائم اورڈینلسٹ) تھیوری کون وٹک کرن دا عنیدہ ظاہر کر دتے (صفحہ ۷)۔ مضمون، مصنف دی پاسو یک مناسب بنے توڑیں قومی جانبداری دی شانند وی دیندے۔۔۔ [جیکر

سیرائیکی قومیت آتیں شناخت دے بارے وچ کُجھ لکھائیاں

ریاستی قوم پرست پاکستان دی تاریخ دا منڈھ محمد بن قاسم دے حملے کنوں ہدھین، تان این ٹلاوڑے دے موجب] سیرائیکی قوم دیاں پاڑاں ڈوجھے برفانی دور دے بعد ماٹھوں دے ول وسن کنوں ٹردین (صفحہ ۱۲)۔

اپنی پیڑھی، اپنی بھونیں اتیں خطے علاقے دا ہونن قوم ہونن دی شرط ہے۔ [ایندا مطلب اے تھیا جو جیکر کئی ٹولہ کہیں خطے تیں قابض تھی ونجے تان او اون جگہ دی قوم بن ویسی؟ نہ۔۔] لکھاری دے مطابق کہیں خطے دے آتیں لمسی مُد کنوں وسدے لوک قوم بٹدین۔ گویا خطہ اتیں عمرانیّت رل مل کیں قومیت دی شرط پوری کریندین۔

رسولپوری ہوری سرائیکین دے قوم ہونن دے انہیں شرطیں کون "چولستان، ملتان اتیں دیرہ جات" دی بھونیں آتیں اُھیو، پچادھو دے قدیم وژدژ لوکیں دے آ کیں اُتھ وِسٹن، رہن، حکومتاں قائم کرن اتیں تہذیب اُسارن کون رلا کیں پورا کیتے (حاشیہ صفحہ ۹)۔ اے تہذیب قدیم ہے۔ ایندا جُغرافیائی کھنڈار ساری سندھ وادی تیں رہ گئے (صفحہ ۸)۔ این وسیب کون سیرائیکستان وی آکھ سگدے بنو جیندا اصلی دائرہ پشاور کنوں لا تھریازکر، نصیرآباد، بارکھان اتیں اُڈو راجپوتانہ۔۔ گجرات توڑی مار کریندا ہا۔ ایندی زبان قدیم لہجئیں دی شکل وچ منڈھ قدیم کنوں ہائی پئی۔۔۔ پوٹھوہاری، ہندکو، اجڑی، کھترائی، سوریلی، (سندھی)، مارواڑی اتیں گجراتی۔۔۔ اے سہے

بولیاں اچ جو وی ہن، پچھو کڑ وج سیرائیکی دے وج مائیاں سمائیاں
بٹین (صفحہ ۱۱)۔

سیرائیکی دی جُغرافیائی بَنت وج کئی گالھ ایجھیں ہائی جو جیرھے
جیرھے ویلھے ویلھے ملی ہے، لوکیں ایٹی شناخت آتیں تہذیب بٹائی
ہے۔ پیلھو قبل آریہ پیڑھئیں وجو دراوڑ لوکینسٹرٹ سو دھن دی شکل وج
اے تہذیب بٹائی۔ (ساڈے کولھو انہیں دے دعوے آتیں ناں نانویں
گھٹ پن، کرتق ورتق اتیں عملی ثبوت ڈھیر پن۔۔۔ ایرے، کوٹھے،
مُہراں، مورتاں، تھان، بھانڈے۔۔۔)۔ اگلی کہیں واری تیں آریائیں اتھ
تہذیب اُساری ہے۔ انہیں دا وڈا پوکھہ (کثری بیوشن) ایٹی ہوند دے
دعوے اتیں شناخت ہوکڑ با۔ تاریخ وج آریہ سماجی سُنجان، ناں رکھن
آتیں ہوکا ڈیوٹ دے آگو پن۔ انہیں وسیب کون 'سپت سندھو' [ست
پاٹی (آلا)] آ کہ کیں جتوائے (میچو صفحہ ۷)۔ وسیب دے پُرائے
شہریں وج مُصنّف ٹیکسلا [تکسا سِلا، تچھا سلھا]، پشاور، قندھار
[گندھار؟] اتیں ملتان کون شامل کریندین (حوالہ ساگی)۔

کتابچے کون سیرائیکی قومیت دی پوتھی بٹاوٹ کیتے سبھے کوششان
تھیٹل ہن۔ مثلاً اے جو سیرائیکی لوکیندی معلوم تاریخ کیا ہے۔ ایندے
جواب وج کشا نیں کنوں گھن کیں ناہڑ، لنگاہ، میرائی، اتیں عباسی
حکمرانیں تائیں دے ادور شامل پن (صفحہ ۲۱)۔ [غوریں اتیں ترکیں،
جنہیں وی سیرائیکی علاقے تیں راج کیتے، کون شامل نہ کرن وی شاید

قومپرست نکتہ نظر دی وجہ کنوں ہے کیوں جو اکثر قوم پرست لکھاری
انہی، ۱۰۰۰ عیسوی دے چھیکڑ وج دڑ آون آے ہے اٹکل زور آوریٹکون
حملہ آور اتیں تسلط کار آہدن کیوں جو انہیں پیلھو کنوں موجود
سیرائیکی ریاستیں دی امن امان اتیں رچ کجھ آلی وسیبت کون اُچاڑیا۔

رسولپوری ہوریں سیرائیکی زبان دی منڈا آتیں دراوڑ بولیتیں نال جُوت
بلکہ سیرائیکی دے غیر آریائی زبان ہوون دے ایٹے تھیں دے کجھ
پوائنٹ اتھان وی اُپترائیں آتیں تامل اتیں سیرائیکی دے کجھ سانجھے
اکھڑ وی لکھین (صفحہ ۱۲-۱۵)۔ [پر بک پاسو براہوئی (دراوڑی
گروہ) اتیں ہئی پاسو بروشیسکی (انڈو ایریشن گروہ) کون کٹھا کرکین
سیرائیکی وج رکھن (میچو صفحہ ۱۲) لسنیات دے لٹریچر اتیں لسانی
مواد ڈوبائیں شہادتیں کون ہکلٹ آگیا گالھ ہے۔ قوم پرست ہن پرائیٹیں
امپیریلٹسٹ تھیورٹیں کون چیلنج کریندے تاں پٹین پر مُتبادل تھیوریاں
بٹدیاں گھٹ ہن۔]

مُصنّف دے مُطابق ملتان شہر آریائیں وسایا ہا اتھائیں انہیں سنسکرت
دا منہ متھا بٹایا۔ اتھائیں پنجویں صدی قم وج ٹیکسلا یونیورسٹی دے
پڑھیلپانیی [پائٹیشن] سنسکرت دے آلا ہول ستر (صوتیات) لکھینے
(صفحہ ۱۶)۔ اتیں اے جو اگلے ویلھئیں سیرائیکی تکرے مدافعت کار
آتیں بھڑاکے وی ہئیں۔ راجے پورس دا سکندر نال بھڑن، وت اوکون
دوکھے نال پلھے رستے تیں ٹورن جتھو او انت زخمی تھیترٹھا۔۔۔ وت

چندرگپت موریه دا یونانی جرنیل سلوکس دی کنڈ لَواوٹ۔۔ اے سبھ سیرائیکی وسیب دی قدیم تاریخ دے باب پن ((صفحہ ۱۶-۱۷))۔ [ایں سبھ قدیم تاریخ کون سیرائیکی کر لکھن دی ہک منطق اے وی تھی سگدی ہے جو تاریخ دے اے واقعے جنہیں مقامات تیں تھین انہیں وچو اکثر اچ ناں تاں ماضی وچ سرنیکی وسیب دا حصہ رہ گھین جہانجو ایں قدیم عہد دی تاریخ وچ اچو کے پنجاب دا خطہ اتیں باران اکثر چپ اتیں ہے نشان پن]۔

'سیرائیکی قومیت دا ارتقاء' دے عنوان نال تڑے صفحے لکھیل پن۔ ایندے وڈے دور اے نکلدن۔ قبل مسیح دور، سکندر دے حملے کن مدافعت دا دور، کیشک اتیں بدھ مت آلا اہم دور، سڈل ایسٹ دے حملہ آوریں (عریں) دا دور، مشرق وسطی دے دھڑیلیں۔۔ چھیکڑی آریہ، ترکیں، آتیں افغانیں۔۔ دا دور اتیں جدید یعنی ۱۸۴۱ دے بعد انگریزیں اتیں بعد آتیں دا دور (صفحہ ۲۰-۲۴)۔ ہک باب سیرائیکی خطے دے مزاج دے بارے وچ وی ہے۔ مثلاً نت وٹیندی، کوسی۔ سکی آب ہوا، موٹے رقبے تیں کاشتکاری دی وقتی مُنڈھ بدھ، درمیانے درجے دی معیشت گذران اتیں غلام نہ بٹا سگن آکے حملہ آوریں نال صدئیں دے واہ واسطے جھنیں عوامل زل مل کیں سیرائیکی مزاج دا مُنہ متھا بٹائے (صفحہ ۲۵-۲۸)۔

سیرائیکی قومی سوال دا-باب مزید قوم پرست چیتے کاری نال لکھیا ہوئے۔ کجھ اوکڑے مذکور پن جیویں ہارلے کاروبار دی منڈی تھی مُکن دا بھٹو، اتیں این۔جی۔اوز۔ دی دخل داری اتیں غیر جمہوری حکومتیں دے اثرات۔ نہ تاں اوٹیں سیرائیکی قومی تحریک دا اوٹولہا چنگانٹیں آس بھریا ہے۔ اِنھ لکھاری سیرائیکی صوبے دا کیس وی ودھائے۔ ایندے کیتے ہک آئینی گنجائش یاد ڈیوائی ہے جو ۱۹۷۳ دے آتیں دے راہیں ڈو ترہائی اکثریت دی مدد نال نویں صوبے بٹاوٹ دا رستہ موجود ہے (صفحہ ۳۹-۴۱)۔ آوٹ آکے ویلھے دے امکانات، کتابچے دا چھیکڑی باب ہے جیندے وچ لکھاری پکا شُبھ۔دروشٹ (رجائیت پسند) اتیں سبھوک شناس (فارورڈ لکنگ) نظر آندے۔ اے وی شاند ڈتی نیں جو سیرائیکی قومیت کون نہ منٹ دے موقف تیں قائم رہوٹ اتیں مشرقی پنجاب نال پریتان پاوٹ دی پنجابی سیاست دے ڈراکلے تیجے دا خیال رکھو (صفحہ ۴۳-۴۵)۔

تقابلی مطالعے نال پڑھن آکے بندے کون ایں لکھائی نال ہک ادھ گالھیں تیں آڑ آسی۔ لکھاری آپ سیرائیکی ہے، اتیں لکھت اے دعوی کریندی ہے جو سیرائیکی قومیت دا زبان آلال پُکھ پورا ہے تاں وت اے لکھائی سیرائیکی وچ کیوں نہیں۔ [ایندا جواب لارجر آڈینس توڑیں پُچن دی کوشش' آلا ملسی جیرھا متنازعہ ہے۔ آتیں گارشیا جھنیں لکھاری ایں جواب کون رد کر چکین۔ اتیں ایندی اصل وجہ او ہے جیکون 'ڈوڑی سُنجان' (ڈوڑیل آئیڈنٹیٹی) دی حکمت عملی آہدن۔ اے او صورت حال

ہوندی ہے جیرہلے لوک اپنی اصل قومی شناخت وچ کھڑ کیں مفادات کون بجاوڑ کیتے غالب قومی شناخت دے دائرے وچ وی پیر رکھ کھڑدن]۔

تحریر بہوں نکھی اتیں تھولی ہے۔ کئی نکتے یا اَن آکھینے اتیں یا ادھورے رہ گئیں۔ مثلاً اے جو پاکستانی پنجاب پھرکی مار (یو ٹرن گھون) کیں مشرقی پنجاب (بلکہ انڈیا) نال پکڈرفہ دوستی شروع کر ڈتی ہے۔ پیلھو جیرہا سرائیکئیں، سندھئیں، بلوچیں اتیں پٹھانیں دا موقف ہوندا ہا پُئ اوہو پنجاب دا ہے۔ باقی قومیندی ہاسو ایندا ولدا، یا انہیں دی پالیسی پُ کیا ہووے؟ وغیرہ۔۔

لیکھائی وچ پُرائے مآخذ وچ لیہن آلال مواد ورتیلے۔ نیشنلزم دی نویں آئیند (ڈسکورس) کون کہیں وجہ کون ہتھ نہیں لایا۔ ہر اے نشاٹر ہے جو مصنف اے تحریر قوم پرست جانبداری نال لکھی ہے۔ ایکون پڑھ کیں اے نکتہ ازیر تھیندے جو غیر جانبداری تیں آنج پنج دراصل کئی شے نہیں ہوندی۔ مظلوم قومیتیں دے لکھاری جیرہلے غیر جانبدار بٹن دی کوشش کریندیں تاں اے کم ہے سود ہوندے۔ انہیں دا اے دعویٰ کوئی تسلیم نہیں کریندا۔ تیں ایجھیں کم کون مہاندرے لٹریچر دے شلفیں وچ وی جاہ نہیں ملدی۔ مضمون نال انصاف کرن البتہ ہک علمی فریضہ ہوندے تیں امید ہے ایں کتابچے دے پڑھار کون اے شے مل ویسی۔

چھیکڑ تیں اے گاکھ آکھن سہاوت ہوسی جو محمد اسلم رسولپوری دا اے کتابچہ سیرائیکی قومیت دے سوال دے موضوع تینکجھ مُد توڑیں نصاب دا کم ڈیون آلال پیلھا کتابچہ ہے۔

2- اکرم میرائی

(الف) پاکستان میں قوم پرست تحریکیں اور ان کا مستقبل (اردن)، ۱۰ صفحیں دا پمفلٹ، منارٹی رائٹس کمشن لاہور، تاریخ آڈ ڈسی۔

ایں مضمون وچ لکھیرے بوریں قوم پرستیدی تاریخ دے بارے وچ ہک نوٹ لکھ کیں مُندھ بدھے۔ 'قوم پرست ریاستیں' (مُراد قومی ریاستیں) دا ذکر کیتے جیندے وچ جپان، فرانس، جرمنی اتیں امریکہ کتوں علاوہ، چین کون وی شامل کیتے نیں (صفحہ ۱)، اتیں اگرو وچ کیں اسرائیل کون امریکہ، کینیڈا، اتیں آسٹریلیا دے رُکے ایجھیں ماڈل قومی ریاستیں وچ لکھینے جنہیں دے تجربات کتوں پاکستان فائدہ چا سگدے (صفحہ ۶)۔ [اوئیں اسرائیل' قومی ریاست' (نیشن سٹیٹ) دے بجائے' ریاستی قوم' یعنی ریاست تیں بٹی ہوئی قوم (سٹیٹ نیشن) دے طور تیں مذکور تھیندے۔]

مضمون یک عام طور تیں وِسرتیے نکتے، یعنی سوویت یونین دے مُکیوے دے بعد وسط ایشیائی ریاستیں دے معاملے دو وی اشارہ کیتے (صفحہ ۱) [انہیں دا خود مُختیار سٹیٹس ولا سمجھو دے لائق ہے، البتہ اے آکھو جو سوویت یونین دے مُکیوے نال وسط ایشیائی ریاستیں دا چمٹا تھیے ولا سوچو آلی گالھ ہے۔]

لکھاری قوم پرستی دے معاملے کون نویں جگہ جوڑ یعنی گلوبلائزیشن نال رلا کیں ڈیکھو دا مشورہ ڈتے (صفحہ ۶-۷)۔ گلوبلائزیشن دا ہک مہاندرا اے ڈیسٹے نیں جو 'مونو کلچر' کون گھن آندی ہے (پیش لفظ)۔

مضمون دی تھیوری بندی وچ قوم پرستی دے 'سماجی عوامل' دا بیانہ ذکر ہے جنہیں وچو کجھ اے ہن: جُغرافیہ تیں موسم وغیرہ اتیں قومیں دی سماجی بٹت دے اتیں انہیں دا اثر جیرھا، زبان، فن، موسیقی، عقائد اتیں سوچو دے ڈھب وچ ظاہر تھیندے (صفحہ ۲)۔ اگو وچ کیں قوم پرستی دے (اربع) عناصر دا ذکر ہے جیرھے اے ہن: ۱۔ علاقہ، ۲۔ نسل، ۳۔ زبان، ۴۔ مذہب (صفحہ ۳)۔

این مضمون دی مُنڈھلی گالھ پاکستان دیہیں قوم پرست تحریکیں دا جائزہ ہے۔ انہیں تحریکیں وچ 'تحریک پاکستان' کون شامل کرکیں ایندے وچ اتیں عراق دی آچوکی 'سُنی مذہبی تحریک' وچ رکت

مُشابہت دا نشان ڈتے نیں۔ اے، جو بھئی ڈوبائیں لوکیں دی تحریک دے سبب وچ ہک گالھ رلویں ہے؛ ڈوہیں تحریکاں اپنا ماضی دا ڈڈھپ کھسیج ونچو دی وجہ کنوں اتیں ای این ڈڈھپ کون ولا ہتھیکے کر ڈی خواہش دے ماتحت پیدا تھین (صفحہ ۴)۔ [یعنی جیرھا ڈڈھپ عراق دے سُنی عربیں کون شیعہ مسلمانیں تیں حاصل ہا، اتیں جیرھی بادشاہت ہندوستان دے مسلمانیں کون ہندو اکثریت تیں حاصل ہائی۔ میرانی دے این نکتے کون تاملیں اتیں ایم کیو ایم وغیرہ دے بارے وچ لکھیل ڈاکٹر عنایت اللہ دے تھیسز کون تائید ملدی ہے (حوالہ یاد نہیں)۔]

لکھاری پاکستان دئیں کجھ قوم پرست تحریکیں دے بارے وچ تبصرہ وی کیتے جیندے مُطابق ... 'سیرائیکیوں کے پاس صرف لسانی پہچان ہے وہ نسل اور عقیدہ کے لحاظ سے بہت کمزور حیثیت کے حامل ہیں'۔ ... (صفحہ ۶۰۵)۔ اے مُختصر مضمون نیشنلزم دے موضوع تیں رواجی نظریے نال لکھیل ہک چنگا کومنت ہے۔

(ب) سیرائیکی تحریک کا مستقبل، ۴ صفحاتیں دا مضمونچہ، (اردو)، مہارٹی رائٹس کمشن لاهور، تاریخ آن ڈی۔ اکرم میرانی

ڈیویجے، ایندا آپنا تھنک ٹینک ہووے۔ [پڑھ کیں مُنہ وچ پائی تاں آندے بھل ایندے وچ پک نیکی جھٹیں اوکڑا اے ہے۔ او اے جو تھنک ٹینک آپٹئیں آپٹئیں ریاستیں دے پالیسی ساز ادارے ہونڈن اتیں اے بھوں وڈے فنڈز تیں چلڈن اتیں اے اتلا سوٹھے نہیں چنلا پرو کنوں نظر آندن۔ اے 'علم دے تقدس' الی وصف کنوں خالی ہونڈن۔ آج جتھاں جتھاں مُنظم خون خرابہ تھیندا پئے اوندے وچ پلھا ہتھ ویسٹ دے کجھ تھنک ٹینکس دا ہے۔]

مضمون وچ کجھ شئیں لکھییاں لکھیئیل پن جنہیں کون مسائل دا معروضی جائزہ آکھ سگدے ہیں: دریا دے پائی دی ونڈ، ماحولیات دا تکھا نقصان، سیرائیکی ریگستانیں وچ فوجئیں دی ابادکاری، جنگلات دا مُکیوا۔۔۔

تحریک کون اہری تیں فعال کرن کیتے لکھاری ضروری کمیں دے ترئے پُکھ بٹاؤن دی صلاح ڈتی ہے: سیاسی، ادبی و ثقافتی اتیں اقتصادی۔ سیرائیکی تحریک دیاں کمزوریاں پن۔ مثلاً اے جو اے محض زبان تیں قائم ہے، اتیں اے جو ایندے رقبے تیں ابادکار قابض پن [؟]۔ چھیکڑ وچ تحریک دی پک ہئی کمزوری اے لکھیئیل ہے جو ایندے سیاسی رہنما آپسی مشورے اتیں 'مالی آپ جوگ' جھٹیں کمیں وچ رہ گئیں۔

مُصنف دا اے ڈوجھا ڈاکومنٹ پکے سیرائیکی تحریک دے بارے وچ ہے۔ امریکہ دے ڈاڈھا اتیں ملٹی نیشنل کمپنئیں دا وڈکا ہووٹ اتیں ایندے نال جُڑیئے حقائق پک پاسو اتیں ایندے مقابلے وچ اسلامی مذہبی جماعتیں دا ٹولہ، اے ڈو گالہیں اتھودی موجود حالت دے پس منظر بطور مذکور پن۔ انہیں ڈوبائیں دی رلویں رتی (قدر مشترک) اے ہے جو ڈوبائیں عالمیت دے دعویدار پن۔ اتیں انہیں وچ ٹکر ہے۔ لکھاری انہیں شئیں کون مضمون دی پچھوکر بٹا کیں سیرائیکی تحریک دے بارے وچ کجھ گالہیں دو اشارہ کیتے:

اے، جو عراق دی تقسیم اتیں وجو گرد ریاست دے بٹن دے امکان نال بلوچ قوم پرستیں کون فائدہ تھیسے۔ بھل، سیرائیکی سیاسی لیڈر ہئیں قومپرست تحریکیں کنونانج تھی کیں کیں پنجاب دے نیڑے تھی گئیں۔

اتیں اے جو، سیرائیکی تحریک دے کم کرن کیتے چھی چیلنج موجود پن جیرھے اے پن: 'تحریک دے سیاسی پہلو، ابادکاری، پائی دی ونڈ، ماحولیات، تریمتیں دے حقوق اتیں تعلیم۔ اتیں اے جو سیرائیکی تحریک کلہپ دے بیٹھ آگئی ہے۔

مضمون وچ مشورے شامل پن؛ اے جو سیرائیکی تحریک دے قوم پرست تحریکیں نال تعلقات ودھیجن۔ ایندی بین اقوامیت دو توجہ

جیویں جو دستی لکھتیں تحریریں نال تھیندے انہیں ڈو مضمونیں وچ وی کئی مغالطے ہن۔ مثلاً 'قومیت' آتیں 'قوم پرستی' یعنی 'نیشن ہڈ' اتیں 'نیشنلزم' کون رلا ملا ڈترے نیں؛ 'قومی ریاست' (نیشن سٹیٹ) کون 'قوم پرست ریاست' (نیشنلسٹ سٹیٹ) لکھتیں نیں۔ ایہو جھیاں کجھ بے احتیاطیاں مضمونیں دی تھیوری بندی کون ونجا گئیں۔

ایہو جھتیں سیاسی تجزیے جیرھے کہیں لوکیں دی اپنی تاریخی آٹوٹ کنوں ڈھیر نت وٹندی عالمی صورت حال دے ماتحت لکھیندن او اگو دے آڈتھے وقتیں کیتے نہ، بلکہ اچوکی کھت کیتے ہوندن۔ نیشنلزم دی اینہ ظرز تعیر دے مشہور لکھاری ہابس بام کون اپنی پک ستی کتاب دے نیشنلزم آلے چیٹر دے چھیکڑ وچ لکھتا پئے گئے جو اسان اگو دے بارے سرو کجھ نئے آکھ سگدے، "وونی ڈونٹ نوو" (ہابس بام، ۱۹۷۷، صفحہ ۹۴)۔

انہیں مضمونیں دی زبان (اردو) ہے، انہیں دے مواد تیں کٹنٹ دا تناظر مقامی کنوں زیادہ گلوبل ہے، پبلشر پک نیک نام ادارہ لاہور دا منارٹی رائٹس کمیشن ہے، انہیں دی ٹائمینگ اے ہے جو بلوچستان، سندھ اتیں سیرائیکی علاقے دے رلکیں سوچن دے امکان دے ڈر کن پنجاب دی 'پیشیند ہل چل' شروع تھی گئی ہے اتیں انہیں دے 'ہدف قاری' دا دائرہ وی پوہلا ہے۔ چنانچہ آکھ سگدے ہن جو اکرمیرائی دے اے مضمون اچوکی کھت کیتے لکھن دے تلاوڑے تیں پورے لہندین؟

3. فیاض باقر

سیرائیکی آئیڈنٹیٹی، 'وسیب کوم' تے چھپیل ۱ صفحے دا مضمون، (انگریزی)

فیاض باقر دا اے انگریزی وچ لکھیا مضمون اعجاز بلوچ ہوریں ویب سائٹ 'وسیب ڈاٹ کوم' وچ اینہ سال ۲۰۰۷ وچ چھاپئے۔ پک صفحے دے این مضمون وچ لکھاری سیرائیکی شناخت دے بارے وچ ڈسٹن دی کوشش کیتی ہے۔ مضمون وچ تھیوری نال متعلق پک چنگا جھیاں پیراگراف وی شامل ہے جیندا ممکن ترجمہ اے ہے؛

'قومی سنجان' دی بحث دا وڈا پکھ اے سوال رہ گئے جو آیا وکھڑپ تیں 'ون پون' (ڈائورسٹی) کون اظہار ڈیون تیں ودھاوون قومی اتفاق کون تکڑا کریندے یا ایندی گھٹکی کریندے۔ بعد دی گذرت تیں واقعات اے ڈکھائے جو نتیجے دا دارمدار ون پون دے ودھارے اتیں ایندے اظہار تیں نئیں بلکہ این گالھ تیں ہے جو ٹھاڈے وچ این ون پون دے ازاد اظہار اتیں ایندے ودھارے نال ورتارا کرن اتیں این کنوں تکڑپ حاصل کرن دی اٹکل کیتی ہے۔'

قوم پرستی دی این تشریح کون 'آلا کاری نظریہ' (انسٹرومنٹلسٹ تھیوری) آبدن۔ یعنی اے جو انج قوم بووون یا قومی سُنجان آپ کئی معنی نئیں رکھیندی۔ معنی این گالھ وچ بن جو کون ایگون کیوں ورتیندے۔

فیاض باقر دے مطابق پاکستان دے پوادھی حصے دا انج تھیون آتیں ون یونٹ دا مکیوا پک ایجھان سوہ با جئیں سرائیکی شناخت کون 'پپوٹک' پتی (ٹرگر کیتا)۔ [سوچو اے طور انہیں سارنیں علمی بحث تیں کتابیں کنوں جان چھووا پندے جیرھیاں سرائیکی سُنجان کون ایندی یوآئی زبان اتیں تاریخی تیں تہذیبی قدامت وچ پرکھیندین، جیونجو قبل تقسیم دے اوریشٹلسٹ اتیں بعد دے مقامی لکھاری۔

فیاض باقر لکھدین جو سرائیکی شناخت نہ انج تھیون (سپیریشن) منگدی ہے نہ صوبہ۔ اے سارے ملخ وچ کھنڈیے اہتے لوکیں دا پک تھیون منگدی ہے [اے لکھن دے بعد جو سرائیکی سُنجان نہ صوبہ منگدی ہے نہ سپیریشن، این سوال دے جواب دی لوڑھ پوندی ہے جو سارے سرائیکی لوکیں دے پک تھیون دی صورت کیا رہ ویندی ہے۔] پڑھار این لکھائیکون 'لائل محمدنر' طرز دی انتظامیہ کونہوں تسلی ڈیوتالی سٹریٹیجی دے نمونے بہ طور وی ڈیکھ سگدے ہن۔

پنجاب، برٹش ایمپائر آتیں

سرائیکی سُنجان

مشاق گاڈی، اسلام آباد

پنجابی دے لکھاری اتے دانشور مشاق صوفی کجھ مد پیلھوں اہتے ہک آرٹیکل "پنجابی ذہنیت" اچ لکھدن جو:

"پنجابی نوں سار ای نہیں جو آپنے آپ بارے اوہ کیسے تاریخی پھلکے دا شکار ہے جس کارن اوس دی شناخت منفی بنیاد اہتے کھلوتی ہوئی ہے تے منفی بنیاد ہے طاقت اہتے ہے خیرا بھروسہ۔ اجیہے بھروسے کارن اوہ پاکستان دے ریاستی ڈھانچے ا ندر طاقت نوں قومی ایکتا دے ہتھیار دے طور ورتن دا عادی ہو چکيا ہے۔ (ایس) طاقت اہتے بھروسے دا (اک) تاریخی پچھوکر ہے۔"

او کیڑھا تاریخی پچھوکر ہے جیندی گالھ مشاق صوفی کریندے تے جیڑھا منفی پنجابی شناخت تے اوندے ریاستی طاقت اہتے اندھے بھروسے دا کارن بٹھے؟ پاکستان بٹن باد پچھلے سٹھ ورہیں اچ این خطے اچ وسن آلیں نہیں قومیں، خاص کر سندھیں، بلوچیں تیں سرائیکیں کون آخر پنجاب کنیں وڈی شکایت کیوں ری ہے؟ پاکستان

اچ پنجابی اکثریت ڈوبلمنٹ اتیں ریاستی طاقت ہوندیں وین وی آپٹی ہولی تے کلچر دے ودھارے کنیں مُنہ کیوں موڑی رکھے؟
 بہوں سارے اچوکے سکالرز تے کھوج وان پنجاب دی این منفی شناخت تیں ریاستی طاقت اُتے اندھے بھروسے کون ہندوستان اچ برٹش کالونیلزم دے تجربے تے اثر نال جُزیندن۔ اُنہیں دے خیال موجب اچوکا پنجاب (جغرافیائی، سیاسی تے تہذیبی پہلو نال) بہوں حد تائیں برٹش کالونیلزم دی پیداوار ہے۔ برٹش کالونیلزم کیتے پنجاب دی حثیت کئی حوالے نال اہم بی تے این کیتے اُنہیں دی پنجاب بارے پالیسی باقی ہندوستان کنیں بہوں حد تائیں اچ تے نونیکلی ری ہے۔

برٹش کالونیلزم کیتے پنجاب ہمیش ہک وڈی ملٹری مارکیٹ/فوجی منڈی بٹیا رہے، جتھوں ادھی کنیں ودھ انڈین آرمی بھرتی تھیندی ہی۔ سرحدی گیرین صوبے تے وڈی ملٹری مارکیٹ دے طور پنجاب دی قومی سُنجان، کلچر تے سیاست وڈی حد تائیں کالونیل ریاست دے اثر تے کنٹرول اچ رہن۔ پنجاب دی وسیبی تے ذہنی گھاڑت اچ ڈوجھا اہم فیکٹر اتھا ڈوبلمنٹ دی کالونیل آئیڈیالوجی دی مقبولیت ہے، جیندا تریخی گانڈھا برٹش کالونیلزم دے تحت تھیوٹ آئی کینال کالونائزیشن تے ترقی دے پنہیں منصوبیں نال جُردے۔ ایہا وجہ ہے آج جیش ویلے بلوچستان، سندھ تے سیرائیکی وسیب دے لوک آپٹے وسائل تے تھیوٹ آئی غیر قانونی ریاستی قبضے دے خلاف آواز چیندن تے این سانگے قومی خود مختیاری دی گالہ کریندن تاں پنجابیں دی اکثریت

اُنہیں کون "ترقی دشمن" آہدی آے۔ گُذری ہک صدی اچ پنجاب اندر کالونیل ڈوبلمنٹ اتے ہندوستان دی ونڈ نال جُزی وڈے پیمانے دی مائیگریشن/ ہجرت ہک پیا اہم فیکٹر ہے جیندے نال اتھوں دی تریخی وسوں کھینڈو کھانڈ تھئی تے پنجابیں دی آپٹی قومی سُنجان، تل وطنی کلچر تے ہولی نال بیگانگی ودھی ہے۔
 اسان آپٹے این آرٹیکل اچ برٹش کالونیلزم تے پنجاب دے آبت دے انہیں خاص رشتیں سانگیں کون کھول کے سمجھن دا نکا جیہاں آہر کریسوں۔

پنجاب ہک گیرین صوبہ:

"ساڈی حکومت ساڈا خیال رکھدی اے تے اسان وی اوندے وفادار رسوں تے اوندے کیتے ہر حال اچ بھڑدے رسوں۔ تساکوں حکومت دی ہر تراویں دی مدد کرٹی چاہیدی ہے۔ ڈیکھ میڈا بھرا! ساڈا بادشاہ ساڈا پیو ہے تے جیڑھا وی اوندی مدد کنیں انکاری تھیندے، اوں کنیں وڈا گناہ گار پیا کوئی نیں تھی سگدا"۔ ہک سکھ سپاہی دا فرانس دے محاذ کنیں گھر دو لکھیا خط

" این جنگ کنیں ودھ پیا کیڑھا موقعہ تھی سگدے جتھاں ساڈا خاندان انگریزی سرکار نال آپٹی وفاداری ثابت کر سگے؟ ترکی ساڈے کیتے کجھ وی نیں۔ اسان مسلمان ترکیں نال بھڑدے پئے ہائیں۔ کیوں؟ ایندی وجہ اے ہے جو

اسان انگریزی سرکار نال پیار کریندے ہئیں تے انہیں دا اقتدار ساڈے کیتے خوشحالی گھن کے آئے۔" ہک مسلمان پنجابی سپاہی دا ترکی دے محاذ کنیں گھر دو لکھیا خط

ہندوستان کون انگریز ایہوں دی دیسی انڈین آرمی دی مدد نال فتح کیتا تے اُنہیں دی اُساری انڈین ایمپائر دا وڈا دارومدار ہمیشہ ایں آرمی دی وفاداری تے رہیا۔ برٹش انڈین آرمی نے ہندوستان اچ انڈین نیشنلزم دی بر تحریک کون تشدد نال مُکایا تے برٹش ایمپائر دے عالمی مفاد کیتے ایہا انڈین آرمی مصر کنیں گھن پیرس تائیں دنیا دے ہر محاذ تیں بھڑدی رہی۔

کُجھ سوال جیڑھے ہر سوچن بار دے جیتے اچ آندن او اے ہن جو انڈین آرمی دی ہک ہابری دھڑیل حکومت تے قوم نال وفاداری دی کیا بٹیاد ہئی؟ اے دیسی آرمی تے اوندے سپاہی انڈین نیشنلزم دی وڈی سیاسی تحریک دے اثر کنیں کیوں بچے رہے؟ انہیں سوالیں دا ہک سانجھا جواب برٹش انڈین آرمی اچ پنجاب تے پنجابیں دی غیر معمولی برتری تے انہیں دی برٹش ایمپائر نال وفاداری ڈسیا ویندے۔ ایں جواب کون کھول کے ڈیکھن کیتے ساکوں تریخ اچ جھاتی پاوٹی پوسی۔

برٹش انڈین آرمی دا منڈھ سترہویں صدی کنیں بنگال اچ ایسٹ انڈیا کمپنی دی ہک "چھوٹی تے بے قاعدہ جہیں فورس نال پدھیجا، جیندی

تعداد 1856ء اچ ودھ کے اڈھائی لکھ تھی گئی۔" (میچو؛ میزدر، صفحہ 7) ایسٹ انڈیا کمپنی دی حکومت بنگال، مدراس تے بمبئی پریزیڈنسی اچ ونڈی ہوئی ہئی تے ہر پریزیڈنسی دی آپنی انج آرمی ہئی۔ بنگال آرمی سبھ تون وڈی ہئی تے اوندنا کمانڈر انچیف پوری انڈین آرمی دا وی کمانڈر انچیف ہوندا ہئی۔ بنگال آرمی اچ پوربہ کنیں اودھ تے بہار دے علاقیں دے وڈی ذاتیں دے راجپوت تے باہمن بھرتی کیتے ویندے ہن، جڈاں جو مدراس تے بمبئی آرمی اچ مقامی لوک بھرتی تھیندے ہن تے اُچی ذاتیں دے لوک کون کوئی ودھ ترجیح نہی ڈتی ویندی۔

رنجیت سنگھ دے مرٹن باد انگریز پنجاب تے اوندی سلطنت دے بنہیں علاقیں کون 1849ء اچ ایں بنگال آرمی دی مدد نال فتح کیتا تے برٹش انڈین ایمپائر اُہے ہندوستان دے چھیکڑی سرحدیں تائیں پُج گئی۔ پنجاب کون آپنی عملداری اچ رلاوٹ باد انگریزی حکومت پیلھا سرکاری حُکم نامہ اے جاری کیتا جو رنجیت سنگھ دی پراٹی فوج کون مُکا کے ہر قسم دے اسلحے دی بازیابی کیتی ونجے۔ ایندے نتیجے اچ "لہور اچ ہک فوجی کٹھ تھیا جیندے اچ پنجاہ ہزار خالصہ سکھ سپاہیں کون کُجھ معاوضہ ڈے کے فارغ کر ڈتا گیا تے نال ای ہک لکھ ویہ ہزار کنیں ودھ ہتھیار وی ضبط کیتے گئے۔" (میچو؛ یانگ، صفحہ 36) انگریز دا خیال ہئی جو پنجاب اُتے آپنے قبضے کون پکا کرٹ تے امن برقرار رکھن کیتے اے لازم ہے جو سکھ خالصہ

سپاہیں کوں کھینڈو کھانڈ کر ڈتا ونجے۔ پر تریخ کوں کجھہ ہیا منظور
ہئی۔

پنجاب فتح کرن دے کوئی آٹھ سال باد ای انگریزی دی اُساری این
برٹش انڈین ایمپائر کوں مئی 1857ء دے غدر دی صورت اچ ہک وڈی
فوجی بغاوت دا سامہٹا تھیا۔ این بغاوت نال انگریزی اقتدار ہک وڈے
خطرے اچ پئے گیا۔ اے بغاوت میرت دے سٹیشن تیں موجود بنگال
آرمی کنیں شرو تھئی، جیندے وچ دیسی فوجی آپئے یورپین افسریں
کوں مار کے دلی بھج گئے تے اُتھاں شہر اُتیں قبضہ کر کے بہادر شاہ
ظفر کوں ہندوستان دا بادشاہ بنا ڈتونیں۔ بغاوت دی خیر پورے
ہندوستان وچ کھنڈ گئی تیں دلی کنیں گھن اُہے بہار توٹیں سبھو
علاقہ جنگ جمل دا میدان بن گیا۔ بغاوت ویلے برٹش انڈین آرمی وچ
دیسی فوجیں دی کل تعداد 86 فیصدی ہئی۔ انگلینڈ کنیں کوئی وی
امداد چہ مہینے کنیں گھٹ مُد اچ نہی پُج سگدی جڈاں جو ڈوجھی
پاسوں دیسی ہندوستانی فوجیں دی اکثریت دی وفاداری مشکوک تھی
چکی ہئی۔

انگریزیں کوں این بغاوت کوں مکاوٹ اچ پورا ہک سال لگ گیا۔ این
پوری بغاوت دوران پنجاب اچ امن ریا تے اتھوں انگریزیں کوں وڈی
فوجی امداد وی ملی۔ رنجیت سنگھ دی پرائی فوج، خاص کر سکھ
سرداریں این موقعے دا پورا فیدہ چاتا تیں "اگلے ست مہینیں وچ اتھوں
لگ بھگ چوتری ہزار (34000) باقاعدہ پنجابی فوجی بھرتی کیتے

گئے، جنہیں نال مل کرانیں انگریزیں دلی تیں وچلے ہندوستان دے ہتے
شورش وات آئے علاقیں تیں ولا قبضہ کیتا۔" (ساگی، صفحہ 39)
پنجابیں دے این کردار دا اے نتیجہ نکھتا جو انگریزیں این وفاداری دے
بدلے اُنہیں دے اثر رسوخ رکھن آکے لوکیں اچ دل کھول کے جائیداد
ونڈی تے نال ای نویں ملٹری پالیسی تحت پنجابی فوجی بھرتی کرن
ہک ریاستی ترجیح بن گئی۔ اگوں ونج کے پنجاب کوں ہک گیرڈ
صوبہ بٹاوٹ اچ ڈو ہتے فیکٹرز وی اہم ہتے۔ ہک ناں 1870ء دے چھیکڑ
اچ گریٹ گیم تے روسی خطرے دے پیش نظر انگریزیں پنجاب کنیں
ودھیک فوجی بھرتی کیتے۔ پنجابی فوجی بھرتی کرن دی اے پالیسی
اُنہیں دی "مارشل ریس" دی نسل پرستانہ تھیوری دا وی نتیجہ ہئی۔
انگریزیں دا خیال ہئی جو روسی فوج نال بھڑی کرن کیتے لازمی اے
جو ہندوستان دے جنگجو قومیں کنیں فوجی بھرتی تھیوٹے چاہئین۔
رابرٹ جیڑھا جو ہک وڈا انگریز ملٹری آفیسر تے "مارشل ریس" دی
تھیوری دا چیمپیئن ہئی، او آپنی ہک رپورٹ اچ لکھدے جو:

"ساکوں پلہا قدم اے چاون دی لوڑھ اے جو اسان
بنگالی، تامل، تیلگو تے مرہٹیں جنہیں ہندوستانی سپاہیں
دی بجائے ودھیک جنگجو تے لڑاکے قومیں کنیں آپئے
فوجی بھرتی کروں۔۔۔۔۔ تے میکوں ایندے اچ کوئی
شک نیں جو اینجھے جنگجو تے لڑاکے لوک ساکوں
کتھاں ملسن؟ میڈا یقین اے جو گورکھے، سکھ،

پنجاب، برٹش ایمپائر اتیں سیرائیکی سُنجانا

ٹوگرے، راجپوت، جٹ تے چوٹویں مُسلمان این کم
کتے بہترین بن۔" (ساگی، صفحہ 61-62)

این نویں 'نسل پرستانہ' ملٹری پالیسی دے تحت وچلے پنجاب دے
ماجھے دے علاقے کنیں سکھیں دی وڈی تعداد کوں برٹش انڈین آرمی
اچ بھرتی کیتا گیا، جڈاں جو پچادھی تے اُبھے پنجاب اچ مُسلمانیں
اچوں گکپڑ، جنجوعے، اعوان تے راجپوت توائے جنگجو قومان شمار
تھئے تے انہیں دی اکثریت فوج اچ بھرتی تھئی۔ سیرائیکی وسیب تے
سندھ اچ وسن آلیاں قومان بارے اے آکھیا گیا جو اے فوج اچ بھرتی
دے قابل تھیں۔

جیویں جیویں ہندوستان اچ برٹش کالونٹیلزم پاڑاں پکڑیندا گیا، اینویں ای
برٹش انڈین آرمی اچ پنجابی فوجیں دی تعداد وی ودھدی گئی۔
ایندا اندازہ اسان تان تائی یانگ دی پاسوں ڈترے بیٹھلے ریکارڈ نال کر
سگدے سے۔

برٹش انڈین آرمی اچ پنجابی فوجیں دی تعداد

سال	کُل انڈین فوجی	کُل پنجابی فوجی	پنجابی فوجیں دی فیصد تعداد
1880	1,37,299	25,810	18.6
1890	1,47,852	30,548	20.7

پنجاب، برٹش ایمپائر اتیں سیرائیکی سُنجانا

1900	1,44,095	50,952	35.3
1910	1,76,455	69,458	39.4
1919	8,13,607	3,63,027	44.5
1925	2,19,523	99,113	45.1

ڈوجھی عالمی جنگ ویلے برٹش انڈین آرمی اچ پنجابی سپاہیں تے
افسریں دی تعداد سٹھ (60) فیصد کنیں وی ودھ گئی۔ پنجابیں دی
برٹش انڈین آرمی اچ اجارہ داری دا اندازہ اسان این گالھ کنیں لا
سگدے سے جو اون ویلے "پورے ہندوستان اچ پنجاب صوبے دی کُل
آبادی بارہ (12) فیصدی کنیں وی گھٹ ہئی جڈاں جو لگ بھگ ادھی
فوج پنجابی ہئی۔ یاد روے جو پنجاب صوبے دی این 12 فیصد آبادی
اچ بہاولپور کوں چھوڑ کے پورا سیرائیکی وسیب وی شامل ہے، جتھوں
فوج اچ نان جوگی بھرتی وی نہی تھیندی۔ سکھ جیڑھے ہندوستان
دی کُل آبادی دا ڈو (2) فیصد کنیں وی گھٹ ہن، انہیں دی انڈین
آرمی اچ تعداد بارہ (12) فیصد ہئی (میچو؛ میزمر، صفحہ 12)

برٹش انڈین آرمی اچ پنجابیں دی این اجارہ داری دے انہیں کوں کئی
فیدے تے مفاد پُجن۔ ہک تان اچو کے پاکستان دی کار برٹش انڈیا اچ
وی لگ بھگ آدھا حکومتی بجٹ فوج تے خرچ تھیندا ہا۔ جتھاں ہک
پاسوں پورے ہندوستان کوں ہک وڈی آرمی تے اوندے بجٹ دا بار
چاوتھا پوندا ہا، اُتھاں پنجابیں دی وڈی اکثریت کوں ملٹری بجٹ کنیں

ڈائریکٹ فیڈا تھیندا رہے۔ حکومتی ریکارڈ موجب برٹش انڈیا دے کل ملٹری بجٹ دا پنونجھہ (55) فیصدی سپاہیں دی تنخواہ اتے پنشن اچ خرچیندا با۔ برٹش انڈین آرمی اچ آہتی این اجارہ داری دی وجہ توں پنجاب تے پنجابی سپاہی این وڈے ملٹری بجٹ دا سبھ توں ودھ فیڈہ چیندے ہن۔ مثال کیتے انگریز افسر ڈارلنگ جہلم ڈسٹرکٹ بارے لکھدے جو:

"این ڈسٹرکٹ اچ پائی دی تان قلت ہے پر کیش (نقد رقم) دی بہتات اے تے اچ کل دے حالات اچ سبھ توں اہم شے کیش ای ہے۔۔ 1939ء اچ پورے جہلم ڈسٹرکٹ اچ سرکاری آمدن کتیں چھی گنا ودھ فوجیں دی پنشن آئی ہے" (یانگ؛ صفحہ 82)

رنجیت۔ کے۔ میزدر دی کہوج دے مطابق " 6-1935ء اچ پورے پنجاب اچ فوجی پنشن گھنٹ والیاں دی کل تعداد ہک لکھ تے چھتری ہزار ہئی جنہیں کوں ڈاک خانے دے ذریعے ہک کروڑ پنچٹھ لکھ، تے چھوی ہزار (1, 65, 26,000) روپے ملن، جہاں جو حکومت دی این سال پورے صوبے کتیں سالانہ آمدن مال (لینڈ ریونیو) پنچ کروڑ چوتری لکھ، آتھتری ہزار تے ستارہاں (5, 34, 38,017) روپے بٹدی ہئی۔" (میزدر، صفحہ 23) ڈوجھے لوظیں اچ فوجی پنشن اچ ملن آئی اے

رقم کل آمدن مال دا چھیواں حصہ ہئی۔ جسے اسان پنجابی سپاہیں کوں ملن آئی تنخواہ وی نال رلاؤن تان تصویر کجھ ہئی ہن ویسی۔ ہک گیرڈن صوبہ ہووٹ دی وجہ توں پنجاب اچ انگریزیں ہوں وڈا انفراسٹرکچر نٹ ورک بٹایا، جیندے اچ کٹونمنٹس، ریلوے، سڑکاں، ڈاک خانے وغیرہ شامل ہن۔ این انفراسٹرکچر دا فیڈہ اتھوں دی مقامی سول آبادی کوں وی پُچا تے اتھاں تجارت، تعلیم، رڑھ واپی تے ملازمتیں اچ ودھارا تھیا۔

پنجابیں کوں انڈین نیشنلزم دی سیاسی تحریک کتیں پورے رکھن کیتے انگریزیں کیتے اے لازم ہا جو فوجی بھرتی دے جاہیں/علاقے اچ گورھی سول۔ ملٹری سانجھ قائم کیتی ونجے۔ این سول۔ ملٹری سانجھ دی وڈی لوڑ پیلھی تے ڈوجھی عالمی جنگ اچ ودھ نشاہر تھئی، جہاں ہک پاسوں پورے ہندوستان اچ جنگ دے باد معاشی بحران ودھ گیا تے ہئی پاسوں فوجی ملازمت کتیں ریٹائرڈ تھی کے وڈی تعداد اچ سپاہی آہٹیں وستیں واپس آوٹ ہئے گئے۔ اے ایہو دور ہے جہاں ہندوستان اچ سول نافرمانی دیاں تحریکاں وی زور پکڑ چکاں ہن۔ اے دور انڈین آرمی تے خاص کر پنجاب دی برٹش کالونیلزم نال وفاداری دا ہک وڈا امتحان ہا۔ این دور اچ سول۔ ملٹری سانجھ کوں ودھاوٹ کیتے انگریزیں پنجاب دے فوجی بھرتی دے ضلعیں اچ سولجرز بورڈ قائم کیتے جنہیں اچ ریٹائرڈ فوجیں دے نال نال ڈسٹرکٹ انتظامیہ تے مقامی چوہدری/نمبردار شامل ہوندے ہن۔ انہیں سولجرز بورڈ دے وڈے کمیں

اچ فوجی میڈل دی وند، سرکاری زمینیں دی الاٹمنٹ، پنشن دے معاملات دی ڈیکھ بھال، بقایاجات دی ادائیگی وغیرہ شامل ہن۔ انہیں سولجرز بورڈ بتاؤن دا اے نتیجہ نکھتا جو بک پاسوں سول۔ ملٹری سانجھ گورھی تھی تے ہٹی پاسوں ریاست دی پنجاب دی (سول) سوسائٹی اچ مداخلت ودھ گئی۔

پنجاب، ڈویلپمنٹ دی کالونیل آئیڈیالوجی اتیں مائیکریشن

"بھونیں تے قبضہ کرن انسان دی تقدیر ہے تے بھونیں دا مقدر انسان دے قبضے بیٹھ آون ہے۔ جے فطرت تے انسان پورا قابو نیں کر سگدا تاں نہ ای اوندنا بھونیں تے پورا قبضہ تھی سگدے تے نہ ای او آہنی معراج تے بچ سگدے"

بک کالونیل انگریز انجینئر دا آکھاؤ

برٹش امپیریلزم تے ماضی دے ہنہیں دھاڑیل تے قبضہ گیر ٹولیں اچ بک وڈا وکھرب ڈویلپمنٹ دی آئیڈیالوجی ہئی۔ ڈویلپمنٹ دی این آئیڈیالوجی دی بنیاد ڈوشین تے ہئی۔ بک اے جو انسان دی ترقی تے اوندے مادی لوڑھیں کون پورا کرڻ کیتے اے لازم ہے جو سائنس تے ٹیکنالوجی دی مدد نال فطرت تے اوندے وسائل دی پوری تسخیر کیتی ونجے۔ ڈوجھا اے جو سائنس تے ٹیکنالوجی اچ آگوں ہووڻ دی وجہ نال اے مغرب دا تریخی فریضہ بڈے جو او جہالت تے اندھارے اچ

وسدیں ہنہیں ملکیں تے قومیں تے قبضہ کر کے انہیں دی ڈویلپمنٹ کراوے۔ ڈویلپمنٹ دی این کالونیل آئیڈیالوجی کنیں مغرب دا سبھ توں وڈا انسانیت پرست نظریہ 'مارکسزم' وی نہ بچ سگدا۔

اے مارکس دے لوظ ہن جو برٹش کالونیلزم دا ہندوستان اچ اے تریخی فریضہ ہے جو او پرائی دنیا کون تباہ برباد کرے تے ارتقاء دے اصول موجب بک ننویں دنیا اُسارے²۔

پنجاب برٹش کالونیلزم کیتے ڈویلپمنٹ دی این آئیڈیالوجی دی بک وڈی تجربہ گاہ بٹیا۔ این آئیڈیالوجی دا وڈا اظہار کینال کالونائزیشن اچ 'تہیا جیندے تحت اتھوں دے دریاویں آگوں مستقل بیڈ ورکس بٹا کے اتھاں اڻ گنت دائمی نہراں کھٹیا گیاں تے وسیع علاقے آباد کیتے گئے۔ ریکارڈ ڈسیندے جو "1885 کنیں گھن کے 1947 تائیں پنجاب اچ بک

² ڈویلپمنٹ دی این کالونیل آئیڈیالوجی دی اصل بنیاد ارتقاء دا مغربی نظریہ ہئی۔ اے نظریہ چارلس ڈارون نے ڈنا جیندے موجب او جاندار انواع جیڑھاں ماحول نال مطابقت نہں رکھ سگیاں، او آہنی بقاء دی جنگ ہر گیاں تے او جنہیں بدلدے فطری ماحول اچ آہنے آپ کون سبھ توں ودھ فٹ رکھا، انہیں دی نسل آگوں جلدی رہی۔ فطرت دی تبدیلی تے ارتقاء دے این اصول کون باد اچ سپنسر تے ہنہیں مغربی دانشوریں انسانی سوسائٹی تے لاگو چا کیتا تے انہیں دے ارتقاء دے درجے بٹا ڈئے جیندے موجب مغرب ارتقاء تے تبدیلی دے سبھ کنیں آگے درجے تے اے تے ہئے ہر سماج نے ایندی تقلید کرٹی ہے۔ مارکس تے اینگلز نے ارتقاء دے این اصول کون آہنے معاشی نظریے نال رلا کے سوشلزم دی آئیڈیالوجی گھڑی۔

کروڑ ڈاھ لکھ (11,100,000) ایکڑ رقبہ انہیں نویں دائمی نہریں نال آباد کیتا گیا۔" (میچو؛ عمران علی، صفحہ 9) این نہری رقبے اچ ستلیج ویلی پراجیکٹ دے تحت بہاولپور ریاست اچ آباد تھیوں آلا رقبہ شامل نیش جتھاں وڈے پیمانے تے کالونائزیشن کیتی گئی بی۔

اے گالہ فرض کرن ٹھیک نہ ہوسی جو وادی سندھ اچ نہری ترقی انگریزین دے دور اچ شرو تھی۔ اتھوں دے "مقامی حکمرانین، خاص کر سیرائیگی وسیب تے سندھ اچ سیلابی نہریں دا ہک وڈا چال وچھایا ہویا بی۔ اے نہراں دریاویں اچ چھل چڑھن نال ای وگن شرو تھینداں بن تے عام طور تے اگلے چار کئیں پنج مہینے چلداں رہنڈیاں بن۔" (میچو؛ گلمارش، صفحہ 4) اصل اچ اے اتلا پنجاب بی جتھاں ہاریں³ دی وجہ توں سیلابی نہراں کدھن اوکھا بی۔ آپاشی دا ڈوجھا وڈا ذریعہ کھو ہوندے بن جیڑھے اُنہالے اچ ودھیک کمیں آندے بن۔

پنجاب اچ کینال کالونائزیشن اتھارویں صدی دے چھیکڑ اچ شرو تھی۔ پیلھوں کینال کالونائزیشن ملتان کئیں شرو تھی۔ اتھاں سدھنائی کینال مکمل کیتی گئی جیندے اچ وڈی تعداد اچ پنجابی مہاجرین کوں آباد کیتا گیا۔ وت ساہیوال دے علاقے اچ سوہاگ پاڑا کینال

³ ہار ڈو دریاویں دے وچالے اچھے علاقے کوں آدن۔ اُتلے پنجاب اچ کئی ہاراں بن جویں جو گنجی بار، نیلی بار، وغیرہ۔ سیرائیگی وسیب بیٹھلا علاقہ ہووے تے سندھ ساگر دی وجہ توں ہاریں دا وجد نہی۔

کالونی بی۔ اے ڈوہیں نہراں پیلھوں سیلابی بن جنہیں کوں کجھ ڈیزائن دی تبدیلی نال نویں سرو بٹایا گیا۔ اصل تے وڈی کینال کالونائزیشن پنجاب کالونی نال شرو تھی۔ سیرائیگی وسیب اچ کلہا ملتان اتے بہاولپور اچ کینال کالونائزیشن تھی۔ دمان اتے تھل این عمل کولہوں بجے رہے تے اتھاں پاکستان بٹن باد کالونائزیشن دا عمل ودھیا۔

این کینال کالونائزیشن دے کئی مقاصد ڈسے ویندن۔ ہک تاں اے جو اوں ویلے لندن اچ بینک مالیاتی سرمائے نال ڈٹے پئے بن تے اُنہیں کوں وڈے پیمانے دی سرمایہ کاری دی لوڑھ بی۔ پنجاب اچ وڈے نہری منصوبے بیرونی قرضیں دی صورت اچ این سرمایہ کاری دی سوکھی شکل بن۔ ڈوجھا، انگریزی سرکار کیتے اے منصوبے ریاستی آمدن ودھاوے دا سوکھا ذریعہ بن۔ تریجھا، انگریزین کوں وچلے پنجاب، خاص کر مانجھے دے علاقے اچ ودھدی آبادی دی فکر بی جو ایندے نال انہیں دے فوجی بھرتی دے وڈے جابیں اچ بے چینی تے امن امان دا مسئلہ ودھ ویسی۔ کینال کالونائزیشن نال وچلے پنجاب کئیں آبادی دی پنچادھی پنجاب اچ وڈے پیمانے دی منتقلی آسان تھی گئی۔ چوتھا، نہری ترقی دے اے منصوبے انگریزین دی ملٹری پالیسی کوں ودھاوے دا وی ہک ذریعہ سمجھے گئے جیندے تحت حاضر سروس تے ریٹائرڈ فوجیں کوں ننویں آباد زمینیں دی الاٹمنٹ کیتی گئی۔ پنجاب دے سیاسی اثر رسوخ رکھن آکے او گھرانے جیڑھے انگریزین دے وفادار

سمجھے ویندے بن تے فوجی بھرتی اچ مدد کریندے بن، انہیں کون وی وڈے پیمانے تے الاٹمنٹ تھئی۔ مثال کیتے "سکھیں دے مذہبی پیشوا بابا سر کھیم سنگھ بیدی کون ساہیوال اچ سوہاگ پاڑا کینال کالونی اندر ست ہزار، اتہ سو ایگر اراضی آلاٹ کیتی گئی۔" (میچو؛ عمران علی، صفحہ 17) بابا کھیم سنگھ بیدی دا سانگا گرو نانک نال جڑدا ہئی اتے ایس 1857ء دے غدر اچ انگریز دی بھریور امداد کیتی ہئی۔

کینال کانٹریوشن نال تھیوڈ آئے آبادی دے وڈے وٹا پھیر دا اندازہ ایس گالہ کنیں لایا ونج سگدے جو 1891ء کنیں گھن 1941ء دے وچالے (جیڑھا آدھی صدی دا عرصہ بٹدے) امبالا ڈسٹرکٹ اچ ڈو فیصد آبادی گھٹ گئی۔ ایویں ہوشیار پور دی آبادی اچ انہیں پنجاہ ورہیں اچ کلہا 15 فیصد ودھارا تھیا۔ وچلے اتے پوادھی پنجاب دے ضلعیں گورداسپور، حصار، فیروز پور، امرتسر، کرتال، لدھیانہ، روہتک وغیرہ دی صورتحال وی کئی وکھری تھی۔ ڈوجھی پاسوں لائلپور (فیصل آباد) دی آبادی اچ ڈو ہزار (200) فیصد ودھارا تھیا۔ مٹنگمری (ساہیوال) ڈسٹرکٹ اچ آبادی دا ودھارا ڈو سو انویں (219) فیصد ریکارڈ کیتا گیا۔ جڈان جو ملتان اچ ہک سو اٹھتری (138) فیصد، جھنگ اچ ہک سو چار (104) فیصد ودھارا تھیا۔ (ساگی؛ صفحہ 60)۔

ہندوستان دی ونڈ تون باد وی پاکستانی پنجاب دی آبادی دا نگال سیرائیگی وسیب اتے سندھ دو جاری رہا۔ پنجاہ دے ڈہاکے سندھ دریا اُتے کالا باغ دے نال جناح بیراج بٹیا تاں اُتھوں تھل کینال کڈھی گئی جیندے نال میانوالی، بکھر اتے لہ دے ڈسٹرکٹ دا تقریباً ساڈھے ست لکھ (750,000) ایکڑ رقبہ آباد تھیا۔ ایس رقبے اچوں ساڈھے پنج لکھ (550,000) ایکڑ رقبہ پنجابی آبادکاریں کون آلاٹ تھیا۔ بیرون تھل جیڑھا ایس آبادکاری کنیں بچا ہوئے، اُتھاں گریٹر تھل کینال دے بٹن باد صورتحال مکمل بدل ونجڑ دا خطرہ ہے۔ پنجاب حکومت دے بٹانے بی سی ون (PC-1) موجب تھل دے نویں نہری علاقے دی آبادی اچ چار سو (400) فیصد ودھارا تھی ویسی۔ اے علاقے اچ لکھاں ایکڑ رکھو کھ دا رقبہ ہے جیڑھا آباد کاری کیتے مختص کیتا گئے۔ ایویں سندھ طاس معاہدے باد جڈان تربیلہ ڈیم بٹیا اُتے چولستان دے نہری رقبہ اچ اضافہ تھیا تاں اُتھاں وی وڈی الاٹمنٹ پنجابیوں کون تھئی۔ کجھ الاٹمنٹ سچے کوڑے کلمیں دی بٹیا تے تھئی، کجھ زمیناں پنجابی فوجیں کون ملٹری پالیسی دے تحت ملیاں اتے کجھ اُتے پنجاب دی سول بیوروکریسی چڑھ گئی۔

جیویں سولہویں صدی کنیں گھن ورہیں صدی تائیں کالونیلزم دے تحت یورپ آہٹی ودھدی آبادی کون پیلھے امریکہ اتے وت افریقہ، ایشیا، آسٹریلیا منتقل کیتی رکھے، ایویں ای پنجاب اچ آبادی دی منتقلی تھندی رہی ہے اتے تھندی ہئی ہے۔ اے پالیسی برٹش انڈین

ایمپائر تیں بٹائی ہئی جیڑھی اجاں توئی جلدی پئی ہے۔ ایہا وجہ ہے جو اچ پنجاب اچ ڈویلپمنٹ دے وسوں آتے کلچر نال سانگے کون کہیں تنقیدی نظر نال تیں ڈٹھیا ویندا اتے پنہیں ہمسایہ قومیں دے آہٹے وسائل اتیں خودمختیاری دے مطالبے کون ملک دشمنی اتے ترقی دشمنی گنیا ویندے۔ اے کالونٹیل آئیڈیالوجی دی عینک ہے جیندے نال پنجابی اکثریت ڈویلپمنٹ دے سوال کون ڈیہدی اتے اوندے اتیں یقین رکھدی ہے۔

پنجابی نیشنلزم اتے ماء ہولی دے بارے پنجابی رویہ

انڈین کھوجن بار رنجیت۔ کے۔ میزمدار کجھ مُد پیلھوں چھپی اپٹی کتاب " دی انڈین آرمی اینڈ دی میکنگ آف پنجاب " اچ برٹش کالونٹیلزم اچ پنجاب دے کردار دا جائزہ گھنڈیں ہوئیں پنجابی نیشنلزم دے بارے بیٹھو ڈٹا نتیجہ کڈھدے:

"برٹش کالونٹیلزم دے دوران پنجاب اچ نیشنلزم اتے نیشنلسٹ تحریک انڈین آرمی اچ پنجابی بالادستی دی وجہ توں بہوں ڈکی ٹھلی/محدود رہی۔ پنجاب اچ نیشنلزم شہریں کنیں اگوں نہ ودھ سگیا اتے پنجابی دیہات ریاست دا ہمیش وفادار رہیا۔"

(میچو؛ رنجیت۔ کے۔ میزمدار، صفحہ 3)

رنجیت۔ کے۔ میزمدار دے مطابق پنجابی نیشنلزم تریخی طور تے ریاستی سٹرکچر نال جڑیا ہووَن دی وجہ توں آہٹے اظہار اچ ہک ڈکیا ٹھلیا/محدود نیشنلزم ہے۔ پنجابی نیشنلزم دی ڈک ٹھل کیتے جے ہک پاسوں کالونٹیل ریاست پورے ہندوستان دے برخلاف پنجابی دی حکمران طبقے اتے فوجی بھرتی دے خطیں کون حکومت اتے اقتدار اچ شریک رکھے تاں ہئی پاسوں انہیں کون آہٹی ہولی، وسوں اتے کلچر کنیں بیگانہ اتے اوپرا بٹارن دا وی ہر جتن کیتے۔ این مقصد کیتے پوری سوشل انجنیرنگ کیتی گئی ہے۔ وڈے پیمانے دی کینال کالونٹیلزم اتے مانگریشن دے علاوہ این سوشل انجنیرنگ دا ہک وڈا اظہار پنجاب اچ لینگوئیج پالیسی کنیں تھیندے۔ پنجاب کون اردو۔ ہندی تنازعہ دا ہک وڈا مرکز بٹا کین انگریزی لینگوئیج پالیسی دی بحث کون اتھان وڈی خوبی نال مذہبی رنگ ڈے ڈتے۔ پنجاب دے شہری پڑھے لکھے مسلمان طبقے پنجابی دی بجائے اردو کون آہٹی (قومی؟) سُنجان دا ذریعہ بٹائے۔ این چٹاؤ اچ انہیں دا مادی اتیں مالی وی مفاد ہئی جو انگریزی پنجاب اچ اردو کون انگلش دے باد ڈوجھی سرکاری زبان دا درجہ ڈٹا ہوئیا ہئی۔ اردو نیکھن پڑھن نال حکومتی عہدے اتے نوکریاں گھنن انہیں کیتے سوکھا تھی گیا۔ این عمل اچ کالونٹیل ریاست انہیں دی بھرپور مدد کیتی۔

ڈوجھی پاسوں سکھیں کیتے گرمکھی سکرپٹ اچ لکھی پنجابی آہٹی مذہبی قومی سُنجان دا ذریعہ بٹی اتے پنجابی ہندو آہٹی وابستگی ہندی

نال جوڑ گدھی۔ این تراویں پورا پنجاب زبان دے معاملے اچ مذہب دی بنیاد اتے ونڈیج گیا۔ ایندے نال نال انگریزیں پنجاب اچ بولی ونچن آئیں ہنہیں زبانیں کوں پنجابی دا لہجہ بٹا کے اُنہیں دا مکرو وی ٹھپ ڈتا۔

طاہر کامران آپتے ہک اَنّ چھپٹیل بیبر "پنجاب، پنجابی اینڈ اردو: اے ہسٹاریکل ایریڈل" اچ ہک بنگالی دانشور پرتھا چتر جی دے ہندوستان اتیں کالونیلزم دے کلچرل اثرات دے جائزے دا خلاصہ ڈتے۔ پرتھا چتر جی دا آکھن ہرے جو ہندوستان اچ برٹش کالونیلزم دی تمام تر مادی طاقت اتے سیاسی اثر دے باوجود اوندی ایتھوں دے لوکیں دی اندرونی روحانی پرت' توٹی پھنچ نی تھی سگی۔ بولی، تہذیبی قدران اتے وسیبی وٹت این اندرونی روحانی پرت دے کجھ اہم عناصر ہن جیڑھے اگوں ونچ کے ہندوستان دے لوکیں دی کالونیلزم دے خلاف مزاحمت دی بنیاد بٹن اتے اُنہیں دے نیشنلزم دی اُساری اچ مدد کیتی نیں۔ اے گالہ بہوں حد تائیں درست ہرے جو ہندوستان دے لوکیں ہارلی غلامی اتے ڈڈھپ دے مقابلے اچ اکثر آپتے تہذیبی اتے روحانی ورثے کوں آپتی طاقت بٹانے۔

طاہر کامران دے مطابق پنجاب دا معاملہ باقی ہندوستان کئیں بہوں حد تائیں نوپکلا رہے گئے۔ برٹش کالونیل ریاست نال ودھیک جڑے ہوون دی وجہ توں پنجابیں دی اکثریت، "خاص کر مُسلمان پنجابیں آپتی ماء

ہولی کئیں منہ موڑ کے اردو جہیں ہک اوپری زبان کوں آپتی سُنجان دا ذریعہ بٹا گیدھا۔" (میچو، طاہر کامران، صفحہ 3) مثال کیتے "جنیں ویلے پنجاب یونیورسٹی دے نویں بنگالی وائس چانسلر ڈاکٹر بی۔ ایل چتر جی 1908ء اچ آپتے خطاب اچ اے آکھیا جو پنجابی این خطے دی اصل بولی ہرے اتے اردو دی بجائے پنجابی کوں ڈوجھی سرکاری زبان بوونٹا چاہیدے تان اوندی مخالفت اچ پنجابی مُسلمانیں ہک طوفان کھڑا کر ڈتا۔ اوں سال امرتسر اچ مُسلم لیگ دا اجلاس تھیا تان چتر جی دی مذمت اچ ہک زوردار قرارداد پاس کیتی گئی۔" (میچو، طارق رحمان، صفحہ 396)۔ ایندا وڈا نتیجہ اے نکھتا جو پنجابی لوک مذہب دی بنیاد اتے ونڈیج گئے اتے اُنہیں دا نیشنلزم ہارلے قبضے دے خلاف ڈکھا ٹھلہا/محدود ریا۔ ایندے علاوہ پنجابی آپتے اندرونی روحانی اتے تہذیبی دائرے کوں کالونیلزم دے اثرات کئیں بیجاوٹن اچ ودھیک کامیاب نہ تھی سگئے۔ اے صورت حال پاکستان بٹن توں باد اوین دی اوین رہی۔

سیرائیگی سُنجان دا سوال

سیرائیگی سُنجان کوں ڈیکھن اتے سمجھن دیاں کئی دیداں تھی سگدن۔ ہک دید تان اے ہرے جو سیرائیگی سُنجان کوں ماضی قدیم نال جوڑ کے ڈٹھا ونجے۔ سیرائیگی تحریک اچ ساکوں اپتی سُنجان دی مُندھ قدیمیت دے کئی دعوے اتیں حوالے ملدن۔ مثال کیتے بہوں ساریاں سیرائیگی لکھتاں ہن جیڑھاں ڈسیندن جو ایہو سیرائیگی خطہ ہی جیندے اچ آریا دی مشہور رگ ویدا لکھی گئی تے اتھاپیں آریا اتے

دراوڑیں وچالے پیلہی وڈی بھیڑی تھی۔ گنا دھیا بک بیا حوالہ ہے جیڑھا سیرائیکی سُنجان کیتے ورتیا گئے۔ اینجھے بہوں حوالے ساکوں سیرائیکی نثر اتے شاعری ڈوبیں اچ ملدن⁴۔

ایندے اچ کوئی شک نہیں جو قومی سُنجان اچ مُنڈھ قدیمیت اتے تریخی ویند دے حوالے اتے پرجول آپٹے گذرے ماضی کون غیریں دی بجائے آپٹی اکھ نال ڈیکھن سچھن اتے اوندی تعبیر کون آپٹے ہتھیکا کرڻ اچ مددگار تھیندن۔ تاریخ جے بک کھائی/فکشن وی ہے تاں اے آپٹی لکھی ڈسی بوٹی چابیدی ہے۔

ایں سبھ دے نال نال اے گالھ وی سچ ہے جو کوئی مُنڈھ قدیمیت آپٹی اصل اتے خالص شکل اچ نہیں رندی۔ قدیمیت بک بٹھادی جوہر ہے جیڑھا ویلے دے نال نال نواں شکلاں اتے صورتاں گھندا رندی۔ جے قدیمیت دی اے خوبی نہ ہووے تاں او تبدیلی دے اٹل قانون آگوں تگ ای نہ سگے۔

سیرائیکی سُنجان دی بٹھاد بلا شک سیرائیکی دھرتی، ہولی اتیں لوکیں دی مُنڈھ قدیمیت اتیں تریخی ویند نال جڑی ہوئی ہے پر ایندی اچوکی

⁴ اشو لال دی "کان وسوں دا پکھی ہے"، "شیر حسن اختر دی "ملوہیا۔ سدا سہاگن"، اتے ہئے اینجھے کئی شاعری مجموعے ہن جنہیں اچ سیرائیکی وسوں دی سُنجان کیتے مُنڈھ قدیمیت دے حوالے اتے استعاریں کون ڈھگ ورتا گئے۔

شکل صورت کون پچھلیں صورتیں کنیں انج کر کے ڈیکھٹا ہوسی۔ میں اچوکی سیرائیکی سُنجان کون ڈی۔ کالونائزیشن دا بک وڈا ترلا سمجھیندا۔ برٹش کالونیلزم دے دور اچ جیڑھا گریٹر پنجاب پیدا کیتا گئے اتیں جیویں وادی سندھ دے این خطے ذی وسوں، زبان اتیں کلچر کون کالونیل ریاست (جیڑھی اچاں تائیں قائم ہے) اتیں استحصالی ترقی دے تابع گھن آوڻ دا جتن تھئے، سیرائیکی سُنجان نہ صرف اوندے خلاف بک ردعمل ہے، بھلکہ اے آپٹے ماضی نال جڑے نویں راہیں، نویں حوالے دی گول پھروں وی ہے۔ ایہا وجہ ہے جو سیرائیکی سُنجان دی تحریک سیاسی گھٹ اتیں مقامیت اتے تہذیب دے ترلے نال ودھ جڑی رہی ہے۔ سیاسی کنیں میڈا اتہاں مطلب مغرب دا نیشنلزم دا او نظریہ ہے جیڑھا قومی سُنجان کون قومی ریاست اتیں قومی مفادات نال جوڑ کے ڈبھدے۔

بیلیو گرافی اتیں حوالے

1- گلمارتن

Gilmartin, David (2004) Irrigation and Baloch Frontier" in Mansura Haider, eds., Sufis, Sultans and Feudal Orders (New Delhi: Manohar, 2004)

2- علی

Ali, Imran (2003) The Punjab under Imperialism, Oxford University Press, Karachi

3- میزمر

Mazumder, Ranjit, K. (2002) The Indian Army and the Making of Punjab, Permanent Black, New Delhi

4- یانگ

Yong, Tan Tai (2005) The Garrison State: The Military, Government and Society in Punjab, 1849-1947, Vanguard Books, Lahore

سرائیکی زبان تے ادب
سُنجاٹ تے سوچ دا مسئلہ

امجد نذیر، اسلام آباد

بہانویں جو میں سرائیکی زبان دا کوئی باقاعدہ آتے دقیقہ رس قاری کوئی نمہی رہ گیا، پر جڑ ویلے وی میں سرائیکی زبان اچ کوئی گتیاں چٹیاں لکھتاں پڑھداں تاں۔ ترائے چار شئیں میکوں ولا ولا محسوس تھیندین۔ ممکن اے جو انہیں وچوں کجھ گالھیں میڈا مغالطہ ہوون تے کجھ میڈا ایمپریشن لیکن شعر و ادب بلکہ فکروادب نال میڈی پراٹی وابستگی میکوں آہدی ہے جو اے گالھ کافی حد تیں درست ہے۔ باقی اے سچ ہے جو کوئی وی تاثر حتمی نہیں ہوندا، اصلاح تے مباحثے دی بر ویلھے گنجائش موجود ہوندی ہے تے ہووٹی چاہیدی ہے۔

پہلا کشٹ یا جدوجہد جیڑھا سرائیکی زبان آہتے ہووٹے آتے آہتی سُنجاٹ کیتے کلیندی پئی ہے او "میں کیا ہاں تے کیا نمہی" آلا مسئلہ ہے۔ یعنی آہتے نکھیڑتے تے رلاوٹے دی گردان ہے۔ ساڈے سرائیکی دانشور آہتیاں ونکو ونک لکھتاں نال شعوری تے غیر شعوری طور تے اے ثابت کرٹے دی کوشش کریندن جو سرائیکی زبان سارے زبانیں کولوں انج ہے تے خاص الخاص زبان ہے۔ سرائیکی پنجابی زبان نہیں یا سرائیکی زبان اردو زبان نہیں بلکہ اے انتہائی قدیم زبان ہے تے ایندا رشتہ جے کہیں

زبان تے دور نال ملدے تے او شاید دراوڑ یا سنسکرت یا سنسکرتی ادب اُپنشد یا پُران نال ملدے۔ این زبان دے قدیم ہووَن وچ کوئی شک کوئی تے اے گالھ درست بوسی یا ہے لیکن اصل گالھ یا سوال اے ہے جو اچ تائیں کوئی وی زبان صرف اور صرف آپنے پُرانے ہووَن دی وجہ کولوں اہم نہیں بی سگی۔ مثال دے طور تے لاطینی، یونانی، یا حتیٰ کہ عربی زبان قدیم ہووَن دے باوجود کڈاپیں ہک خاص حیثیت کولوں اگوں نہیں ودھ سگیاں۔

باوجود ایندے جو پُرانا ہووَن دی خاصیت وڈی اہم ہے کیوں جو پُرانا ہووَن دی وجہ کول، کہیں وی زبان وچ فطرت، زندگی دے مسائل آتے سیاسی تے معاشی تجربہ رچ رس ویندے۔ ڈوجھی حقیقت اے ہے جو کوئی وی زبان الگ تہلگ اتے کلہی مکلسی نہ کھڑ سگدی ہے نہ چل سگدی ہے۔ زبانان ہک ہئے کولوں گھندیاں ڈیندیاں تے ورت ورتارا کریندیاں رہ ویندن۔ ایندی ہک عام مثال انگریزی اتے اردو زبان ہے۔

انگریزی وچوں جے لاطینی اتے یونانی لفظ، بالخصوص اصطلاحات کڈھ گھنو تاں انگریزی زبان دا سارا فکری تے سائنسی ڈھانچہ دھڑام نال تلے ڈھمہ پوسی۔ اینویں جے اردو زبان وچوں تُساں فارسی تے عربی لغت کڈھ گھنو تے اے نہایت کھوکھلی تے بے مراد زبان بچ ویسی، ماسوائے کجھ سنسکرت اتے مقامی زبانیں دے لفظیں دے جیڑھے این وقت دے نال نال آپنے پیٹ وچ پاتن۔ گالھ کرَن دا مقصد اے ہے جو

سیرائیکی زبان کول بچائے کہیں ہئی زبان کولوں ڈرن یا آپنے ختم تھی ونچن دے خوف دی بچائے آپنے فکری پرکھ پر چول کول زیادہ مضبوط کرَن دی لوڑ ہے جو فکر زبانیں دے وجود تے ودھارے وچ ہے پناہ کردار ادا کریندی ہے۔

بندا جڑ ویلے وی کوئی سیرائیکی خاص الخاص نثری ادب پڑھدے تے اونکوں اوندے وچ ہک دھارا یا ہک رُجحان ولا ولا ڈیکھن کول ملدے۔ او اے ہے جو ساڈا کلچر، ساڈی روایت، ساڈا اُتھن بابون تے ورت ورتارا کیا ہوندا ہئی تے کینجھا ہوندا ہئی تے ساڈی زبان اچ کینجھے کینجھے ایکسپریشن یا اظہار موجود ہن یعنی علم الکلام دیاں گنجلتاں۔ اے ساریاں گالھیں ساکوں قصے کہانیاں، اکھاٹ تے محاورے یا کہیں ویلے واقعات ڈسنا کرے ڈسیاں ویندن۔ میں ہر گز اے گالھ نہیں کرَن چاہندا جو زبان دی بقا اتے احیاء کیتے اے پہلو ضروری کوئی ہوندا، میں آکھن اے چاہندا جو این گھمٹ گھیری وچ کھڑ ونچن اتے فکری حوالے نال ساکت تے جامد تھی ونچن نال زبانان بچائے اگوں ودھن دے رُک تے سُک ویندین تے ہئی گالھ اے ہے (جے سینئر سیرائیکی ناراض نہ تھیون تاں) جو اے نوٹلجیا، بلکہ روون دھوون (طنز معاف) کم از کم زبان دی حیاتی کیتے بے سوڈ تے بے کار ہے۔ جے اسال آپنی زبان کول لائبریری دے عجائب خانے یا لوک ورثے وچ چھپیں تے پروٹیں آلی کار سجاوَن چاہندے ہئیں، ول این ڈگر تے چلدا

رہ ونچنُ ٹھیک ہے۔ انشاء اللہ چالیہی پنجاہ سال بعد اے خطرے وچ مبتلا زبانیں دی فہرست اِچ شامل تھی ویسی۔

این حالت اِچ جیڑھے لوک آپنی زبان کوں نویں پڑھنُ آکے ہن او چھوڑ ویندن جو اُنہیں کوں کوئی نویں سوچ یا دماغ جھنجھوڑنُ آلی گالھ ملدی نئیں تے جیڑھے پُرائے پڑھنُ آکے ہن او ہکا گالھ یا ہکو خیال پڑھ پڑھ کے تھک پوندن۔ لہذا ڈوبیں گروپ کوئی ہئی زبان دا رُخ کریندن، کیوں جو اسان اے جائدے ہئیں جو سیرائیکی دا قاری سیرائیکی دے علاوہ ڈو ترائے بیان زبانان دا وی قاری ہے۔ این واسطے رُخ وٹاوُن سوکھی جہیں گالھ ہے۔

این خلا کوں پُر کرنُ واسطے سیرائیکی دانشوریں تے لکھتیں کوں ڈو کم کرنُ ضروری ہن۔ ہک تے او زیادہ کول زیادہ انگریزی، روسی، جرمن، فرانسیسی، تے ہسپانوی فکر جیڑھی کہیں وی شکل وچ ہووے، اوند ا ترجمہ کرن، براہ راست نہ سہی تاں بالراست یعنی انگریزی یا اردو زبان دی معرفت۔ ڈوجھا اے جو موجودہ سیاسی، سماجی، معاشی تیں جے ممکن ہووے تاں فلسفیانہ مسائل دے آتیں زیادہ کول زیادہ قلم چاون۔ میڈا خیال ہے جو کوئی وی زبان اپنی پچھیتی گولنُ کول زیادہ آگیتی جائنُ تے لہنُ نال ترقی کریندی اے۔

جتھا تائیں اینکوں اردو تے پنجابی کولوں نکھیڑنُ دا مسئلہ ہے، او لسانی کنیں ودھ سیاسی مسئلہ ہے تے سیاسی مسئلے کوں سیاسی طریقے نال سمجھنُ تے سیاسی طریقے نال حل کرنُ زیادہ ضروری ہوندے۔ کہیں جھوٹے سچے پنجابی زبان دان یا دانشور دا اے آکھ ڈیونُ جو سیرائیکی پنجابی زبان دا لہجہ ہے زبان نئیں، ایندے نال ساڈی زبان اوند ا لہجہ نئیں ہن ویندی۔ او وی کہیں سیاسی مفاد یا غلبے دی خاطر اے گالھ کریندے ہئے ہوندن نہ جو کلہا زبان دے زور تے۔ ہک محدود لسانی حساسیات دے مطابق جے کہیں زبان وچ گھٹ کول گھٹ نوں (9) آوازاں تے کلہے نوں سو (900) لفظ وی ہوون تے اُنہیں لفظیں تے آوازیں دی ٹوکویں (رینڈم) ردوبدل نال او ہک مکمل زبان ہنُ سگدی ہے جیڑھی روز مرہ دے کم و بیش سارے اظہار تے اشارے آپنے اندر سنگوڑ سگدی ہے۔ سیرائیکی وچ گا، ہا، چا، ڈا، ٹا ایہو جھیاں اندر مونہی (امپلوسو) تے جہ گائی (گلوٹل) زیادہ بھی ٹ تے رجنان کثیر تربیتی (ملٹی پل کمی نیشن) آکے لفظ موجود ہن جو اینکوں آپنے انج پنج تے مکمل زبان ہوونُ دی فکر کرنُ دی زیادہ لوڑھ نئیں۔ این مسئلے دی ایندے کولوں ہئی وڈی مثال کیڑھی ہوسی جو سندھی زبان آپنے لفظیں آوازیں دے سٹرکچر (سینٹکس) دے ہک ہوونُ دے باوجود آج سیرائیکی کولوں انج زبان سمجھی تے منی ویندی ہے۔ ایندی وجہ سندھی بھراویں دی سیاسی کامیابی ہے نہ جو لسانی۔ اِتھاں تک جو اِتھاں دے سیرائیکی لوک وی آپنے آپ کوں سندھی اکھواونُ تے ڈساونُ پسند کریندن۔ ڈوجھی گالھ اے ہے جو سندھی زبان ہنُ آپنے کیا ہوونُ

یا نہ ہووَن یعنی آہنی سُنجان دے مسئلے کولوں تھوڑی جہیں اگہ نکل گئی ہے۔ اے گالہ درست ہے جو سندھی زبان وچ حالی تائیں سائنسی یا فلسفیانہ اوریجنل فکر دی کوئی بنیاد کوئی پر تھوڑی بہوں سیاسی آتے سماجی فکر ضرور موجود ہے اتیں شاعری دے علاوہ افسانوی تے ڈرامائی فکر باقی قومی زبانیں دے مقابلے وچ زیادہ بہتر شکل وچ موجود ہے۔ سیرائیکی زبان اوندے کول وی ہک قدم پچھوں ہے۔

زبان نال گنڈھیا ہوئیا ہک پیا مسئلہ قوم تے قومیت دا ہے جیڑھا بہوں زیادہ گنجل دار تے کثیر پہلوی ہے جیندے آتیں ہک انج بحث آتے تجزیے دی لوڑہ ہے۔ اتھاں چھڑی ایہو چتلی گالہ ضروری تے جڑی ہوئی ہے جو زبان قومیتی ترکیب دا ہک دھاگا ہے۔ کوئی ڈو ثقافتی گروپ (ایٹھنک گروپ) بعض اوقات ہک زبان ہووَن دے باوجود وی ڈو انج قوماں ہووَن دے دعویدار تھی سگدین آتیں ایندی الٹ مثال وی عین ممکن ہے۔ برطانیہ ، امریکہ تے آسٹریلیا جیڑھیاں جو اینگلو سیکسن قوماں بن اتے جنہاں دی تاریخ حتی کہ مذہب وی ہکو ہے ، اوہن انج قوم ہووَن دا پرچار کریندین تے ایہو حال عراقی ، سعودی ، شامی تے باقی عرب قومیں دا ہے۔ خلاصہ دلیل اے ہے جو قومیتی سُنجان کیتے وی اے کوئی سکہ بند فارمولا نہیں جو کلہی زبان دانہ اتے زبان سازی تے زور ڈتا ونجے تے فکری اُپج اتے اختراع کول نظر انداز کر ڈتا ونجے۔

ہک پیا المیہ طاقت (پاور) آتے زبان دا ہک ہتے تے اثر ہے۔ ہووَن تے این چاہیدا ہے جو وڈی فکر رکھن آلی زبان کول وڈی زبان سمجھیا ونجٹا چاہیدا ہے پر حقیقت ایندے کول آلتی ہے۔ جیڑھی زبان بولن آتے زیادہ سیاسی تے معاشی طاقت رکھیندن انہیں دی زبان وی وڈی زبان سمجھی ویندی ہے۔ انگریزی، فرانسیسی، جرمن تے ہسپانوی زبان دی مثال ساڈے سامنے ہے۔ روسی، جاپانی، تے چینی زبان دی مثال وی تھوڑے جہیں فرق نال درست ہے۔ پیلھے تے اے تریہے زبانان آہنی آہنی انج فکری روایت رکھدن۔ ڈوجھا انہیں آہنے آہنے بحران دے دور وچ کجھ مضبوط اتے انا پسندانہ پر قابل تعریف فیصلے کیتن۔ انہیں فیصلیں وچوں سب کول اہم فیصلہ آہنی زبان وچ لکھن پڑھن تے ہول چال تے میڈیا دا نظام ہے۔ چینی، روسی تے جاپانی انہیں تریہے زبانیں دے بارے وچ اہل مغرب دا خیال ہئی جو اے سائنسی یا فلسفیانہ فکر دی صلاحیت نہیں رکھ سگدیاں۔ ڈوجھی جنگ عظیم دے بعد جڑ ویلے امریکی قرضے آتے تعاون نال جاپان دی دوبارہ تعمیر و ترقی تھیون شروع تھی تے امریکی انتظامیہ جاپان کول اصرار کیتا جو او آہنا تعلیمی تے تحقیقی ذریعہ انگریزی زبان کول بٹاوے پر جاپانی حکومت وڈی دانشمندی نال این تجویز کول رد کر ڈتا۔ انہیں پچھلے چالہی پنجاہ سال دے اندر اے گالہ ثابت کر ڈتی ہے جو جاپانی زبان وچ ہر قسم دی سائنسی ، فنی تے فکری گالہ سوچی تے عملی شکل ڈتی ونج سگدی ہے۔ این ویلے جاپانی دنیا وچ سب کول ودھ آئی۔ کیو رکھن والی قوم ہے تے ڈیجیٹل ٹیکنالوجی وچ اوندہ کوئی ثانی کوئی نہیں

چیتی اتے روسی زبان بولن والیاں قوماں وی آپنی سائنسی تے فکری ایجادات وچ کہیں کولو پچھوں نہیں ریاں۔

اے ساری بحث چھیڑن دا مقصد اے ہے جو سیرائیکی زبان وچ کم از کم میکورہ جدید فکر دا فقدان نظر آندے تے میڈا خیال ہے جو آپنی سُنجانُ تے منیوے دی سیاسی جنگ آپنی جاہ (جیڑھی اسان لڑدے رہ ویسوں)، اصل اِچ ساکوں ودھ توجہ جدید سائنسی، فکری تے فلسفیانہ مسائل اُتیں لکھن پڑھن تے سوچن اُتے ڈیوٹی چاہیدی ہے۔ ایں کشت وچ جے ساکوں کجھ اکھریا یا ایکسپریشن مستعار وی گھٹھے پٹے ونجن تان کوئی حرج کوئی۔ زبان دا وجود اوندنا ڈھانچہ یعنی سینٹیکس نال ہوندے نہ جو چھڑے لفظیں نال۔ ہک گالہ صاف ہے جو سکھتی شاعری تے شاعرانہ روایت، جیڑھی جو سیرائیکی زبان وچ بہوں مضبوط ہے، ساکوں سیاسی تے فکری حوالے نال کہیں پڑ نہ لیسے۔

اٹھواں اسمان۔ گروٹسیک دی شاعری

سعید گاڈی (دیرہ غازیخان)

شام اینویں زچھی ہئی ہے جینویں ہے مُدھ مریض آپریشن دی میو اُتے... ہئی ایس ایلٹ

ایندے وچ کوئی شک نہیں جویں جو مذہب تے سائنس دا اختلاف مُنڈھ لا کتیں ہے، اینویں ای شاعری تے مذہب دا اختلاف وی انسانی تہذیب دے آغاز کتیں ہے پیا۔ جیکر انسانی تہذیب یونان کتیں شروع تہندی ہے تان ول شاعری تے فلسفے دا جھیڑا وی بہوں پراٹا ہے۔ افلاطون اپنی "جمہوریہ" وچوں شاعر کون کڈھ ڈٹا ہا۔ میڈے نزدیک اے ہک خالص اخلاقیات دا مسئلہ ہئی۔ فلاسفر تے شاعر دا اے تضاد اُنہیں دی انجو انج اخلاقی دنیا اُتے چنگائی دے مُنڈھ پاند گولن دا ہئی۔

شاعر اپنی اخلاقیات کون سماجی دھارے کتیں گھٹ تے جمالیاتی دھارے نال ودھ جوڑیندن۔ (اے ول سیرائیکی پرکھ پرچول کیتے ہک ننویں بحث ہوسی) شاعری دی لغت وچ جمالیات ہک وسیع معنی رکھدی ہے۔ اے کلہا ہارلے عوامل (اَبجیکٹ) کتیں متاثر تھیون دا نان نہیں۔ ایں وی آکھیا ونج سگدے جو رنگ، دھب، چھاں، پُہل، بوٹے، دھرتی یا کوئی سوٹی شے یا منظر ہووے، اے سبھ شاعری دے

عوامل بن - شاعر دی اخلاقیات فارم دی گول ہے، مواد (کٹینٹ) دا قصہ بعد دی گالہ ہے۔

میڈے نزدیک فارم دی مُنڈہ دی تاریخ ہی اصل وچ انسانی تاریخ ہے۔ جے تَساں مُنڈہ دی انسانی تہذیب (یونان) کنیں گھن کرابیں آج دے انسان دے تہذیبی سفر کوں سمجھن چاہندے باؤ تاں ہر عہد دی ادبی فارم کوں پرکھو، پوری انسانی تاریخ تہاڈے سامنے ہوسی تین جینگوں جہالت دی لغت شاید ابلاغ دی تاریخ آکھے۔

دلچسپ گالہ اے ہے جو کہیں وی عہد دی فارم دی گول پھول وچ اوں عہد دے سارے جذبے، سچائیاں، کوڑ، مابعد الطبعیاتی الجھناں (کنفیوژن) تہاڈے سامنے صاف شفاف تھی کنیں نکھر آئیں۔ میڈی مجبوری اے ہے جو میکوں ہک جرمن مصنف دی کتاب تے اوندا ناں ایتھاں لکھتاں پوسی۔ میں علمیت دا دعوے دار نہ ہوساں، کیوں جے حالی تیں میں کتاب دے ورقیں دی خوشبو (جیڑھی میکوں بہاندی اے) کنیں آگوں نہیں ودھ سگیا۔

پیٹر سزونڈی اپنی مشہور کتاب "جدید ڈرامے دے نظریے" دی تھیوری آف دی ماڈرن ڈرامہ" وچ لکھدے:

"مُنڈہ دے ڈرامے دے نظریے موجب ایہ توقع جو ساکوں پچھلے ضابطے نال جڑیا رابوٹا چاہیدے، این واسطے قابل قبول ہئی جو فارم دے متعلق ہک خاص نظریہ موجود ہا۔ او نظریہ ہئی جیڑھا تاریخی اتیں جدلیاتی طور تیں فارم تے مواد (کٹینٹ) دے رشتے کوں نہی میندا۔ اے مفروضہ موجود ہئی جو پیلھے کنیں موجود فارم دا اظہار ڈرامائی ادب وچ مواد کوں اوں فارم دے اندر ڈھالن ہے۔۔۔۔ انہیں دے مطابق پیلھے کنیں موجود فارم تاریخی حدود نال منسلک نہیں، صرف مواد ہی تاریخی حدود دا محتاج ہے۔۔۔۔ جے اینکوں منوں، جیڑھا جو ساری تاریخ توں پیلھے (ہری ہسٹاریکل) نظریے وچ سانجھا ہے، ناں ڈرامہ ساکوں ہک پیلھے کنیں موجود فارم (اے ٹیمپورل) دا تاریخی اظہار لگدے۔ ایندا مطلب اے ہے جو ڈرامے دی فارم کوں تاریخ کنیں ماورا سمجھا گئے۔ ول تاں ایہو جہیاں ڈراما کہیں وی زمانے وچ لکھتا وچ سگدے" (میچو؛ سوزونڈی)

اساں شاید فارم کوں تاریخی ادوار کنیں انج نِسے کر سگدے۔ این سوال تے جارج سٹینر اپنی کتاب "دی ڈیٹھ آف ٹریجڈی" وچ سوئی گول پھول کیتی ہے۔ لکھاری دا آکھن ہے جو ڈرامے دی فارم تاں شیکسپیئر تے مارلو دے بعد والے لکھن آکیں کنوں وی موجود ہئی تاں ول ملٹن اتیں اٹھارویں صدی دے رومانوی تحریک دے مہاندھے (جیویں جو بائرن تے شیلی) پوری کوشش دے باوجود اپنھے ڈرامے دے

اتھوان اسمان۔ گروتھسک دی شاعری

انڈرو او "گسٹو" کیوں نہیں پیدا کر سگئے جیڑھی جو ساکوں شیکسپیئر
تے مارلو دے ڈرامے وچ ڈسدی تے ملدی ہے۔

اچ دی بحث وچ اسمان "گروتھسک"⁵ دی شاعری تے گالھ کریسوں،
جیندا میں ترجمہ "بہدا پن" کریساں۔ منڈھ قدیم توں شاعری وچ ہک
پیا عنصر وی بہوں مضبوط رہے، جینکوں انگریزی دے وچ گروتھسک
آبدن۔ (لفظ گروتھسک دے لغوی معنی تاں بہدے تے کوچھے دے ہن
پر شاعری وچ ایندا ورتارا ذرا جدا ہے) لفظ "گروتھسک" یا سوکھے
لفظیں وچ "بہدے پن" کون جیڑھے ویلھے اسمان کہیں طرز سخن دے
طور تے ڈیہدے ہن تاں بہوں مشکل تھیندی اے۔ پیلھے تاں ایہ لفظ
اپنی لیٹ وچ بہوں سارے ڈوجھے طرز سخن کون گھن گھندے، مثال
کیتے کپل بس (مزاح) پیروڈی، کیری کیچر، ڈراکلا، عامیانہ پن،
صدمہ (ٹریجڈی ادب دی صنف دے طور تے) یا ول لایعنیت (آیزوڈ)
وغیرہ۔ لفظ "گروتھسک" اکثر این وی سمجھیا ویندے جو لوک ایندے
معنی ڈراکلا ہووے دے نال جوڑیندن۔

ہک عام جھیش تعریف مطابق "گروتھسک" کون ڈو قسمیں وچ ونڈیا
ویندے۔ بہدا پن زندگی دے نال محبت دی وجہ کنیں یا بہدا پن
زندگی دے نال نفرت واسطے۔۔۔ ادب وچ بہدا پن جیڑھا زندگی دے
نال محبت دی وجہ کنیں ہے او کہیں ہک فارم کون نہیں منیندا جیندی

Grotesque⁵

[سُنجان]

70

اتھوان اسمان۔ گروتھسک دی شاعری

وجہ کنیں زندگی نال محبت دا اظہار تھیندے۔ ایندے نال بہدے پن دا
اے ورتارا قاری کون اوں دنیا کنیں انج کریندے جیڑھی دنیا کون
ڈیکھن اوندی عادت ہن چُکی ہوندی اے۔

جرمی براؤن⁶ آہدے:

"ایندے اُلٹ زندگی دے نال نفرت دے اظہار واسطے
ادب وچ بہدے پن۔ دا مقصد اے ہوندے جو زندگی دی
'بدعنوانی' تے 'خوف' کون نُشاہر کیتا ونجے۔ اے انداز
قاری دی سوچ تے پرکھ (سینسی یلٹی) تے شدید حملہ
کریندے۔ ایندا مقصد اے ہوندے جو قاری دی اکھیں
کنیں دھوکے دا کھرنڈ کھُچ ڈتا ونجے۔ دراصل اے
شاعری دی زبان کون سنگوڑ کر این اونکوں کہیں فارم
دے وچ گھن آوے دا ناں ہے۔ سنگوڑ دا اے عمل
شاعری وچ ہوندے مواد دے پرکھن کنیں پیلھوں ہک
عامیانہ انداز پیدا کریندے"۔ (میچو؛ براؤن)

فارم دی کھوج تیں تجربے دے جذبے جدید شاعری وچ بہوں وڈی
تبدیلی پیدا کیتی ہے۔ تاریخی حوالے نال ادب وچ "بہدے پن" دی

⁶ واضح ہووے جو گروتھسک یا بہدے پن دی ساڈی اے بحث جرمی

براؤن دے مضمون کنیں ماخوذ ہے

[سُنجان]

71

Cut the heat
Plough through it
Turning it on either side
of your path

ترجمہ: گرمی کوں کپ ست

ایندے وچ بل چلا

ایکوں اہئے رستے دے جویں پاسوں الٹ پلٹ کر دے

ٹوسٹران Wallace Sterens دی مشہور نظم "Comedian as the letter C" یعنی "مسخرہ سی دے حرف وانگوں" وچوں دیکھو:

ترجمہ: ہک اکھ جیڑھی گوندنال جزی اے

وستی دا بیریں ہک نائی دی اکھ اے

دھرتی دی اکھ ہک سادہ سلا دی کیاری ہے

جیندے اترے ایمان دار سٹوڑ (لحاف) اے

ایں تناظر وچ اقبال سوکری دے اے شعر پڑھو تاں ول معنی تہاکوں صاف نظر آسن۔

دھرتی تیں ہے اسمان دے چہرے دا پسینہ

او شخص ناں ساوڑ دی ہوا نال گھدی گئے

تہڈیاں گالہیں کٹھیاں کر کے رکھیاں ہم سفلیں تیں
جسے مل ہئے ہیں زرہ ڈیوا ناں بالیں ڈھہ گیاں بوسن

آپ اہئے پچھاویں تے تہاہ ان تہیاں

تہڈیں یادیں بلچر پا ڈتا ہے

دراصل "بھدے پن" دی نظماں وچ معنی دی وسعت وی ہوندی ہے تے
اے پڑھن والے کوں کرافٹ دے ہک غیر متوقع موڑ تے وی گہن آندن۔
جیویں جو "مسخرہ دے حرف وانگوں" وچ شاعر ہک گلی سڑی
کاتھی کوں حقیقت بٹا تے اونکوں اہٹی مہاندری نظم دا موضوع بٹائے۔

ساخت دے طور تے "گروٹسک" ہک اینجھی نظم ہوندی ہے جیندی
فارم تے بٹاوٹ نظم نال ساڈی جڑی توقعات کوں وڈا دھوکا ڈیندی اے
"بھدے پن" دے خالق لفظیں دے پاسے پتر پتر ڈیندن، اونکوں بدلی
کریندن۔ او "بھدے پن" دا اظہار دراصل زندگی دے "بھدے پن" کوں
اُجاگر کرن لو کریندن۔

ببلیو گرافی اتیں حوالے

1- براؤن

Brown, Jeremy (2007) The Grotesque in Poetry: Some Thoughts Toward A Theory, Middle Tennessee State University,
http://davidlavery.net/Grotesque/The_Grotesque_In/grotesque-eliterature.html#brown

2- کمنگ

Cummings, E. E. (1965) A Selection of Poems, Contributor H. Gregory, Harcourt.

3- سٹینر

Steiner, George (1996) Death of Tragedy, Yale University Press

4- سزونڈی

Szondi, Peter (1966) The Theory of Modern Drama, Suhrkamp, Frankfurt

مولوی لطف علی

صدیق طاہر۔ بہاولپور

شاعریں دے پردھان مولوی لطف علی اٹھارویں صدی عیسوی دے ہک مہان دانش ور تے ہئے مثال شاعر بن۔ علم دے سمندر ، سفارت کار تے ہک شاعر دی حیثیت نال انہیں دیاں خدمات تاریخ دا ہک اٹھ میٹ حصہ بن۔ انہیں دے مرٹن دے تقریباً ڈو سو سال بعد انہیں دے مزار تے بہوں سوٹا مقبرہ ہٹایا گیا۔ پنجاب دے سابق گورنر مخدوم سجاد حسین قریشی رحیم یار خان دے ایٹھے دورے دے موقع تے مولوی لطف علی دے مزار تے حاضری ڈتی ہئی تے انہیں دی قبر تے مقبرہ ہٹاؤن دی ہدایت کیتی ہئی۔

مولوی لطف علی ۱۷۱۶ء ایچ سابق ریاست بہاول پور ایچ ضلع رحیم یار خان دی نواحی وستی بہادر پور ایچ اکھ کھولی ہئی۔ انہیں دے والد وی ہک عالم دین بن۔ مولوی لطف علی منڈھلی تعلیم ایٹی وستی ایچ حاصل کیتی تے ایندے بعد اعلیٰ تعلیم سانگے ملتان لگے گئے جیڑھا انہیں دے عہد ایچ علم دا سبھ توں وڈا مرکز ہا۔ اٹھیاں انہیں کون ایٹھے عہد دین جلیل القدر شخصیات نال ملن دا موقع ملیا۔ انہیں دے ڈونگھے مطالعے اتے نویکلے علمی ادبی گٹیں انہیں کون مردم شناس

حاکمیں دا مصاحب بٹا دتا۔ این گالھوں اوملتان دے گورنر صوبیدار
نواب مظفر خان سدوزئی دے خصوصی مشیر بٹ گئے۔

ملتان تے سکھیں دے حملے دا مرحلہ پیش آیا تاں نواب مظفر خان
سدوزئی مولوی لطف علی آتے ڈوجھے پردھانیں دی صلاح نال
چھیکڑی دم تیں ملتان دا دفاع کرن دا فیصلہ کیتا۔ نواب مظفر خان
سکھ حملہ آوریں نال لڑدے بوئے ایتھے پنج پتیریں نال شہید تھی گئے۔
این جنگ اچ مولوی لطف علی وی بھٹوڑی تھئے ہن۔ پر انھان
دانشمندی نال کم گھنندیں بوئیں نواب مظفر خان شہید دے ٹبر کون
بچا کراییں سابق ریاست بہاول پور اچ پچاؤن دا آہر کیتا۔ بہاول پور شاہر
اچ موجود محلہ نواباں اونہی دور دی یاد گار ہے جتھاں نواب مظفر
خان دے خاندان کون وسایا گیا ہا۔

ایندے بعد مولوی لطف علی بہاول پور دے امیر نواب بہاول خان دے
مشیر بٹ گئے۔ مہاراجہ رنجیت سنگھ دی پیش قدمی روکٹ سانگے
بہاول پور کون پکی دیوار بٹاؤن تے زور دتا۔ این گالھوں ہر طرح دا آہر
کرن دے باوجود سکھ ستلج دریا کون پار کر کے ریاست بہاول پور تے

حملہ کرن تے کامیاب نہ تھی سگئے۔ جسے اینویں تھی ویندا تاں سکھ
آسانی نال بحیرہ عرب تیں پُچ ویندے تے اچ دی تاریخ مختلف ہوندی۔
تاریخ گواہ ہے جو لہور دے سکھ حاکم چھیکڑی وقت تیں بہاول پور
کون تر نوالہ سمجھ کراییں اونکوں حاصل کرن دی کوشش کریندے
رہے۔ چھیکڑی حملہ مہاراجہ رنجیت سنگھ دے فرانسیسی سپہ سالار
جنرل ونٹورہ دی اگواٹی اچ تھیا ہا جیڑھے سکھ فوج نال کافی عرصہ
ستلج دریا دے بنے لودھراں دے علاقے اچ پئے رہے۔ چھیکڑ تے
ریاست بہاول پور دے امیر دی دانش وندی تے انگریز دی مداخلت نال
ستلج دریا کون ہنن قرار ڈے دتا گیا۔ پر دریا دے اُبھے پاسوں دے
سارے علاقے سکھیں دے قبضے اچ لگے گئے۔

شاعریں دے پردھان مولوی لطف علی دی فراست تے دانش وندی ہر
جاہ مشہور ہئی۔ شعر گوئی دا ملکہ آپ کون حاصل ہا پر آپ شاہ
لطیف بھٹائی دی کار اپنی ماء بولی کون اظہار دا ذریعہ بٹایا تے فارسی
زبان کون جیڑھی اون ویلے حاکماں دی تے درباری زبان ہئی، کون
اختیار نہ کیتا۔ اٹھارویں صدی عیسوی تے بارہویں صدی ہجری دی
شاعری اچ مثنوی گوئی بہوں زیادہ اہمیت حاصل ہئی۔ کہائی کون
ابلاغ دا بہترین ذریعہ تصور کیتا ویندا ہا۔ این گالھوں مولوی لطف علی

وی اوں دور دیں کافیں ، ڈوبڑیں تے سہ حرفیں دے علاوہ ہک بے نظیر مثنوی "سیفل نامہ" یاد گار چھوڑی۔ اے مثنوی لوظاں دی بندش، تشبیہ تے استعارے اچ قدرت تے چابکدستی دے اعتبار نال شعری مرصع کاری دا ہک بے مثال نمونہ اے۔ غنایت تے موسیقی وی این مثنوی کوں عروج تے کمال تیں پچا ڈتے۔ این دور دے ادب عالیہ دی ہک بہترین ونکی دے طور تے این مثنوی "سیفل نامہ" کوں پیش کیا ونج سگدے۔

ڈٹھا ونجے تاں کردار نگاری ہک سنجاپو فن ہے پر ہک خلاق ذہن بعض کرداریں کوں کینویں زندہ جاوید بنا ڈیندن ایندی مثال ایہا مثنوی "سیفل نامہ" ہے۔ بنیادی طور تے ایہ قصہ سیف الملوک ہک نامور کہانی ہے جینکوں سبھ توں پہلے دکن دے ملا غواصی فارسی نثر توں دکنی نظم اچ منتقل کیا۔ ایندے بعد اینکوں پردھان شاعر مولوی لطف علی ۱۷۸۰ء اچ سرائیکی مثنوی "سیفل نامہ" دا چولا پوایا۔

جینویں میر انیس آتے مرزا دبیر کر بلا دے کرداریں کوں لکھنؤ دے ہی نہیں پورے برصغیر دے زندہ متحرک کردار بنا ڈتا جو ہر گھرانہ انہیں کوں اپڑے ثقافتی پس منظر اچ ڈبھدا تے محسوس کریندے۔ ایہا گالہ

مثنوی سیف نامہ اچ وی ہے جیندے معاشرتی تے ثقافتی پس منظر کوں ایرانی نہیں رہن ڈتا گیا۔ این قصے دا ہر کردار شاعر دے اپڑے ماحول دا وسٹیک چا پدے۔ ایہا وجہ ہے جو مثنوی سیفل نامہ کوں سرائیکی وسیب اچ مقبولیت دا مثالی رتبہ نصیب تھیا تے لوک اینکوں حفظ کر کے شام دیں محفلین تے بیٹھکین اچ گا کے سٹیندے ہن۔ ساڈے ڈوجھے علمی ادبی ورثے دی بکار تقریباً ڈوسو سال پہلے فوت تھیون آئے پردھان شاعر مولوی لطف علی دا بیشتر کلام وی زمانے اچ محفوظ نہ رہ سگیا۔ ایندے بہوں سارے حصے ضائع تھی گئے۔ مولوی لطف علی دے تاریخی قصیدیاں اچوں ہک باقی رہ گئے جیڑھا انہاں حضرت مخدوم جہانیاں جہاں گشت دی شان اچ لکھیا ہا۔ کجھ ڈوبڑے انہاں دی یادگار ہن تے کجھ کافیاں ملک دے ممتاز محقق آتے ادیب جناب الیاس عشقی جیڑھے ریڈیو پاکستان ملتان دے اسٹیشن ڈائریکٹر رہ گین، او این مرحوم شاعر دی قوت کلام تے اعجاز گوئی کتوں واقف ہن، سندھ دے سگھڑاں واتوں سٹن کے مولوی لطف علی دے کلام دا کجھ حصہ علمی دنیا دے حوالے کیتے۔ کجھ شعر دفاع دے سابق وزیر میر علی احمد تالپور مرحوم خانقاہ شریف دی ہک تقریب اچ سٹائے ہن جہاں او جمیلہ ہاشمی مرحومہ دی دعوت تے بہاول پور تشریف گھن آئے ہن۔

مولوی لطف علی مرحوم دی وفات (۱۷۹۴ء) دے ۸۸ سالین دے بعد ۱۸۷۹ء اچ مثنوی "سیفل نامہ" کانپور توں چھپی ہئی۔ ایندے چوڈاں سال بعد اے روزبازار سٹیٹ پریس امرتسر توں چھپی تے مقبول عام تھئی۔ بیٹ کجھ سال پہلے استاد بشیر احمد ظامی بہاول پوری مرحوم این مثنوی کوں اردو ترجمے آتے صحیح متن دے نال بہاول پور توں چھپوایا ہا۔

پردہان شاعر مولوی لطف علی اپنے پیش رو مثنوی نگار چراغ اعوان آلی کاری این مثنوی اچ اپنے علاقے دی ثقافت تے معاشرت دی عکاسی کیتی ہے۔ مولوی لطف علی دا مزار مؤ مبارک انہیں دی جنم بھومی بہاول پور توں زیادہ پریس کائی۔ ایہ پُرانا شاہر اصل اچ ہک پکا قلعہ ہے جینکوں مہاراجہ ساہن کروڑ اہٹی ماہ (مٹ) سانگے بٹوایا ہا۔ بہاول پور اسٹیٹ گریٹر (۱۹۰۴ء) موجب مہاراجہ ساہن کروڑ حضرت عیسیٰ دے بمعصر بن۔ این قلعے دی کرسی زمین دی سطح توں پنجاہ فٹ اچی ہئی۔ ایندی عظیم الشان ہکی فصیل دے ۲۰ دمدمے ہن۔ قلعے دی کجھ باقیات آتے بالخصوص فصیل دے کجھ ٹکڑے ایندے ہے مثال طرز تعمیر دی گواہی ڈیندے ہن۔

بارہویں صدی عیسوی اچ کیچ مکران دے ہک گورنر جیندا تعلق عراق دے علاقے ہنکار نال ہا دنیا ترک کرڈ دے بعد تبلیغ اسلام دا رستہ اختیار کیتا۔ آپ ہک متبحر عالم تے بے بدل فارسی شاعر ہن۔ حضرت شیخ سعدی دے سنگتی تے بمعصر ہن تے انہیں دے نال بغداد دے سفر اچ کٹھے شیخ شہاب الدین سہروردی نال ملاقات کیتی ہئی۔ انہاں اپنے شعراں اچ شیخ سعدی دا ذکر وی کیتے:

من حاکم ولے چو ہواخواہ سعدیم
مؤرا فیض و شیرازی ستم

مؤ مبارک شیخ حمیدالدین حاکم دی وجہ نال مرجع خلائق ہے تے اینکوں ہک روحانی تے گنج اولیاء دا درجہ حاصل ہے۔ این متبرک سرزمین اچوں ملک الشعراء مولوی لطف علی ابدی نندر کریندے ہن۔ شیخ حمیدالدین حاکم حضرت شاہ رکن عالم ملتانی دے مجاز خلیفہ ہن مولوی لطف علی وی این خانوادہ عالیہ دے ہک بزرگ مرید ہن۔ حضرت خواجہ غلام فرید دے ملفوظات اچ ہے جو او مولوی لطف علی دے شعر کئی گھنٹے پڑھدے رہ ویندے ہن۔

پٹھانا خان: دل دے سودے جو ہوندن، پچھیں قید وی ہندی ہے بک
 بٹے دی۔ اُون دل کولوں اُون دل اچ ہوسی۔ چاہے ہزارہ کوہ تیں ہووے
 چاہے جیڑھی منزل تیں ہووے، یاد رہ ویندی ہے۔ یاد ہے تان آباد ہے۔
 پُچھن ہار: خان صاحب! غالب فرمندیے جو "سنگ اُٹھایا تھا کہ سر
 یاد آیا" یا وت خواجہ صاحب آکھے جو

سر تیں چھترے چوٹیاں متھڑے تائیں سنگ یاری لانی ہم
 ڈکھڑیں کارن جانی ہم سولیں سانگ سمائی ہم

پٹھانا خان: معصومیت کنیں اے چیز ہے، پیدائش کنوں ہے جو شائد
 اچن تسان ماء دے ڈڈھ اچ ہاوے تان اُون رمز دی، اُون ڈینہ دی، اُون
 منزل دی ساڈی تہاڑے نال اے محبت ہے۔ تائیں سنگ دا مطلب ہے
 جو اچن اے چیز بڈدی ودی بنی تان اسان تہاڑوں دی تہاڑے نال
 محبت کر بندے ہئیں۔

پُچھن ہار: تے غالب نال اے تھیا جو انہیں بچین اچ ای پتھر چاتا تان
 اپنا سر یاد آ گیا۔ تسانوں اے سبھ کجھ کڈاں کنیں یاد آئے؟ کتھے
 چھوڑے ہاوے؟ کتھے وڈے ہاوے؟

پٹھانا خان: او جیویں سئیں! ڈکھ سُکھ جو زیور بن ساڈے۔ آ وقت اچ
 پئے ہئیں۔ ایسے سئیں دی شاہی نسے ڈٹھی، والدہ دی شاہی ڈٹھی سے
 جئیں وڈے اوکھیں اچ چکی نال اٹا پنہ پنہ کئے ساکوں پالا۔

پُچھن ہار: ایسے ہوئیں یاد وی کوئے نیں؟

پٹھانا خان: بے ہوئیں یاد وی بن تے نئیں وی۔ اُون ویلھے میں ڈاڈھا
 بیسار تھی گیا ہم۔ مرٹن دے قریب ہم۔ میڈے والد صاحب نے ترانے

پٹھانا خان (مرحوم) نال گالھ مُہاڑ

[پٹھانا خان دا بیٹھوں ڈٹا اٹروویو 1994ء اچ احسن واگھا نیں گدھا ہی
 جڈاں سئیں ہوریں اسلام آباد آئے ہوئے ہئیں۔ سُنجان کتھے ایس اٹروویو
 کون الطاف حسین گاڈی ٹرانسکرائب کتھے]

پُچھن ہار: خان صاحب! کیا حال ہے؟

پٹھانا خان: دُعا ہے سئیں! رب دی رحمت ہے۔

پُچھن ہار: میں تہاڑے نال کہیں ویلھے اردو اچ گالھ کریساں، کہیں
 ویلھے سرائیکی اچ۔

پٹھانا خان: او کیتی راہو سئیں، اردو اچ وی کیتی راہو۔ اردو قومی زبان
 ہے سئیں تے سرائیکی ساڈی اپنی مادری زبان
 ہے سوٹا۔



پُچھن ہار: خان صاحب! طبیعت کیوں ہے؟

پٹھانا خان: رب دا شکر ہے، وقت ہے
 گُوریندے پئے ہئیں۔ کجھ صحت ہے، کجھ
 ڈکھ ہے، کجھ سُکھ ہے۔ اے سبھ نال ہوندن۔

پُچھن ہار: تہاڑوں کافی دیر دا میں ریڈیو پاکستان دے ایس شوڈیو نمبر
 14 اچ قید کیتی پٹھاں۔

پٹھانا خان: محبت دی قید ہے، اے تان پیاری ہے۔

پُچھن ہار: کوئی عمرہ قید وئجی وے محبت دی؟

شادیان کیناں بن۔ ہس پچھیں آساں جیڑھے غریب گھرانے دے
باسے.....

پُچھن ہار: تَساں نسر کتوں بی؟

پٹھان خان: نسر میں یاد نہیں کیتے، ناں میکوں پتہ ہا اہتے نسر میں دا۔
میںی اہی حسری لوکھی بی۔ اماں بوٹیں منگدے رہ گئے، تکرار تھی
گئے جیویں برادرین اچ تکرار تھی ویندن، عورتیں اچ تکرار تھی ویندے
راہندن۔ آساں مامے صاحب کولوں آ گیوسے تے انہیں ساڈی پرورش
کیتی۔ میں سخت بیمار ہم۔ پچھیں اے میکوں گالہیں یاد آیاں جیویں
خواجه صاحب کافی لکھی ہے "ڈکھڑیں کارن جانی ہم سولیں
ساگ سائی ہم۔"

پُچھن ہار: میں تَساں اے فقیریں اچ ذات پات گنڈے تاں نہوے پر
تَساں پٹھان تان کوئے نہوے؟

پٹھان خان: پٹھان کائے نسر۔ ناں ایویں پٹھان رکھا گئے، خوشنودی
کولوں، پیار کولوں۔

پُچھن ہار: اوں کتوں پیلہوں؟

پٹھان خان: میہا ناں رکھا ہانیں غلام محمد تے ناں ہا بارا۔ انہیں آکھے
غلامیں تان دغا کیتے رسول دے خاندان نال تے این لفظ دی نفی کرو۔
میں اہتے بچن اچ شائد پلیندا نہم تے سخت بیمار ہم۔ انہیں آکھیا جو
ایندا ناں وٹاؤ۔ وت انہیں ہلکا ہلکا ناں رکھیا پٹھان۔ ایہو پٹھان پیار تے
محبت کولوں سہیندن جو ساڈا پٹھان بچہ ہے۔

پُچھن ہار: تنبو آلا ہے ستاویں دے نال آباد ہے؟

پٹھان خان: بی تان پتہ کائے نہیں، پہوں مُد گڈاری ہے ول نسرے گئے اوں
باسے۔ رشتے دار، سارا کنبہ اوں پاسے ہا تے آساں کوٹ ادو آ گیوسے۔

پُچھن ہار: سکول اُتھانیں ہا؟

پٹھان خان: سکول اُتھان کوئے نا۔ سنیں اُتھان ہٹھی ہٹھی، سوٹی
سوٹی ریت ہوندی بی تے ہس پتے راہندنے پاسے۔ ریت تھل دی پہچان
ہے۔

پُچھن ہار: وت سکول کیناں آ ملا؟

پٹھان خان: کوٹ ادو سنیں، گھر دے نال۔ میڈے نانے سکول کیتے
زمین وی ڈتی بی۔ اوں ویلھے ہندو وی سارے اُتھانیں وسدے ہن۔ سارا
اے ہندوستان ہوندا ہا۔

پُچھن ہار: اچھا ول منجنوں ل الف لکھتا تھا دیوار دبستان پر

پٹھان خان: ہس ایہا گالہ بی۔

پُچھن ہار: کتنی جماعتیں تائیں پڑھے ہاؤے؟

پٹھان خان: جیویں جگ تے ہس پیلھی ڈوجھی، تریجھی، چوتھی،

پنجویں، چھویں تے ستویں توٹیں۔ پچھیں آگوں تے پہنچ گئے ہٹیں۔

جیڑھے ستویں توٹیں گئے ہٹیں تاں جیویں انگریزی آوندی کائے نہی۔ ہر

مضمون اچ فسٹ ہاسے، فسٹ سیکنڈ، فسٹ ہاسے ہر انگریزی نہی۔

آندی۔ انگریزی اچ ترائے سوٹیاں جہلان ہاسے۔ اوں ویلھے ساڈا استاد

ہوندا بی ہندو لالہ راج رام، او پڑھیندا بی۔ ہس انگریزی دا ہک لفظ

ساکوں بڑا پیارا لگا تے جیڑھے پیار آیا تاں میں صرف اوہو لفظ ہی لکھ

آہم۔۔۔ بیوٹی فل

پُچھن بار: انگریزی دے پرچے اچ؟

پٹھانا خان: جی ہاں، انگریزی دے پرچے اچ تے اوندے میکوں پنج
نمبر ملے۔ آجان تائیں سویتا اُون بیوتی فُل کون ودے ڈیہدے ہئیں، اُون
دے اچ ای ودے ہئیں۔

پُچھن بار: آبا! مجنوں دی تختی لیلی نال بھر گئی؟

پٹھانا خان: مرضی دا جو مالک ہے سئیں آں۔

پُچھن بار: کوٹ ادو کون شرف حاصل ہے جو تسان اُتھائیں رہے ہاؤ۔ پر

تسان رہے تاں گھٹ ہاؤ اُتھاں؟

پٹھانا خان: ناں سئیں! آساں واپس آ گئے ہیں کوٹ ادو۔۔۔۔۔ نانے مامے
بوئیں میڈی پرورش کیتی ہے، میڈی تعلیم دا سارا ہدیہ خرچہ اُنہیں
محنت مشقت نال چاتے۔۔۔۔۔ ول میڈی صحت درست تھی گئی۔ بادشاہ!
ول میڈاں ٹوراں کُجھ پیان ہن، بہاراں کُجھ پیان ہن۔ وت موج اچ
رابتدے ہاسے۔

پُچھن بار: ول تاں تپاں شہاں ہوندا ہوسن؟

پٹھانا خان: بادشاہو! وینگھڑے وال، ذری کھسے لگے ہوئے، چولے
بوسکی دے۔ بہاراں اچ آگبوسے آپٹے مامے تے آمان دی صحبت اچ۔
جیویں آمان پیار کریندی ہے، اینویں بابا پیار نئیں کریندا بادشاہ۔ ماء کون
پتہ ہوندے اولاد دے درد تے فراق دا۔

پُچھن بار: ملک خمیسا خان ایسے سئیں دا ناں ہا؟

پٹھانا خان: میان خمیسا خان۔

پُچھن بار: ذات تھیم؟

پٹھانا خان: ذات ساڈی ہریار ہے۔

پُچھن بار: گاؤں تہاڈے خاندان اچ تاں کائے نہا؟

پٹھانا خان: کائے ناں سخی آ، ہس سکول اچوں اے لائن لک گئی۔

کُجھ چھوہر گاندے ہن تے میڈی اُنہیں نال چیبہ تھی گئی۔

پُچھن بار: کیا گاندے ہن؟

پٹھانا خان: ایسے بھجن گاندے ہن کُجھ ہندو چھوہر۔ او جئیں ویلے رام

لیلا کرن ہا تاں میکوں رام بٹیدے ہن۔ پچھیں آساں گاندے ہاسے

اوم جائے جگ دی اشارے

جو جھارے بھل پاوے سوامی جائے

پُچھن بار: دعا وی آبدے ہاوے؟

پٹھانا خان: ساڈی دعا اوں ویلے " تیری شان جلی جلال ہو" ہوندی ہئی

پُچھن بار: کیا منظر ہوندا ہوسی؟

پٹھانا خان: سُبْحانِ اللہ! بچپن اچ کوئی آواز اچ اینجھی کیفیت بھری

ہوئی ہئی جو جئیں ویلھے میں اے دعا گاندا ہم تاں ڈیہدا ہم جو سبھے

میڈے اُستاد سر جُھکا کے حاضر ہن۔

پُچھن بار: لیہ تیں ہوا دا تہاڈی زندگی عچ انج انج دخل رہے۔۔۔ لیہ اچ

کیڑھی شے ہئی تے ہوا اچ کیا ہئی؟

پٹھانا خان: ہوا اچ وی سُبْحانِ اللہ بہوں اعلیٰ چیز ہئی۔ عشق دا جیڑھا

جلوہ ہے۔

پُچھن بار: پیلھے لیہ رہے یا ہوا؟

پٹھانا خان: میں پہلے لہ رہا۔ لہ اچ فضل حسین شاہ صاحب بوندے بن۔ او بک وکیل بن تے جیڑھلے وکالت کر کیں آون ہا تاں میکون آکھن ہا جو علامہ اقبال دا کلام سٹا۔ میں انہیں کون کلام سٹیندا ہم تے وت پُچھدا ہم جو سٹیں ساکون معنی تاں سمجھاؤ۔

پُچھن ہار: تہاڑے موسیقی دے اُستاد کون ہن؟

پٹھانا خان: عاشق علی خان ریاست پٹیالہ دے گائیک ہن تے انہیں دے شاگرد بن حافظ نذر حسین صاحب، جیڑھے میڈے اُستاد ہن۔

پُچھن ہار: بارمونیم کائیں کنیں سیکھا باوے؟

پٹھانا خان: بارمونیم میں بابا نذر حسین کنیں سیکھا ہئی۔ میکون بارمونیم بک ہندو پنڈت ڈتا ہا۔ او جیڑھلے ونجٹ لگا تاں میکون آکھیس: "یار اے ساڈی یاد گیری ہے، حیاتی دا پتہ نیں۔ اے بارمونیم گین چا تیں یاد رکھیں۔ میں جڈاں رام لیلہ تھیندی ہئی تاں رام وی تاں بندا ہم۔"

پُچھن ہار: جی ہاں۔۔ جی ہاں

پٹھانا خان: مُحبت بوندی ہئی سٹیں اوں ویلے جیندا جواب نئیں۔ نہ کوئی ڈیوٹی نہ کوئی لائٹی۔ نہ اے فساد تے بھوگ بوندے ہن جیویں ہن ہن پئے۔ اوں ویلے اینجھی کوئی شے نہی بوندی۔ انسانیت دی وڈی قدر تے مُحبت بوندی ہئی۔

پُچھن ہار: رُلن۔۔ خیر میں "رُلن" دا لفظ نمسی آہدا جو تُساں وت خیر شاہ دی بک گالہ سٹویندے ہاؤ

پٹھانا خان: جی ہا۔۔ او آبتوں ہے جو پیر خیر شاہ صاحب دی گالہ تہا کون نمسی سٹائی۔

پُچھن ہار: جی ہا۔۔۔۔۔

پٹھانا خان: آپ مجذوب تے سید ہن ڈھیر سارے۔ اوہیں تاں بوٹی پیندے ہن۔ بک دفعہ ڈھیر ساریاں تسبیحاں چا گدھونیں تیں آ گئے تونہ شریف دے اچ۔ حوض تیں جتھاں لوک وضو کریندن، پُچ گئے اُتھاں۔ لوکیں پُچھا "خیر آج اے تسبیحاں ڈھیر گدھی ودے ہاؤ، آگیں تاں کڈاہیں نہوے چاتیاں"۔ آکھس: "کُتے میکون تنگ کریندن، بھونکسن تاں میں انہیں دی گجی اچ سٹیاں، وت میکون نہ بھونکسن"۔ او پٹھا ہن، اصل گالہ نہ سمجھ سکے۔ انہیں چا کنیں خیر شاہ کون حوض اچ ولا سٹے۔ خیر شاہ بک ادھ ٹپی کھادی ہے تاں اوڈو پتہ لگے خواجہ صاحب کون۔ او وقت دے قطب ہن، تے اے انہیں دی ہے عزتی ہئی۔ ہس او سروں ننگے تے بیرون راٹھے بھجن تے آکھونیں: "او کڈھو کڈھو، اے تاں مجذوب ہے۔ اے نہ ہووے جو حضرت شاہ سلیمان سرکار آپ ہاہرو آونجن۔" جیڑھلے خیر شاہ کون ہاہروں کڈھ کھڑونے تاں خواجہ صاحب انہیں کون ہاں نال لایا تیں آکھونیں "خیرٹ آ، رُل گئیں۔" خیر شاہ فرمائے: "سٹیں رُلے ہئیں تاں رُلے ہئیں، تُساں آلی کار کُناں دے ایڈو اڈو نَسے کھڑے پھردے۔ ہاہر نکل! کنارہ ڈیکھ سندھ دا تیں مرغ بحر دے ڈیکھ، بریں ڈیکھ، پکھی ڈیکھ، کشتیاں ڈیکھ۔ مخلوق ہے وسدی ہئی ہے، اتھائیں جو کھڑیں۔"

پُچھن مار: تَسار سوں مرغ بحر دے دتھن تے سندھ دریا دے کنارے
سوں بھرتے رہے باؤ؟

پٹھان خان: سبحان الله، سبحان الله میں

پُچھن مار: ویو کتلا عرصہ رہے باؤ؟

پٹھان خان: ویو میں! میں کم از کم.... کم از کم.... بہوں سال ریہان
پُچھن مار: اجھا اُتھاں....

پٹھان خان: اُتھاں وی میں حضرت فرید دے کلام کوں یاد کیتا ہی۔

پُچھن مار: کوں با اینجھا جیڑھا۔

پٹھان خان: ہس سوتھا بچہ با ہک حسین۔ اوں تان ساری دنیا حسین ہے
رب دی۔ اوتندا تان جو فرید ہا۔

پُچھن مار: اجھا

پٹھان خان: تیں دیوان فرید ساڈے کول ہا۔ اسان این تان کوں پوجن
دی خاطر عنوان گول گیدھوسے جو بھنی دیوان فرید یاد کرتے۔ لوکین
ساڈے پچھوں بیے بدھ دتے جو اے فرید دا عاشق ہے، اے ہے، او
ہے۔ اسان تان وت دور گبوسے

پُچھن مار: آ۔ ہا۔

پٹھان خان: فرید دا معنی وی کہیں کوں نہی آندا، ہے مثل، یکتا،
لانانی۔ ساکوں تان خبر ہی جو سرکار حضرت پاک نظام الدین تونسہ
شریف والے ساکوں دُسنیدے ہن۔ حضور میکوں کڈاہیں پٹھانے خان نہی
سٹا، ہمیشہ برخوردار ساہندے ہن۔ قدرتی محبت ہی تے میں حضور
دے چہرے دا عاشق ہامی۔ ڈیکھ ڈیکھ کنیں خوش بیٹھا تھیندا ہامی۔

جیڑھے رچ ونجان ہا تان میں کتڈ دتے کنیں نہمی ویندا، پچھلے ہریں
ونجان ہا۔

پُچھن مار: میں ڈٹھا ہا ہک واری تَساکوں تونسہ شریف اج۔ جیڑھے
ساڈے رواجی قوال ہن او تَساکوں ٹائم ننھن ڈیندے۔ خواجہ صاحب
پچھیں خاص طور تیں....

پٹھان خان: جی ہاں میاں! اون آکھے: " اے قوال ہے میڈا، اے گویا
تیں بھانویں ہے یا جیڑھا کجھ وی ہے، اے برخوردار ہے میڈا۔ اینکوں
ٹائم دُتا کیتا کرو۔" پچھیں او میکوں ٹائم ڈیندے ہن۔

پُچھن مار: تہاکوں قوال قوال ننھن منیدے، گاؤں آئے گاؤں آلا ننھن
منیدے۔

پٹھان خان: جی ہا۔ میں تان قوال بٹدا وی نہمی۔ میکوں اُستاد بوٹیں
آکھیا جو تیکوں قوال بٹا چھوڑاں۔ میں آکھیا سٹیں مجال ہے میڈی
قوالیں کنوں۔ ڈاہ ڈاہ، ویہ ویہ در تیں ونج بہوں تان سٹیں اگلا نُکر
کولوں محروم تھی ویندے۔ ہک بندہ جو ہوندے تان اوندی خدمت کر
سگدی ہے دُنیا۔ این واسطے قوالیں کنیں ڈر گیوم۔ او جیویں ہک دفعہ
قوال لائی پئے ہوں جو پردے کے پچھے کیا ہے، پردے کی پچھے
کیا ہے، پردے کے پچھے۔ جیڑھا محفل کراؤں آلا ہا اوں چھکا پردہ
تیں آکھیا: " اے امان جیڑھی تیڈی ہے او چھالیا کڈھیندی پئی ہے۔"

پُچھن مار: یسین نال کڈاں ملاقات تھی؟

پٹھان خان: یسین جو تھیا۔ قرآن دا دل تھیا جیویں۔ اے وی معصومیت
اج اینویں ساڈے کولوں پھندا کھڑدا اُتھدا ہا۔ تاس ماس کھیڈدیں

کہیڈدیں۔ پس اے وی جیویں آگئے۔ اے ہاشمی صاحب کنیں ہوندا
بئی۔ میں اُنہیں کون آکھیا: "سئیں! ایہو ہال ساکوں ڈیو چا، ساڈے نال
ودا رسی۔ ساڈا واجا شاجا ڈاداہا چائی رکھسی، اینویں کیا ودا رلے۔"
پُچھن ہار: صحیح ہے۔

پٹھانا خان: تیں این شودے دی یتیمی کولوں پس۔۔۔ اے جما تاں والدہ
فوت تھی گئی۔

پُچھن ہار: یسین تُہاکوں کافی دا پیلھا لفظ ڈسیندے تیں آگوں تُہاکوں
ساری یاد ہوندی ہے۔ اے کیویں تُساں یاد رکھدے ہاؤ؟
پٹھانا خان: اے سئیں! میں اینکوں آبدان جو دیوان پڑھ تیں لہر ڈیکھ،
منزل ڈیکھ۔ حضرت کریم نیں ایندے اچ وی عشق پاتا ہوئے۔

پُچھن ہار: بک گالھ ہے خان صاحب! اے کیا ہوندے جو تُساں وی
ماشا اللہ مست رہندے ہاؤ، تھوڑا بہوں سہارا سگریٹ مگریٹ دا وی
گھندے ہاؤ۔ اے اکثر چنگے گاروں آکے ایندے بغیر نیں رہ سگدے،
اے خاص گالھ ہے؟

پٹھانا خان: نہیں کوئی خاص گالھ کائے نیں۔ پس موڈ شوڈ بٹاؤن دی
خاطر۔ چلو یکسوئی پیدا تھی ونجے۔ مقصد این شے دا ہے جو
یکسوئی پیدا تھی ونجے، جیویں جو نماز یکسوئی ہے۔ کوئی دلیل بئی
آئی تاں۔۔۔

پُچھن ہار: کافی گاروں آلا ہُن تُساں کنیں علاوہ کوئی ہے؟
پٹھانا خان: اللہ بہتر جاندے۔ اوہیں تاں سارے سوہنے ودن تیں جیویں
جیویں طبیعت پسند کریندی ہے اُنہیں کون۔۔۔

پُچھن ہار: تُساں وڈے اُمید تے خیر سوچن آکے بندے ہاؤ۔ ساڈا اے
گاروں کافی دا پراٹا انداز ختم تاں نہ تھی ویسی؟ آگوں تُہاکوں کیویں
ڈسدے؟

پٹھانا خان: نہیں جی، آگوں میکوں نظر دا ابویں ہے جو کافی کون گیت
بتائی ویندن۔ گیتیں دی لائن ہے جیویں۔

پُچھن ہار: کتنی عمراہ ہوسی تُہاڈی سئیں؟ ٹوکویں سوال کریندا بیٹھاں۔
پٹھانا خان: کوئی فرق نہیں ہوندا سئیں۔ میکوں ویسے تاں یاد کائیں نیں
پر اتنی میکوں یاد ہے جو 1931ء اچ میں ستویں جماعت پڑھدا ہم۔ اے
آگوں اللہ بہتر جاندے کتنی عمراہ ہوسی؟

شیش نانگ

اشولال

[1]

"تک شک... تک شک۔"

پُہلے آندیں سیتی پیل اگہوں بتہ جوڑ کے پرنام کیتا تے اکھیس
"شیش نانگ حاضر اے، حکم میڈے بادشاہ"

"توں ماء نہ پرنا، ہک تال وساخ تے بُہاری چاڈے تے ڈوجھا پیل دے
پترے وی پلاٹ اچوں چُٹ گھن۔"

منیر میاں پُہلے کون بتہ دے اشارے نال کم تے لاڈتا تے نال ای
اکھیونے

"پکلیے انوں فارغ تھی کے خان ٹینٹ ہاؤس تے لگا ونجیں، دریاں قناتان
وی تیں گھن آوٹن تے لواوٹیاں وی تیں بن۔"

اے آکھ کے منیر میاں ڈیڈھی دا تاک ولا کے اندر چلے گئے۔

پیل منڈی دی اے وساخ بہوں پُرائی ہئی آندی ہئی، کراڑاں دے ویلے
توں۔ کڈابیں ایندے نال کہوہ وگدا ہا۔ کوئی حقہ بیٹھا چھکیندے، کوئی
ناش بیٹھا کھبڈدے، کوئی کہائی گھتی بیٹھے، کڈابیں ثوبت، کڈابیں
موسیقی دا پروگرام، کڈابیں میلاد کڈابیں محرم، وساخ تے کجھ نہ
کجھ تھیندا رہ ویندا ہا۔ وڈے شیخ صاحب توں باد منیر میاں دی
بھانویں جو پھریند نہی تھیندی، انہاں روائتاں کون سنہالی آندا
ہا، جیڑھیاں ہُن چھیکڑی دماں تے بن۔ پچھلے مہینے "پٹھاٹاخان" انہاں
گیا گیا ہا تے اچ میلاد دی محفل ہئی۔ وساخ دا سارا انتظام وساخ دے

شیش نانگ

چن کریندے بن تے انہاں وچوں سبھ توں وڈا جن ہا پُہلا ٹھاٹا المعروف
شیش نانگ۔

اوندیاں اکھیں وچ اینجھیں چمک آتے جادو ہا جو جیڑھا وی اونکوں
ڈپدا اوندے مونہو اہو نکلدا، "اوتے۔ شیش نانگ" تے پُہلا وی این گالہ
تے ڈمریا رابندا جو شاہر سارا اونکوں شیش نانگ سڈیندے۔ او وی اٹییاں
اکھیں دا خوب استعمال کریندا ہا۔ سُنوار دے سُنوار ڈنگراں دی منڈی
لگدی۔ پُہلا اکھیں نال جٹاں کون ونج ڈریندا تے ویہہ تریہہ روپے بنا
گھندا۔ اونکوں ہر ویلے اٹھے پو تگے دی بقیہ دی لگی رابندی ہئی۔

بھانویں جو کجھ لوک پُہلے توں کریر کریندے بن۔ ہر وساخ دی سناری
سنگت اونکوں اٹھے نال روٹی کھویندی ہئی۔ وساخ دا پائی بھرٹ، پُہاری
ڈیوٹ، سودا سلف گھن آوٹ پُہلے دے ذمے ہوندا ہا۔ او کم توں ویلہا
تھی جُتیاں اچ ول ہابندا ہا تے وڈے غور نال گالھیں سُنندا۔ اکثرہا اندری
اندر کھلدا رابندا تے سُنچیندا جو اے چنگے لوک ان۔

پچھلے پنج ست سال توں منیر میاں وساخ کون ہک نویں سانجھ اچ
جوڑ گھدا ہا۔ تقریباً چار سو سال پُرائے این پیل دے سامھٹے لمے پاسوں
کڑکے سکول دی پرائی عمارت کھڑی ہئی جیندے وڈے دھوں کش
کون ڈیکھ کے چاندٹی رات اچ اینویں لگدا ہا جینویں اے کوئی ڈاک
بنگلہ ہووے۔

ڈلہاؤں تے اُہوں بازار ہا تے ڈینہاروں شیخ برادری دے گھر بن۔ اے
سارے گھر وڈے ہک حویل دے اندر ہک ڈوجھے ذو مونہہ کیتی
کھڑے بن۔

پہلے کم نیڑے سگریٹ بکھائی اے تے پیل دی ٹیک ونج لگے۔ اے اسوں دے چھیکری دینہ بن۔ چودھار کُل کانواں دیاں کچیاں کچیاں اوازیاں بھریاں پیاں بن۔ کل کال رتیاں ایشیاں واجھیاں کھول کے کانواں کو بدائی ودے بن۔ اجاں گچیاں اُنھاں دیاں چٹیاں نہ بن تھیاں۔ اتنی دیر اچ عمر اسراء وی ایتھیں آن نکھتا۔

"اؤ میہے بادشاہ!" پہلے عمر دا سواگت کیتا۔

"منیر میاں کتھو اِن؟" عمر پُچھیا۔

پہلے حویلی دو اشارہ کر کے سگریٹ دا لمبا سُوٹا چھکیا تے عمر نال حال وندَن لگ پیا۔!

"عمر تہے ویزہ کدَن آسی؟" پچھلے جُھے شاہ سائیں پٹھے آہدے بن جہاں شرفساد زمین تے حد توں ٹپ ویسی تاں اسرافیل فرشتہ بین پُھکیسی۔"

"بین نہیں مریں، ثور پُھکیسی ثور!" عمر پُہلے دی اصلاح کیتی۔ ثور تاں میں نمھی آہدا کشے نہ کشے پُھکیسی ضرور۔۔۔ "پہلا تاوی ہدھ کے؟؟؟ پٹھا رلیندا ہا۔ تے کھل کے عمر توں ولا پُچھیس۔"

"عمر بھائی اے ڈساؤ۔ اسرافیل وی اسراء ہا؟"

"ایہ مریں۔۔ عمر آکھیا۔" فرشتے شیخ، اسراء، کٹائے یا اراثیں نہیں ہوندے۔ فرشتے ہس فرشتے ہوندن اللہ دے۔"

"توں ہک سچا بندا این تہوں پٹھا پُچھدا ہم متاں فیل اسراء تہاڈی برادری ہووے۔"

پُہلا ولا حُجیتا تھیا۔

منیر میاں ولیا تے پُہلے کون چھکیس

"عمر کون وی رہاڑ لانی پٹھیں؟"

"کم مُکائی پٹھا ہس سگریٹ ہی کے وینداں: "پہلے ولدا ڈُٹا تے نال ای کہتور کیتی اِس" وساخ تے خیر تال ہرے؟" "اچ میلاد اے" منیر میاں اے آکھ کے عمر توں پُچھیا

"کانڈھے پھیر چھوڑے ہاوے؟"

"جی ہا! صرف صوفی وسایا نہیں ملیا۔" عمر جواب ڈُٹا۔

"اونکوں ضرور ملاہے!" منیر چٹھ کیتی۔ "صوفی صاحب وڈے پٹھے سُران اچ اِن۔" استاد الہی تے نشاط کون وی اکھایے چا، واجاجانی آسین!" تے نال ای اوکوں گچکر ڈُٹونے۔

"تیں دریاں قناتاں لواکے ایتھوں گچا مارٹے، متاں بودکیاں ہم کڈھیں۔"

"کیوں نہیں سائیں صرف تہاڈا اے۔ کلمہ تال میکوں وی آندے۔"

"سٹانواں؟" تے منیر میاں دے تیور ڈیکھ کے اوندی گلہ دے کالے تیل اچ جذب تھی گیا۔ اے تیل منیر میاں دی گلہ تے چماندروں ہا۔ ہر ڈاڈی شیخٹی ہر ہال دی گلہ تے کچل دا تیل لاکے ہاروں بھجندی ہئی۔ متاں

نظر نہ لگ ہووے۔ منیر چاہ دا آکھن گیاتاں صوفی وسایا وی وساخ آن وڑیا۔ صوفی صاحب منیر میاں دے پیو دے سنگتی بن۔ ہر چٹی اہٹی ڈاڑھی نال وساخ دے نوجواناں دے اگوں اگوں ہوندے بن۔ جتنا مولوی خار کھاندے بن اتنا شاہر صوفی صاحب دی عزت کریندا ہا۔ صوفی

صاحب قرآن دے حافظ بن۔ امامت وی خود کریندے بن تے اہٹی مسیت اچ ہُہاری ڈیوٹ تے صفاں صاف کرٹ دا کم وی آپ کریندے

بن۔ لاؤڈ سپیکر دے سخت خلاف بن۔ اکثر لاہابندے بن لاؤڈ سپیکر
پای جہنم دا آلا ہے۔ اللہ دا کلام سُر اچ ہوندے، چکاٹ بُکاٹ اچ نہیں
ہوندا۔ عمر وی صوفی صاحب دا ساتھ ڈتا تے آکھئیں:

"صوفی صاحب! لاؤڈ سپیکر دے خلاف انہاں مُلونڈیاں دا اپنا فتویٰ
موجود اے، پاکستان بٹن توں وی پیلھے دا پر کوئی مُلاں وی ایندے
بغیر نہیں الیندا۔ اے وی چائڈن جو سبھ توں بُرا آلا گڈھوں دا ہوندے۔"
عمر مولویاں دی بین پھوکی تاں پھلاوی دل اچ وڈا خوش تھی کے عمر
نال سوری تھیا۔

"ہک دفعہ پرار دی گالھ اے۔ چھاوی شاہ میکوں ویہ روپے ڈتے تے
آکھئیں جو مُلاں تونسسی کون ڈراواں۔ تونسسی گڈی تے کوٹ ادو توں
آوٹا ہا تے شینہ آکے مناظرہ پڑھنا ہاوس۔"

"میں وی کروڑ ریلوے سٹیشن ونج بہنتا تے اینجھیاں اونکوں ڈرائم جو
شینہ آکے تیں نانگ نانگ کریندا گیاتے سٹیج تے گج کے آکھئیں:
نانگ کون پلوتا اے مردود کون۔ جتھاں نظر آوے اُتھائیں مارو۔" تے ول
داد طلب نظران نال صوفی صاحب دو ڈٹھس۔ صوفی صاحب گالھ وٹا
کے پھلے توں پُچھیا

"مرو تھاکوں کریر نہیں آندی، آندراں، چھچھڑے، اوجھڑی، کمیاں
کچھوہر شے کھاویندے او۔"

پُھلے سنجیدہ تھی کے ولدا ڈتا۔

"انویں نہ کروں تاں گلیاں تہاڈیاں بدیونال پُریج ونجن۔" تے نال ای
آکھئیں۔

"کریر تان رچ دا ہوندے صوفی صاحب! بکھے دا کیاں کریر؟"
چاہ دا مجماں رکھ کے منیرمیاں صوفی صاحب دی خیریت دریافت
کیتی تے آکھئیں:

"اچ راتیں میلاد کون تَساں تھھاوڑے۔"

اچ ضرور سُٹا ہے "کتھاں مہر علی کتھاں تیری ثنا" تے نال ای پُھلے دیاں
اکھیں توں بیج کے اکھیونے "گستاخ اکھیاں کتھاں جا لڑیاں"

حویلی دے اندر منیر دی ماء ہکاں دیاں سنگھالیاں تے موتی پٹھی
ٹکیندی ہئی۔ موتی ٹکیاں انہاں سنگھالیاں کون سنگھال تے چاڑھ کے
جڈاں برٹیاں دے ہک مومل، امرت تے مہین نال وڑھے وچ کھبڈے
بن تان سارا گھر ڈیکھ ڈیکھ کے نہال تھیندا ہا۔ موران دا ہک جوڑا وی
کندھلی تے کھنپ پٹھا کھنڈیندا ہا۔

خالی برتن ماء کون ڈے کے ڈو لفظاں اچ پُچھئیں

"اماں... ڈاڈی؟"

"ڈوپہراں دی نماز پڑھ کے ڈاڈی اندروں تخت پوش تے قرآن پٹھی
پڑھدی اے۔"

اماں ولدا ڈتا۔ منیر اندر جھاتی پاء کے ڈاڈی کون ڈتھا تے ولا آرام نال
ناک ولا کھڑائیں تے ماء نال وت الاٹا۔

"اماں او کھیرٹی آکے مٹی دے پیالے؟"

"بتر ڈاڈی تیڈی آکھیا ہا او رتو کے پائی اچ نئے ہمدن۔"

پورا گھر میلاد دی تیاری وچ مصروف ہا۔ چہرمر چہر مر کریندے
کپڑیاں نال ہال اندر حویل اچ ودے چھٹکدے بن۔ ڈاڈی ہر کہیں دے

گھر مئی دے پیالیاں اچ چاندی دے ورق نال کھیرٹی بھجڑ تون وکھ
چتر اچ جیٹے دا بہت ضرور پکیندی ہئی۔ یارہی دا کھیر، امام دے
کونڈے۔۔۔ انہاں ریتاں رواجان کون ڈاڈی سنبھالی آندی ہئی۔

اسی سال دی عمر اچ وی او ایٹے پتلے سکے وجود نال ہر کم آپ
کریندی ہئی۔

سوہ دے چتر ہال کے شب رات مناوٹ وی کڈاہیں نہی بھلدی،
چھیکاں آلیاں لوٹیاں اچ گھو دے ڈیوے ہال کے ، ہالاں ذی تلی تے
رویہ وی رکھدی تے نال ای ابدی۔

"چترے می

وترے می ڈولڑا

کوڈی کسیرا نمھی گھندی

گھنساں روک رویہ۔۔۔ وے رویہ۔"

اے سبھ ریتاں پٹن مکدیاں ویندیاں ہن۔ ضیاء مارشل لاء وچ خوشی
مناوٹ دے نویں طریقے دریافت تھی چکے ہن، ہم ، بارود ، کریکر
دھماکے۔۔۔۔

ہک ادھ دفعہ تاں وساخ دی لمی گلی اچ وڈے شیخ صاحب دی تکرار
وی تھی ہئی۔

"جو پیلی خوشی مناوٹ دا اے کیا طریقہ اے؟"

شیخ صاحب آکھیا

"او کینجھاں اللہ سائیں اے۔ جیڑھا پھل کون ڈیکھ کے یاد نہیں آندا
بتھوں بندوخ چلا کے خوش تھیندے۔"

وڈے شیخ صاحب نال کہیں کون اُپرٹ دی جُرت نہی تھیندی۔ او تاں
آکھ کے گھر چلے گئے۔ انہاں دی کٹڈ پچھوں ملاں فتوری کریکر چلا
کے بولیا۔

"اساں شب رات مناوٹی اے ، دیوالی نہیں مناوٹی شیخ جی!" تے نال ای
قصائیاں آلی گلی ہوائی فائرنگ نال گونجڑ پٹے گئی۔ این گلی وچ
ہمیشاں فساد دی تربیت تھیندی ہئی۔ محرم دا جلوس لنگھے با تاں
ملاں فتوری دے مجاہد چھتاں تون تے ہائی دیاں ہالٹیاں کھڑ ویش
ہا۔ کفر اسلام دا اے جھڑا پورے عروج تے ہا۔

موسیقی دے پروگرام ویلے وی انہاں مجاہدان عمر کون چونڈھی ماری۔
"پٹھائے خان دا دول پٹے وچویندے او! اپٹا دول تاں وجوا نہیں
سگدے۔" عمر اونکوں ولدا ڈتا۔

"میڈا پیو دول نہیں وجواوٹ چاہندا میں ایندا وی احترام کرینداں۔ کہیں
دا پیو دول وجواوٹ چاہندے میں ایندا وی احترام کرینداں۔ اصل گالھ
ہک ڈوجھے دے احترام دی ہے۔ اینکوں نافذ کرٹ دی نہیں۔"

عمر دے انہاں خیالات دی وساخ دے سنگتی بہوں قدر کریندے
ہن۔ منیر میاں گھٹن آتے ماندکی دے این ماحول اچ خوشیاں مناوٹ کون
ولا رواج ودے ڈیندے ہن۔ منیر اپنی ڈاڈی دی جھولی اچ وڈا تھیا
ہاتھوں اپٹے نال سوہو، میلاد ، سہرے گانے ، ہڈے منتر آتے قصے
کہائیاں سنبھالی آندا ہاجیڑھے صدیاں تون ڈاڈی دی جھولی اچ محفوظ
پٹے آندے ہن۔ منیر میاں کڈاہیں ٹیپ تے ریکارڈ کرٹ دی گالھ کرے ہا
تاں ڈاڈی توبان توبان کریندی ہئی۔

ڈاڈی شیختی ایسے ویسہ پنجوی پوترے پوتریاں ، ڈوہترے ڈوہتریاں نال وڈے ایس مشترکہ حویل دی حاکم بنی۔ ہر کم انہاں دی اجازت نال تھیندا با۔ گھر دے ہر ہال کون گلہ تے کالا تیل ضرور لیندی بنی۔ اے گلہ اوڑ کھیاں تون چانڈی بنی جو بُری اکھ دی طاقت کون کالا تیل کیتیوں ایسے اندر جذب کر گھندے۔ ہال کوئی روندنا ولے۔ ہا تاں اوندے سیر تون مرجاں و تاکے بھاء اچ سٹے ہا تے آکھے ہا۔

"کالا ٹکا لوا کے نہویں گیا ناں میڈا گوپلا۔
منیر میان دی بھانویں جو پھریند نہی تھیندی، گھردیاں انہاں روائتاں کون ٹوری آندا ہا۔
شیخ برادری تون علاوہ ڈوجھی وڈی برادری کروڑ اچ قریشیاں دی بنی۔ نویں پُرائے ارائیں وی کافی تعداد وچ بن۔ دربار آلا محلہ تاں مجاوراں نال بھراپا باجیڑھے حضرت لعل عیسن دے ویلے تون جاتر دے پرہہ سنہالی آندے بن تے خلیفے سڈویندے بن۔ جاتردی اے روایت بن چھیکڑی دماں تے بنی۔ استاد الہی تے فقیر وسایا اخیری جاتریے بچے ودے بن۔

دیگر تھی تاں مسٹر خان وی وساخ تے آگیا تے پُہلے نال ہانہندیں سیتی پنگا گھڈس۔

"پُہلا مریں ماء تیڈی تاں جھتّاں اچ گئی ودی بنی۔"
"ٹھیک اے!" پُہلے ولدا ڈُتا۔ "ساڈے گھر تاں چلو ہنگن مُترن تے تھان بھانڈے کوئی نہیں، تون ڈسا تیڈی ماء اُتھاں کیا ودی کریندی بنی؟"
سارے کھل پنے تے مسٹر خان پُہلے کون اردو وچ جواب ڈُتا۔

"تے غیرت وہ تو کب کی مرگئی۔" پُہلے دل اچ سوچیا ایندی ماء تاں چلو مر گئی اے، شاہر سارا آخر میڈی ماء کون کیوں پرنائی رابندے۔ پر کہیں دی کہیں گالہ دا مطلب نہیں گھندا۔
دریاں فناں تھورکے پُہلے آکھیا۔

"اچھا منیر بھائی۔۔ کم پورے۔ ساکون چُھٹی!"
تاں منیر میان اوندے کھیسے وچ تریسہ روپے وی ہاء چھوڑے، وساخ تاں جینویں ہمیشاں تون پُہلے رابیں امان دی جاہ پئی آندی بنی۔

[2]

پُہلا سب کون وساخ تے چھوڑکے بازار اچ آگیا۔ بازار دی نکر تے عاشق دے کھوکھے تون ڈبی ہتھوڑے دی گھدی اس۔ ڈو سگریٹاں کڈھ کے ہک کن تے چارکھی اس تے ڈوجھی بکھا گھدی اس تے ڈبی کھیسے اچ پاکے آکھیس۔

"سگریٹ آکے کون ایہا پنی منگی سائیاں موٹی کھا ویندی اے۔" اُتھائیں کھوکھے تے ویلھیاں دی ہک ٹکڑی تاش پٹھی کھپڈی بنی۔ انہاں وچوں ہک پُہلے نال آلا۔

"پُہلا مریں ماء تیڈی لوی اے، پیو تیڈا ہڈھا اے، کیا کریندا ہوسی؟"
پُہلے کھل کے ولدا ڈُتا۔ "ہایار! میں وی سچینداں تون کجھ میڈی مدد کریں ہا؟"

کوئی آکھے ہا۔

"اُونے پُہلا ماء تیڈی فلاٹے نال پٹھی کھڑی اے۔"
پُہلا ولدا ڈُیوے ہا۔

"شکر اے کہیں مرد نال تان پھٹی کھڑی اے، اتھاں تان ساراعلاؤ
کھوٹیاں نال پھٹا کھڑے۔"

"پھلا ماء تیبی دیاں جنگھاں مونڈھے تے ہن۔۔۔ پھلا ماء تیبی۔۔۔۔"

بر کہیں دے میٹھے سٹدا پھلا کہیں دی گالھ کون سندا نہی چاٹدا تے
سی کاوڑ کریندا ہا۔ اونکوں تان بر ویلے ایہا فکر کھادی ویندی ہئی جو
یو اٹھے دی بنیم کینویں پوری کرے؟ نکئی بھیئ فاطمہ تے ماء کالی دا
کینویں خیال رکھے؟ پھلے بھیئ دا نال فاطمہ رکھیا ہا۔ نکڑے نکڑے
بتیاں نال مخدوماں دے تھان دھوندی فاطمہ کون پھلے آپ پالیا ہا۔ او
کٹائیاں دی برادری وچ پہلی فاطمہ ہئی۔

جے تئیں یو اوندا تگا کٹاٹا میونسپل اچ لگا رہیا تان گراٹ تھیندی
ہئی۔ ول اونکوں ادھڑنگ تھی گیا تے پچھلے کئی سالان تون مرٹ
منجی تے پیا ہا۔

پھلا بازار اچوں تھیندا، خان چاچے دے ٹھیکے اگوں پجیاتان خیال
آیس جو چاچے دے گھروں یو دی بنیم گھدی ونجے۔ ٹھیکے تان ہن
بند ہن۔ خان چاچا نشے پاٹی دا کم ہن اٹھے گھر کریندا ہا۔ خان چاچے
پھلے کون کئی بنیم دی ڈتی اے تے ول پچھیس۔

"مویا آپ تان کئی نہویں کھڑا لیندا؟" تے نال ای پھلے اگوں بنیم دی
صفت الاٹی اے۔

"ہجے! بنیم ہال کون پالے، جوان کون گالے تے بڈھے کون سنبھالے!"
"کیاحال اے یو تیبے دا؟" "اجاں جیندا ہئے" پھلے ولدا ڈتاتے چاچے
کنوں ہک سگریٹ دی چرس پنی اے۔

"ہجے! نشے تے جوئے اچ ادھار نشیں ہوندا!" تے اٹلے پنج روپے وی پھلے
توں ٹھگال گھدے نس۔ پھلا ولدا بازار جھگیندا بنگلہ معصوم شاہ تے
ونج بیٹھے۔

بنگلہ معصوم شاہ بلکل بھک دریا تے ہا۔ بنگلے دی ڈلھائیں کندھ تریڑ
ڈے کے انج تھئی کھڑی ہئی۔ بنگلہ جینویں سالان تون خالی پیا ہا۔ شاہ
دے آوارہ کتیاں، ہلیاں آتے جہازاں دا دیرا اتھائیں ہوندا ہا۔ پھلاوی
نماشان دے تارے نال اتھائیں نماشان گزریندا ہا۔ بنگلے وچ سینکڑے
ابایلاں آکھتے جوڑی ہئے ہن۔ پکی سگریٹ پی کے پھلا معصوم شاہ
دے گھڑے بھرٹ ٹر پئے۔

معصوم شاہ دے زنان خانے تون الگ حویل اچ ہوڑ بیٹھ تونسے دے
ٹھڈے گھڑے ہئے چوندے ہن۔ ٹپ ٹپ وسدے اتھاں گھڑیاں تے گھن
تے ڈینبھوں جھم رابندے ہن۔ ہر کہیں زیارتی کون ڈنگ نہ ننھن
مریندے۔ سمجھ گئے ہن جو بکے گھڑے تون پاٹی پوٹے۔

پھلے ہوڑ توٹ مشک لہائی اے، چھیکڑی گھڑے وچ پاٹی بھریندا کھڑا
ہا جو زنان خانے اچوں معصوم شاہ دا نکا لالٹ شاہ "نکشاہ" نکشاہ"
کریندا پھلے کون آن کے ولھڑ گئے۔

"اچھا! اچھا! پاٹی بھر گھناں سٹینداں تیکوں قصہ تک شاہ دا۔"

لالٹ شاہ سبھ تون چھوٹا ہا، ہکے چولے وچ رابندا ہا۔ ماء اونکوں کئی
دفعہ سٹھن سئی ڈیندی ہر او سٹھن نہی پیندا۔ تھوڑا گالھابا تہوں سارے
اونکوں گالھابا شاہ وی اہدے ہن۔ وڈے پتر چھیل شاہ تون علاوہ معصوم

شاہ دریاں جو دھیان بن۔ چھیل شاہ کون اوندمے کرتوتاں دے تتا لوکی
چھاوی شاہ سہیندمے بن۔

درگاہ دی ولانت معصوم شاہ دے گھر پئی آندی ہئی۔ ہک ویلا ہا میلے
آئے عرس دے موقعے تے اتھاں جاتریاں دی بھیڑ ہوندى ہئی۔ روڈے
سارے این حویل اچ اُتھ پئے بُشدن، انھاں دے رنگاٹ اچ گالھا شاہ
کہندا، لالوں ویندا ہک ہک کون گلکڑیاں ودا پاوے ہا۔ سارے جاتری
ایویں چاندے بن جینویں این گالھے اندر حضرت لعل سئیں دی روح
ہوئے۔ کونجیاں وانگوں کُرنانڈیاں تریمتیں درگاہ دے پھیرے پیندیاں
، سہرے گاندیاں تے چادر چڑھاوٹ ویلے گالھا شاہ اگوں اگوں ہوندا ہا۔
اے چادر شاہ پری آئے وڈی سید زادی اپٹے ہتھ نال سیپ کڈھ کے
تیار کیندیاں بن۔ جاتریاں دا انتظام اوقاف توں پیلھے معصوم شاہ دے سیر
ہا۔ پویل آئے نذر نیاز دی کوئی حد نہ ہئی۔ اتنے رجمے کجھے گھر اچ
جہاں معصوم شاہ دی جاہ چھاوی شاہ گھدی تاں ہولے ہولے حُجرے
ویران تھیون لگ پئے۔ جتھاں کڈاپیں گھبو دے ڈیوے ہلدے بن او جاہیں
ہُن دھوانک مارے کٹاویاں اچ ساہ پیاں گھندیاں بن۔

مخدوم صاحب وڈے کٹاں لیندے بن۔ انھاں کونو پُہلے دے پیو تگے
کون بنیم لگی ہئی۔ تگا کٹاٹا مخدوم صاحب دے خاندانی خادماں
اچوں پیا آندا ہانے ہُن اوندی جاہ پُہلے سنبھال گھدی ہئی۔ معصوم شاہ
ہُن مجلس نہی کیندا۔ اوندی جاہ چھاوی شاہ ایم اے کر کے پتیرے
مٹھیندا ہا۔ درگاہ دی آمدن اوقاف سنبھال گھدی ہئی۔ جاتری وی گھٹ
تھی گئے بن۔ ڈاھ پندھراں سال اچ کجھ دا کجھ تھی گیا ہا۔

گالھا شاہ یا تاں بھیٹیں دی کجھ اچ لکيا راہندا یا وت تکشاہ تکشاہ
کریندا پُہلے نال درگاہ تے ونج نکلدا۔ شاہ پری ہُن ملتان نرسنگ پئی
کریندی ہئی۔ نیلیاں اکھیں والی شاہ پری واقعی کوہ قاف دی پری
لگدی ہئی۔ پُہلاناں اوندمے حُسن کون ڈیکھ کے اکھیں جھمکاوٹ پُہل
ویندا ہا۔ اوندی چھوٹی بھیڑ بدیل بی بی وی اون کن گھٹ کائے نہ
ہئی۔ ڈونہیں بھیٹیں تے وڈی سید زادی چھاوی شاہ نال ایویں راہندیاں
بن جینویں دیہ دے پچھانویں پریاں راہندین۔ ملاں فتوری وانگوں چھاوی
شاہ وی کلاشنکوف بردار محافظاں دی ادھ اچ راہندا ہا۔

پُہلا گھڑے بھر، گھوڑیاں دی لڈ میل فارغ تھیا تے ہتھ دھو کے گالھے
شاہ کون روز دے کم وانگوں تک بادشاہ دا قصہ سٹاوٹ ول پٹھے۔
ہے لعل!

اے قصہ میکوں میڈی نانی سٹائے، اونکوں اوندی نانی سٹائے تے اونکوں
اوندی نانی۔۔۔۔

پُراٹے زمانے دی گالھ اے۔ کوٹ کروڑ تے راجہ نانگ پال راج کریندا
ہا۔ اوندمے پتر چترے دی نویں نویں شادی تھی۔ سنگتیاں نال سانوٹی
مناوٹ دریا تے گیا تاں بیڑی پُڈگئی تے او پاٹی اچ ڈھے پیا۔ ہُن او شوہ
پاٹی دے اندر لاہندا ویندے، لاہندا ویندے۔۔۔، ادھ دریا اچ پُچیا تاں
کیا ڈہدے جو نانگتیاں ای نانگتیاں ان، انگریزاں پیاں بھیندین۔ انھاں
دی اکھ کھلی تاں انھاں دی مونہوں نکھتا۔

"واہ سبحان اللہ اکیڈاسوٹا شاہ زادہ اے" تے چترے تے عاشق تھی کے
اونکوں اپٹے نال پاناں وچ گھن گیاں۔ جتھاں نانگ راج تک شک اپٹے

لعل جڑے تخت تے آرام پیا کریندا ہا۔ اوندے مستک دی مٹی دُور
دُور تیر لائز بنی مریندی بی۔

اوں پُجھیا

"اے سُندر شاہزادہ کوں اے؟"

"میر راجہ نانگ پال دا پُتر چترا ہا!" چترے جواب دُتا۔

"تون کیندا بھگت ایں؟"

نانگ بادشاہ ول پُجھیا

"میں حضرت لعل عیسن دا بھگت آن!"

اے سُن کے تکشک بادشاہ تعظیم کنوں اُٹھی کھڑا تھیا تے اکھیس

"میں آپ وی سائیں دا بھگت آن" پاتال دی اے بادشاہی تہاڈی

اے، تساں ہمیشاں ہمیشاں ایتھاں رہ سگدے او"

چترے آکھیا "تیں سائیں میکوں ولا زمین تے پٹھ ڈیو میڈی کنوار میڈے

انتظار اچ بوسی۔"

"پاتال دی سیر کرو، ول تہاڈا جینویں دل اکھے!"

تکشک چترے کوں آکھیا۔ کئی ڈینہہ چترے پاتال دی سیر کیتی۔

چؤدھار نانگان دے نگر وسے پئے بن۔ ایتھاں سنگھ چوڑ، ایتھاں

جہرمب، کتھائیں پدم، کتھائیں مُشکی، نانگ ای نانگ ان چؤدھار

جنہاں دیاں چھجلیاں وچ مائک موتی پئے بکھدین۔ ہر پاسے سکھ ای

سکھ اے۔ نہ موت، نہ بیماری، نہ ڈکھ نہ غم، نہ عزت نہ بے

غیرتی....

سیر توں باد تکشک بادشاہ اہٹے مستک دا لعل وی چترے کوں دُتا تے
نال اپٹاڈانی خادم وی کر ڈُٹس جو ونج کے چترے کوں اوندے گھر
چھوڑ آوے۔ چترا بادشاہ زمین تے آیا تاں کندھی تے اوندی ڈال، اوندا
پیو ماء تے کل رعایا اجاں وی ویڑ پٹھی کریندی بی۔ شاہ زادے کوں
جیندا جاگدا ڈیکھ کے سارے خوش تھئے تے شاہ زادے کوں ہاں نال
لاگھدوئے۔

شاہ زادے نال تکشک دا نوکر وی محل اچ راہوٹ لگ پیا۔ "ڈاڈے

تیڈے دی برکت نال ڈساواں تیکوں جو او نوکر کوں اے؟"

پُھلا گالھے شاہ نال مخاطب تھیا تاں گالھا شاہ سُمہ چُکیا ہا۔ ہر پُھلے

روز وانگوں اپٹا قصہ پورا کیتا۔ قصے وچوں گالھے کوں صرف تکشک

یاد رہ ویندا ہا۔ پُھلے در کھڑکا کے لعل کوں وڈی سید زادی دے

حوالے کیتا تے اہٹے گھر دو روانہ تھیا۔

گھر کیا ہا؟ کچی ہک سالہ بی، بنگلے دے لابندے پاسے جیندے وچ

پُھلا ماء بھین تے پیو نگے آتے اہٹے کئے نال راہندا ہا۔

سارے شاہر دی چاکری توں باد پُھلا اہٹی سالہ اچ آن ڈھسے ہا تے

خاباں وچ وی اونکوں اینویں لگدا ہا جینویں کوئی اہدا کھڑا ہووے:

"پُھلا روٹیاں پکواڈے، پُھلا چاہ گھدی آ، پُھلا تھان دھو، پُھلا حرامی

گٹر بند تھیا پئے۔۔۔"

تے پُھلا مونڈھے تے ہوری لڑکا کے ہتھ اچ لمبا بانس گھلی

ویندے۔ سارے شاہر دی چاکری اونکوں ورثے اچ ملی بی۔ ایندے

باوجود او ہر ویلے خوش راہندا ہا۔ کہیں گلی وچ ہالاں نال چدے ودا

کہیہ دے تاں کہیں گلی وج گپٹی ڈناں۔ دول دا آلا کیناہوں آوے ہا ،
پُھلا "تتاں تائیں تا تائیں ، تتاں تائیں تا تائیں" کریندا ، تھرکدا نچدا
اُتھائیں حاضر ہونداتے جنج دا انتظام خود سنبھال گھندا۔ نماشیں
جھولی چاولاں دی آئے پھر ہوڑ دا گھر آں ڈیندا۔ کہیں وسواس ، کہیں
آچوی مُتوں اوندہ جیوڑ اٹھے نال پورا ہا۔

گھوڑے بھجاڑ وی پُھلا آگوں ویندا نچدے۔ ڈاند بھجاڑ وی پُھلا آگوں
ویندا نچدے۔ بر ویلے کہیں ہال دی دل نال ، نہ شیعہ ، نہ سُنی ، نہ
کافر ، نہ مسلمان۔ پُھلا ہر کہیں دا مٹر ہا۔ اوندہ اصل ناں صرف کجھ
لوک جاتدے ہن۔ سارا شاہر ہس اونکوں شیش نانگ سڈیندا ہاتے
کڈاپیں کڈاپیں پُھلا وساخ تے لاہندا:

"نہ جنگھاں ، نہ ہانہیں ، نہ ہتھ ، نہ پیر ، اسان نہ گپے نہ چتھوں جوگے
، نہ چاؤن جوگے ، ساکوں تاں اے جندڑی موئی کھنباں سودھی
نگلٹی پوندی اے"

اینجھیاں باریاں گالھیں اوندے مونہ تے چنگیاں ننھن لگدیاں ۔ وساخ
ساری تاں اوندی کھردری زبان دی چس بہ چاومے ہا۔ پُھلا اچ ولاماء
اٹھی کون شرو تھیا پٹھے۔ "امان شودی سنبھلن وج نئیں آندی۔" پیو
میکوں آہدے اٹھے مسات نال بُری اے" "کیا کرے شودی؟ نہ کوئی
سیک ، نہ سدھر، نہ ڈھولک نہ جنج ، نہ ہار نہ تپاسے ، نہ لانواں دا لال
جوڑا۔۔۔"

"پنج سو وج نانے میڈے پیو دے ہتھ ویچ ڈتی ، کپڑے وی امان شادی
توں باد دھوترے۔۔۔ مسات مسات نہ کرے تاں کیا کرے؟"

"میں بیوماء بارے اینویں نئیں الیندا"

منیر میاں اکثرھا پُھلے کون بہ سمجھیندے۔ ہر پُھلے دے ، زبان نہ وٹتی
ہی تے نہ وٹی۔

"کل رات دی گالھ اے اتوں اڈی تے رت نولیا چوبی کون نیی پیا ہا۔
چوبی چیں چیں پئی کریندی ہی تے بیٹھ پیو میڈاپیا غرکدا ہامیڈی ماء
تے

"یہاک زمانے دی ، کنجری ، بھونڈن"

"ماء دا دلپن پتر میڈا آپ جو چائی کھڑے۔" پُھلا نانگ تے لت آوی
شالا ۔ اے فاطمی میڈی دھی نئیں۔" اے گالھ پُھلا وی جاتدا ہا ۔ ہر
اٹھی ماء کون آپ اوندے مسات کن چھوڑ آندا۔ کینویں ڈساواں اٹھے
پیو کون جو میں اٹھی ماء کون اوندے مسات کن کیوں چھوڑ آنداں
؟ نکھے لاء توں او مسات نال پیار کریندی ہی۔ تگیا بھانویں غیرت بہوں
کھاندا ہا پر کجھ نہی کر سگدا۔

پُھلا روز وانگوں ماء دی کہائی کون آگھاں ودھاوے ہاتاں منیر میاں
وچوں اونکوں ٹوک ڈیندے ہن۔

"تھوڑی تمیز کر مویا، لوک کیا آکھیں؟"

"منیر بھائی لوک تاں آہدے وڈن، پُھلا ماء دی دلالی کھاندے ، میکوں
وی تاں امان شودی دے درد الاون ڈیو!"

مسٹر خان تاں پُھلے کون روز لاہندا۔ "تیں تہذیب نہ سیکھی پُھلا!"

کینویں سیکھدا خان صاحب؟

"سکول گیم تان استاد آکھیا پھلا مُتردھو ، مسیت گیم تان ملان آکھیا
پُہلا گورنر صاف کر"

"مجلس گیم تان شاہ سائیں آکھیا پھلا گھوڑیاں دی لڈ میل"
"کتھوں سکھدا تہذیب، ویلہ ای نہیں ملی۔ بھل اتنا پتہ میکوں وی
لگدے جو ماء گندی تیں تھی سگدی!" "ماء پھٹ کینویں سگدی
اے؟"

"اے تان رب دا روپ اے!" میڈا دل تان اہدے اچھا چھوڑو کیا
ڈساوان؟" جینویں پھلا کجھ اہدیں اہدیں رُک گیا ہووے تے منیر دو
ڈٹھس۔ پُہلا منیر میان دا احترام اٹھے ماء بیوتوں وی ودھ کریندا ہا۔ در
در پندا ، چاکریاں کریندا، نانگ دیاں اکھیں کڑھدا ، انوں اُنوں پھر
بھوں کے انت پُہلا وساخ دے پیل دی ٹیک آن لگدا ہا تے اینویں یقین
کریندا ہا جو این پیل وچ اوندے وڈکیاں دی روح راہندی اے۔

جتھاں وساخ شاہر کون خوف اُتے دہشت دے ماحول اچوں باہر کڈھن
دے اہڑدی ستریندی ہی تان اُتھاں ملان فتوری دی سپاہ شاہر کون
یرغمال بٹا گھدا ہا۔ کچھ دے لوک ڈر توں شاہر دو مونہ نہ بن
کریندے۔ کاروبار ٹھپ ہا۔ مارشل لاء اُتے مذہب دی آڑ وچ اے مجاہد
ہُن ڈراکلیاں بلائیں ہُن چکیاں بن۔ پر ہر کوئی اے جاٹ گیا ہا جو انھاں
مجاہداں دی تربیت فوجی کیمپاں اچ پئی تھیندی اے۔

[3]

بھٹو صاحب کون پھاسی لاوٹ دے ڈاہ سال دے اندر انھاں اکھیں
مُتوں بلائیں کون چمیشاد وانگوں کھنہ لگ گئے بن۔ گلی گلی وچ

جھٹے مریندیاں ، ہال ڈریندیاں ، انھاں بلائیں لوکاں کون اٹھے گھراں وچ
قید کر ڈتا ہا۔ ایہو کجھ فوجی چاہندے بن۔ کتھائیں بھوڑا گروپ،
کتھائیں بم دھماکے ، اے سبہ دہشت ریاست خود آپ کھنڈائی کھڑی
ہئی۔ میلاد دے کجھ مہینیاں پچھوں ملان فتوری دے مجاہداں شمع
شاہ کون ڈینہہ ڈیہاڑے گلی صوفی محمد حسین وچ گولی مار ڈتی تے
ہُن اے سلسلہ رُکن وچ نہ ہئی پیا آندا۔

یے فکرا شیش نانگ وی فکر مند تھیا ودا ہا تے وساخ تے لا ہابندا
"میکوں باقی ہُن اٹھے شاہر اچوں رت دی بو آندی اے!" ول ہک رات
ملان فتوری دا بھرا وی ماریا گیتے کجھ مہینیاں پچھوں خود ملان
فتوری وی بلوچاں مار گھتیا۔

لگدا ہا جینویں شاہر اچ ولا غدر پئے گیا ہووے۔

ملان فتوری دی موت توں باد سبہ توں بُرا اے تھیا جو چھاوی شاہ اٹھی
بھین شاہ پری کون قتل کر ڈتا۔ ڈوہ شاہ پری دا اے ہا جو اوں غیر سید
بک ڈاکٹر نال شادی کیوں کیتی اے۔ چھاوی شاہ بہانے سیر بھین کون
ولا کے گھر گھن آیا تے پنج مہینے دے ڈڈھ نال بھین اپنی کون زہر چا
ڈٹس۔ این واقعے تے ڈاکٹر مظفر گڑھوں قبر کُشائی دے آڈراں نال پولیس
گھن آیا۔ رو رو کے شودا کملا تھیا ودا ہا۔ شاہر سارا کٹھا تھی گیا
۔ معصوم شاہ ڈاکٹر دے بیریں پٹکیا ونج سٹیا تے آکھیں

"کر بلا دے معصوماں دا واسطہ ای میکوں بچا گھن" تے اُمتی شودے
معصوم شاہ دے پتر چھاوی شاہ کون معاف کر ڈتا۔

ول تھیا کیا؟ واہ قدرت! جو چھاوی شاہ دی ڈوجھی بھیڑ بدیل ہی بی وی گھر چھوڑ کے ڈاکٹر نال ونج پرنی۔ چھاوی شاہ دے ہتھ کیا آیا؟
این توں ودھ بے غیرتی دی گالھ اے ہئی جو چھاوی شاہ ہئی وی
مُجھان وٹ کے بازاراچوں لنگھدا ہا تے سارے اونکوں اُٹھی کے سلام
کریندے ہن۔ بے شرمی ہیا کیا ہووے؟ لوک قاتل توں کریر نہن
کہاندے ، پُہلے توں کریر کریندے ہن!!!

"چابیدا تان میکوں وی ہا جو اپئی ماء کون مار کے پیو دی عزت کون
بچا گھندا۔" پُہلا وساخ تے آکھ ہابندا۔ شمعے شاہ دے ، شاہ پری دے
انہاں پڑھے لکھے قاتلان کون ہر کوئی چاٹدا ہا۔ ہر قانون تان انہاں
دے در دا لُوسی کُتا ہا۔

این واقعے توں باد معصوم شاہ دا گالھا لعلن تکشاہ نکشاہ کریندا ہک
رات پُہلے کون گُلیندا رہا تے سویلے شاہر دے لوکان اے ڈُٹھا جو
گالھا شاہ حضرت لعل عیسن دی درگاہ دے وڈے دروازے آگوں سے
ورھیاں دا تھیا ہئے۔ ول اینجھی لال اندھاری اُٹھی جو ہر پاسے کال
کُوت تھی گیا۔ شاہر سارا ڈونگھے ڈُکھ آتے سوگ دے ماحول اچ ہا۔
پُہلا ماء اپئی کون نال لیندا فاطمہ کون مونڈھے تے چیندا اینجھاں
غائب تھیا جو کئی ہفتے کہیں پاسوں اوندی کوئی سُدھ نہ لدھی۔

منیر میاں کون وی ایہو ہتھ لگا جو پُہلا اپئے پیو نگے کون اپئے مترائے
بہرا دے حوالے کر گئے۔ معصوم شاہ دے گھڑے کئی ڈینہاں توں
امونڈھے تھئے ہئے ہن۔

پُہلے کینا اے جو پچھلے چار سال بیسہ بیسہ جوڑکے ، ماء کیتے لال
جوڑا اٹل گھدس۔ اے لال جوڑا پنج سو وچ مل گھن کے پُہلے کون
اینویں لگیا جینویں بہشت دی خوشی اوندی جھولی وچ آگئی ہووے۔
[4]

وساخ تے اچ کہائی دی پٹھک ہئی۔ پُہلے دا کم وی منیر میاں آپ ودا
کریندا ہا۔ لال اندھاری اچاں وی پورے شاہر دے سرتے کھڑی وسدی
ہئی۔ انوں منیر میاں دل اچ سوچیا جو پُہلا خبرے کنھاں مر گئے؟ تے
اُنوں پُہلا شیش نانگ ظاہر تھی ہیا۔

"دل نال شیش نانگ کون یاد کرو تے شیش نانگ نہ ظاہر تھیوے ، اے
کینویں تھی سگدے منیر میاں؟" پُہلے آندیں نال ای جینویں منیر میاں
دی بے چینی ختم کر ڈتی ہووے۔

وساخ تے اچ جیندی کہائی ہئی او نہ آیا۔ منیر میاں کون مونجھاڈیکھ
کے پُہلا ہولیا "اے کیڑھی گالھ اے؟ اچ کہائی میں چا گھتینداں"
سارے کھل ہئے جو مہینے باد پُہلا اچ کئی بودکیاں سُنسی۔

چاہ ہی کے پُہلا الایا" کہائی تان جیندی جاگدی ہوندی اے۔ کاغذ
اچ نئیں ہوندی تے نال ای تازی مار کے کیٹس تک شک تک شک "
اے آکھن دی دیر ہئی جو پیل دے کھوڑ اچوں وڈا ہک شیش نانگ
ظاہر تھیا تے کراڑاں دے کھولیاں دو لُڑھ ہیا۔

سارے جینویں یکدم رسم گئے۔ کہیں دے مونہوں نکھتا نانگ اوئے ،
نانگ اوئے۔۔ مارو مارو مُشکی اے۔ " ہر نانگ غائب تھی گیا ہا تے نال
ای پُہلے کیتا۔

"کہاٹی جیندی جاگدی بوندی اے۔" اے نانگ نہیں تہاڈا بھنے ہے۔
جے تیں اے بھنے باقی ہے، اے پھلا ہمیشاں تہاڈے دل اچ راہی۔
متاں آکھو پھلے دی کوئی جاہ نہیں۔ میں ہاں جہنم دا آٹھواں نانگ نک
شک۔ میڈی جاہ پاتال اے۔ پاتال ستواں طبق اے زمین دا تے ول
انگلیں تے گٹن لگ پیا۔

آتل، وتل، سٹل، تلاتل، مہا تل، رساتل، آتے سیہ توں تلے پاتل
..... متاں سمجھو پھلا بُودکی پٹھا مریندے۔ پچھ گھنایے کہیں
سیاتے توں غلط ہووے تاں نیاں ڈیساں۔ کہاٹی تاں جیندی جاگدی
بوندی اے۔

ول آکھیں۔۔ "ڈیکھو تاں لال اندھاری اسمان کوں ویڑھ گھدے۔ جڈاں
وی ناحق تھیوے، اللہ سائیں اپنی نشانی ضرور پٹھیندے" تے ول اسمان
دو ہتھ کیتوں۔ وٹھونہیاں دا مینہ، تاں پتہ نہیں کتھوں کالا بدل آکھا
تے موٹیاں موٹیاں کٹیاں زمین تے ڈھے کے اینویں پیا لگدا ہا جینویں
وٹھونہیں بڑ ویندیاں ہوون۔ بہانویں جو پھلے دی کہاٹی سمجھ وچ نہیں
پئی آندی ول وی سارے ایندے وچ جذب تھے پٹھے ہن۔

"تساں آکھسو پھلے تمیز نہیں سیکھی۔۔ پر اے تاں جاندے ہو جو تمیز
والیاں کیا کیتے؟"

میں نکا ہامی در در پن کے پیو دی بھیم آتے اچ لکا کے ونج گھندا ہم
۔ طلباں کوں اکھیں نال ڈرا کے دال مانے وی ماٹھ گھندا ہم تے سٹوار
دے ڈینہ چٹاں کوں اکھیں نال ڈرا کے پیو دی بھیم پوری کریندا ہم۔
تساں سارے میڈی ماء پرنائی راہدے ہاوے۔ پیو میڈا وی ایہو چاہندا ہا

جو میں اپنی ماء کوں مار کے اپنی غیرت کوں سرخرو کراں۔" پر میں
اونویں نہیں کیتا جینویں چھاوی شاہ کیتے۔ اچ تہاڈے نال او پیا النداں
جیڑھا کڈا ہیں نمہی الا جاجو پچھلے چار سال اچ میں پیو دی بھیم وی
پوری کیتی اے تے آنا نکا جوڑ کے ماء دا کُرتا جوڑا وی مل گھدیم تے
امڑی شودی دی سیک لہائی ام۔"

او کیڑھی؟

سارے جینویں پُچھدے پتے ہوون

"ڈسینداں!" پھلا ہتھوڑے دی سگریٹ بکھا کے کہنگیا۔ لال جوڑے
دے پیسے کٹھے تھئے تاں میں اپنے پیو دا انگوٹھا زوری نال طلاق فارم
تے لواکے ماء کوں نال لاکے لیتے لگا گیم۔ تساں نہوے چاندے جو
امان شودی اچاں ہارہاں تیرہاں سال دی کچی چھوہر بنی جو کتیاں
چیر سٹی۔ "اچاں اونکوں پھل وی ننہن آتے۔ کپڑے امڑی شودی شادی
توں باد میڈے پیو دے گھر دھوتے ہن۔"

"پیلھے پہل تاں ہتھ اچ بھاری تے بھیم نال یاری"

کم رڑھدا رہیا ول ادھڑنگ توں باد کوں لہیندا سیک امان دی؟" تے
امڑی پنجویں سال پیو جیڈے پتے نال گزار ڈتے تے اندری اندر مسات
مسات کریندی رہی۔

تساں بے شک میکوں بے غیرت آکھسو پر اپنی ماء دا ڈکھ میں کنوں
نہی ڈٹھا ویندا۔ امان کوں لال جوڑا ہواکے، اوندے مسات نال پرنا
کے لیتے اچوں ہتیں سیدھا اتھائیں وساخ تے پیا آنداں۔ "تساں وی آکھسو
منیر بھائی واہ جو پھلے کہاٹی گھتی اے۔ میں تاں ایہو چاندان کہاٹی

تاد جیندی جا گدی بوندی اے۔ "تے اے آکھ کے چلا گیا۔" شکر اے
 چھاری شاہ دی تمیز میں نہیں رکھی۔"
 سارے جینویں تھابریاں بویاں اکھیں نال سکتے وچ بیٹھے بن تھئے۔ اتنی
 شیر اچ شیش نازگ کراڑاں دے کھولیاں اچوں ولا ظاہر تھیا تے لڑھدا
 بویا تیل دے کھوڑ اچ غائب تھی گیا۔

پوکھوں

حسیب مہاتا دراپن کلان

جھوک مہائیاں دے واسیاں اچوں ڈو بھرا خدو آتے فریدو وی بن۔
 ڈونہاں بھراتوں دا بکو چلھا با۔ خدو ننڈھا با ترائے دھیریں بائیں آتے پتر
 لہندیاں سکدیاں دا بکو بس جیندا نال عیدو بی۔ عیدو توں وڈے ترائے
 بھرا بدھتیں اچ ویندے رہے۔

فریدو دیاں چھی دھیریں بن - چھینویں جوہنی بی جیندے جمن سستی
 سواٹی اوندی مر سٹی۔ توٹی جو عیدو جوہنی توں بہوں چھوٹا با ول ای
 خاندانی میل سترن سانگے ڈوہاں دا نواٹا چماندرو با۔ اینویں جو جڈاں
 عیدو چما تان جوہنی چھتے رکھتی ودی بی۔

ہک ڈنہم فریدو اپٹے بھرا کون آکھیا: "ویرن میں بڈھڑا ہاں قبر اچ پیر
 لڑکی پٹھال، تقدیر دا کوئی پتہ نہیں، عیدو آتے جوہنی دا نکاح کروں
 چا کیوں جو میں اے خوشی اکھیں نال ڈیکھاں چا۔ عیدو پٹکا بدھڑ
 دا تھسی تان کم تسان اوں ویلے اٹھائے تان جو کھوہ دی مٹی کھوہ
 کون لگ ویسی آتے گھر دے پردے گھر اچ رہ ویسن۔

نکاح توں پہلے عیدو دی ماء جنتان اونکوں چٹے چٹلے پتھر تے ہلہا
 کے دھوائیس، پھٹے ہتھال آتے کھریاں تے ٹھیکری ماڑیس، اونکوں نواں
 چٹا جوڑا ہوائیس، آتے چٹکے اچ ہلہا کے سر اچوں رنڈ تے لیکھاں چٹ
 کے بکھر آکے تیل دی تلی گھٹس، اوندیاں بھوریاں اکھیں اچ سرمے

دیاں لمبیاں لمبیاں دھاراں چھک کے اوندی گلہ تے ہک نکا وی لائیں۔

نکاح توں جھٹ پہلے جنتاں اونکوں بربرے تے کلی آلیاں رتیاں پیلیاں چوٹیاں دا بار بوائیں، چوٹیاں تاں عیدو چوہے آنگوں ٹُک ٹُک کے کہاندا ریہا آتے دھاگے اچ بربرے دیاں مونجھیاں پروتھیاں ٹیٹیاں لڑکدیاں ریہاں۔

نکاح دا کانڈھا صرف ڈاہ بندیاں کون ڈتوںے، نماشاں سیتی کانڈھی بکے کوٹھے اچ آں ڈھکے، مولوی صاحب نکاح پڑھا تے خدو عیدو دی جہا تے آمینا (آمین) کر چھوڑا۔ نکاح دے بعد تپاسے ورتوںے، عیدو خوش با جو اچ اونکوں زندگی اچ پہلی واری نکاح دے تپاسے تھیاں مکھیں جلمے بغیر ملے ہن۔ تپاسے رڑکیندا ماء کولھوں آیا! اماں اماں! مامے میوں ڈھگ سارے تپاسے ڈتین"

ڈھوں نال بھرے مندرے کوٹھے اچ نوں ڈاہ بڈھیاں بے رنگے کپڑے آتے میلیاں چُنیاں ولپیٹ کے چلہ دے انوں انوں اینویں بیٹھیاں ہن جینویں تھل دے کہیں ٹپے تے ڈاچیاں گوڈی سٹ کے اللہ دو مونہہ کیتی ڈھب سیکندیاں بیٹھیاں ہونون۔ سمجھ نہیں آندی جو اے بڈھیاں مکاں تے آئن یا عیدو کون بختاور کرن آئن۔ جوہنی رتے بارے بوچھڑ اچ منہ لکائی بیٹھی ہئی۔ اوندے کپڑے تاں پُرائے ہن بھلا ہتھاں اچ نویاں ونگاں چھٹکدیاں پیاں ہن۔ او کٹک رنگی ہئی آتے وجود اچ پھردی ہئی۔ "عیدو نکاح دے تپاسے تاں کھوا؟" عیدو ہک تپاسا ماسی کون چا ڈتا۔ "ہائے ایڈا وڈا جٹا آتے ہکو تپاسا؟" اوندی ماسی آکھا۔

"عیدو آ! مامی تے تپاسا نہوی لوریندا؟" اون ہک تپاسا مامی کون وی ڈتا۔ ہک ماء کون ڈتس، اینویں ساریاں تریمتیں تے ہک ہک ورتیندا جوہنی تیں آپہنچا۔

"ہاں دیدے تپاسا پوی" عیدو جوہنی کون آکھا۔ جوہنی ہنجواں نال جھپیاں تکھیاں اکھیں اچیاں کیتیاں تے عیدو دو ڈٹھے بغیر ٹھڈی آتے موٹی مٹھ کھول ڈتس، عیدو اوندی تلی تے تپاسا اینویں سٹس جینویں کوئی فقیر دے ٹھوٹھے اچ کسیرا بھکیندے، جوہنی پتلیاں آتے لمبیاں انگلیں اچ تپاسے کون اینویں لکائیں جینویں سیپ اچ موتی کون لکیندے۔

بڈھڑی جنتاں تاں جینویں ولا جوان تھی گئی ہووے اچ تاں او بھج بھج کے کم ودی کریندی ہئی۔ نکاح دے بعد اوں سارے کانڈھیاں کون روٹی ڈتی، عیدو پیلھے تاں اپنے سنہوڑے کنگرے کون ٹکر کھوائیں تے وت آپ کھاوٹ لگ پیا۔ جن دی بیڑی آسمانی پٹاں دو ٹھیلی ویندی ہئی۔

نکڑے نکڑے تارے آسمانی بوچھڑ تون ڈردے ڈردے اینویں جھاتیاں ہانی کھڑے ہن جینویں ہک ہنے کون آہدے کھڑے ہونون جو اچ جن کول کھیڈن دی موکل کوٹ منگسی؟ گلی اچوں ہالاں دی الا آئی "جنے دی ہے چاندٹی تے تارے گول گول بکے چھوہر نکھتھے کھڑے تے عیدو ما دے کولہ"

عیدو روٹی تے اجاں بکا یا یا بالان دا الا سق کئے اوندے پندے اچ
کریجے دے کڈے بُڈن لگ بنے اتے اوندی ختی تے بیلیجاں گدور کرڙ
لگ یال اتے تیں اوندے کسب بالان دی ولا کڑ بنی۔

کاڑ دی لکر کاڑ دا کانا

نکل آگلا مُرَن دا بہانا

کاڑ دی لکر کاڑ دا کانا

نکل آگلا مُرَن دا بہانا

چنے دی ہے چاندٹی تے تارے گول گول

یکے چہویر نکھتے کھڑے جھنگاما دے کول

"چنے دی ہے چاندٹی تے تارے گول گول

یکے چہویر نکھتے کھڑے تے عیدو ما دے کولہ "

ہک جتا ریڈیو جلا کے چوک تے ویندا یا ہا ۔ اوں چہویراں کون

آکھا "اوتے چہویرا! اچ کل این نہ آکھا کرو بلکہ این آکھا کرو:

"چنے دی ہے چاندٹی تے تارے گول گول

یکے چہویر نکھتے کھڑے تے عیدو ذال دے کولہ "

تہا کون نہیں پتا جو اوندنا نکاح تھی گئے۔ ہُن او ماء دی کچھڑ اچ نہ

ہاسی بلکہ ذال دے گوڈے نال ہاسی۔

چھیکڑی گھراں کہاندا ہویا عید گلی اچ نکل آیا ۔ چہویر عیدو دے

چدھاروں گھومرا گھت کے نچن ٹپن لگ پئے:

"ہک چہویر دی گالہ اے

روٹیاں مرجان نال اے

بیجا رومال اے

"عیدو مُارک ہوی " اکبرے آکھا۔

"کسی دی؟" عیدو پچھیا

تیڈا جونی نال نکاح جو تھئے ہُن او تیڈی ذال ہے "

جونی "؟؟؟" او ناں میڈی دیدے ہے "عیدو آکھا۔ "ساکوں نکاح دے

پاسے ناں کھرا" گڈے آکھا۔ "او ناں میں کھا گیاں!" عیدو جواب ڈتا۔

"اچ چڑی لال کیوتر بہانا کھیڈدے ہیں " گڈے صلاح ڈتی۔ "چڑی لال

کیوتر کیتے چادراں کونے نیں "

"اچ درم درم تے چہم چہم تے وا گھلے کھیڈدے ہیں " اکبرے آکھا۔

"نہیں اوتے نہیں اچ ایچٹا پر میچٹا کھیڈدے ہیں۔ میں تے گلا مُسیر ہیں

نساں رُکججو، ویلہو تکھے تھیوو " ہال رُکجج لگ پئے۔

"میڈا تابی کون ہوسی؟" عیدو گڈے کولہ پچھیا۔

"عیدو اتوں کھیڈسین؟" گڈے پچھیا۔ "ہا" عیدو جواب ڈتا۔

"تون ساڈے نال کھیڈ کے چہ کریسین؟ تیڈا نکاح تھی گئے تون ناں

چونک تے گیا کر " گڈے اونکوں مت ڈتی۔ ہال رُکجج کے ڈو ٹولیاں وچ

ورنچ گئے اتے ایچٹا پر میچٹا کھیڈن لگ پئے۔ ڈونہاں مُسیراں ہُشک

شی گُلا تے اوندنا سنگتی ہُشک گٹ کے گول دائرے اچ کھڑے ہوئے

ہاؤنٹ اے چہویراں دی کڈ تے چڑھ گئے۔ گلے مُسیر ہک چہویر دی

جیل تے چڑھ کے اوندیاں اکھیں تے ہتھ چا ڈٹس تے ول پُچھیس "ایچٹا

پر میچٹا موسی ٹٹو کنتے یارو " ترمے ہک چہویر جواب ڈتا۔

"جڑ دی لگی بیتی بہادر گھوڑے جڑھے رہو"
اسمان اچ جن تارے لک جھپ کھپدے رہے تے عیدو کھڑا کھڑا
تھک گیا اورک گھر ول آیا۔

امان اماں! گڈے بوراں میکوں نئیں کھپدیندے، او آہدن جو ہن توں وڈا
تھی گئیں چونک تے بہہ...."

"مرن تان دے تھان نال! نئیں کھپدیندے تان نہ کھپدانوں تیں ہرون بھرون
کھپدے؟ آ میڈے نال پتھاری تے بہہ میں تیکوں گنجرو آلا قصہ
سٹانوں!"

"نہ امان نہ اے تان تیں کوئی بزار واری سٹانے"

"اچھا ول میں تیکوں نمائی ڈھمکتی ڈنڈٹان نہ ڈوں! آلا قصہ سٹاواں"
"بیاء لا این کولہ تان میکوں اڑیک آندن" اے تان تیں کوئی کروڑ
واری سٹانے"

"اچھا ہس میں تیکوں ستمی سٹیندی ہاں"

کوٹھے اچ بر پاسوں دھوں اینویں کھپددا وڈا ہی جینویں کالی کپاہ
ٹیندی پٹی ہوئے۔ این دھوں اچ مٹی دا ڈیوا کیرڑی دے پُچھہ آنگوں
آپتی وٹ کھادی ویندا ہا۔ نال منجھیں تے کینھاؤں (کھیں پاسوں) چوہے
شکے ٹکراں تے ڈند کلکیندے ودے ہن۔ عیدو دے کھٹڑے دے پارے
نال بہیڈا لیلآ آپتے اُتے گچی رکھ کے بیٹھوں وچھی پاہ دا سیک بیٹھا
گھندا ہا۔ عیدو بریرے آلا ہار لہا کے لیلے دے گل اچ ہویا تان او بولے
بولے تڑن پتے گیا۔ اوندآ سمبھوڑا کنگرا بھنی ہوئی اکھلی اچ ٹھڈ توں
مروندا تھیا پیا ہا۔ اوں عیدو کوں آپ دو آندا ڈٹھا تان اُٹھی کے

انگریزی بھنی تے وت اوندے پیراں اچ لاڈ کرن پتے گیا۔ عیدو وڈے
نخرے نال ہک تپاسا اونکوں وی ٹکار ڈٹس تے نال اے وی اکھس "جل
بھونتی دا توں کے یاد کریسیں!" عیدو چلھ تے جڑ آیا اُتے بولے بولے ماء
دے نال پتھاری تے سوڑ اچ وڑ گیا۔ نال پتے پاسوں جوہنی وی ستمی پتی
ہی۔ اوندی ماء اچان ڈوجھی ستمی نہ مکائی پتی جو او گھراڑے بھرن
پتے گیا۔ جنتاں اُٹھی کے جوہنی دے نال آن بیٹھی تے پُچھس:

"جوہنی پچڑی توں وی نندر ہیں؟"

"نئیں چاچی سجاگ ہاں"

"تیں رچ کے ٹکر نہی کھادا ہن گھن آوائیں؟"

"نئیں چاچی میں رچی پُچی ہاں"

جنتاں جوہنی دا سر آپتی جھولی اچ پاکے اوندے متھے تے آپتے ودھراں
گئے ہتھ پھیرن پتے گئی تے اکھس:

"جوہنی! میڈی سوپتی ہک گالہ تان ڈسا؟"

"پُچھہ چاچی!"

"پچڑا توں خوش ہیں تان؟"

"ہا چاچی!"

"پچڑا میں ہڈھڑی تھی گئی ہاں، میڈے یکے گائے (گائیں) تپدے
ہن، توپتیں، ہسی، ترورے، کھنٹھا، کنڈا سارے تپدن۔ میں مران تان
سارے بھنوا کے کوئی سونے دا گائٹاں چا بٹواویں"

"نہ چاچی اینویں نہ آکھ، اللہ تیکوں کجھ نہ کرے توں تان میڈی امڑی
ہیں تان میکوں ماء وانگوں سامبھا پالے"

"میڈی چاندتی میں بُن تھک گئی ہاں ، میں تُردی ہاں تاں ہڈیاں
کڑکدن۔ میڈی بُن جیست نکل گئی ہے۔ اے گھر بُن توں سنبھال اج
دے باد گھر دی سین توں ہیں۔ اللہ تیکوں خوش رکھے زندگی دا کوئی
پتہ نئیں ، خیر نئیں میڈے درنگے اج پھانا ساہ کڈاں نکلدے۔ جوہنی
میڈی ہکا دروی بیوی میڈے عیدو دی پارت ہووی ۔ " جنتاں جوہنی
کوں گل لا کے رونون پئے گئی۔

"جوہنی عیدو میکوں بہوں پیارا ہے ، توں بُن سیاتی سوڈھی ہیں او ہالے
ہال ہے ، ٹکر وی رو کے منگدے ، اوندے کولہ تاں اجاں کاں وی
ٹکر کھس گھندن، اونا خیال کریں۔ میڈا نور اکھیں زندگی اُمید تے
کھڑی ہے ، لوک مینہ دی اُمید اج چھتوں اج پرنالے کھہا
کھویندن۔ زمین تے چڑیاں آتے کویلیاں دے آگوں دائے جمٹ دی اُمید اج
بھکا آندن۔ توں ڈیکھیں عیدو ایڈا سوٹا جوان بٹسی جو ساری گلی وی
سوٹی لگسی، اینکوں اُلخی مُلخی تُرُتُر ڈیکھن آسی۔ جوہنی تیڈا پوکھوں
بہوں چنگا ہے توں ایڈی بختاں آلی ہیں جڈاں توں جمی ہاویں گھر
ساڈے کہیں شتے دی تھوڑ کوئے نہ ہی اُن دھن آتے ماکھی مکھن ہے
اُمیک ہن، دھنولے این ہاسے جو ڈو ڈو مٹ کھرکیندے ہن، تیڈا
پوکھوں بہوں چنگے ، جوہنی بہوں چنگے۔۔۔۔۔ میڈی گالہ ولا سُن
گھن، اللہ ستیں تیکوں وڈا بخت لیسے۔ میڈی جند جیکر توں تے عیدو
کھیر کھنڈ ہوسو تاں میڈی قبر وی ٹھرسی۔ اللہ نہ کرے شیطان دے کن
ڈورے ہونون شالا جے تسان آیت اج ونجیسوتاں میڈی قبر اج وی
وٹھونہیں ہُلکسین۔ میڈی دھی عیدو میکوں وڈیاں متاں مُراداں نال

ڈھئے۔ توں وی ہر خمیس تے پنچن شاہ لچپال دا ڈیوا ضرور ونج ہالیں۔
پنچن شاہ وڈا لچپال بیوی تیڈی کنڈ نہ لگن ڈیسی۔ ہر اٹھویں دے
اٹھویں ہالاں کون مکھی ہوئی روٹی وی ضرور ڈویں۔ اللہ تیکوں لوڑ دی
تھوڑ نہ ڈیسی۔ عیدو کون جے پیار ڈتو تاں او وی تیڈے پیراں اج
ہوسی۔ عیدو میڈے خون تے پلے ، اوں میڈے ڈڈھ اج لڑیاں مارن، میں
اوندیاں ساریاں عادتاں چاندی ہاں۔ جے کڈاں عیدو جھپڑ کے لگا ای
ونجی تاں مونجھی نہ ہی تھیویں او چدھاروں تُرُ بھر کے تے سسی تیڈی
جھل اج آن کڈھسی، میڈی اے گالہ پلون اج بدھ جا۔"

جوہنی صبر دا بوجھن وڑھ کے عیدو دے جوان تھیون دی آس اج
ایتویں ہہ گئی جینویں کوئی پنڈ دا گنا زمین اج پور کے خجی دے
جوان تھیون دی آس لاہاندے۔

جوہنی آپنی جوانی دے چھی سال آساں باب کر کے نبھا چھوڑے۔
اوڑک او ڈینہ آگیا جو ڈوہاں دیاں آساں ور آتیاں۔ جنج تھی گئی۔ عیدو
سہرے پاتے ، چھوٹی بھنی ، کھارے چڑھیا ، پھنڈر لیک تھی وڈے
وڈے مانے پکے ، خلقت جنج سنھائی ، چونک تے ہک ہڈھڑا پٹکے اج
پیر دیاں ساویاں ساویاں لڑیاں ٹمب کے نچدا رہیا، چھور چھکر اوندے
چولے دے پچھوں تھگڑیاں تے لفافیاں دے پُچھ بدھے آتے سیر تے
آبھوں مروڑ کے اُنہاں دیاں بھلراں دی ویل بھکیندے رہے۔ بھلر توئے جو
اوندی ڈاڑھی اج پھسدے رہے ول ای او ڈھول دی کھپ اج پٹ تھی
کے ہرن وانگوں تپدا رہیا۔

جینج کون اچاں سال مسابیں تھیا جو عیدو بک ہئی گوانڈھن نوری نال اکھیں لڑا کھڑا۔ عیدو دے ہتھیں پرنیوے آکے چھلے مُندریاں دے رنگ وٹیچن پئے گئے آتے بولے بولے بک ڈینہہ ہتھوں وی غائب تھی گئے۔ جوہنی پچھا جو عیدو چھلے مُندریاں کینتے گین؟ اے او تال نئیں جیرھے پرنیوے تے پاتے بانئ، اے تال کوئی ہئے بن تال تیدو پہلے وپھلا تے پچھے ڈس جو او میں بک سنگتی نال وٹوانے می، جوہنی کون توٹی جو شک پیا ول ای چپ کر گئی۔ بک ڈینہہ او نوری آتے میدی نال تلتی تے پائی بھرٹ گئی۔ نوری آتے میدی بک ہئے نال چوچلے کھپڈدے بک ڈوجھے تے پائی سٹونے تال جوہنی دی دید ہئے گئی۔ دید پوٹ سیتی اوندے تال ترھاں کپڑیاں کون بھا لگ گئی تے جھٹ پُچھس وٹے اے چھلے کتھوں گھدے نیں؟ اوں ولدا ڈتا" جو کیرھے ایہے جیرھے تون انگلیں اچ ٹھکنی کھڑیں! پیا کیرھے؟"

اے تال میڈے آپئے بن بابا دیرے اچوں گھن آیا ہا۔

"مکالے تیبڈا، تیبڈے نال تیبڈے، تیبڈے پو دے نال بن"

لہا انہاں کون اٹییاں پلنت انگلیں اچوں، اُدھلی کہیں جھا دی، بدماش رن، لہا ویلھو تیکوں نال"

اے گالھ کر کے جوہنی نوری دے ہتھال تے اینویں جھٹ مارا جینویں ہل چوچے تے مریندی ہے۔ اوندیاں کولیاں کولیاں انگلیں مزوڑ کے سارے چھلے مُندریاں کھس گھدیاں تے نال اے وی آکھس جو خبردار ولا جے تیں عیدو دو کائی اکھ نال ڈٹھا تال میں تیبڈیاں اکھیں کڈھ گھنساں، اے تیبڈی ڈائن آنکوں پلی چمڑی لہا گھنساں، عیدو میڈے

صرف میڈے، میں اوندے مُترالے کپڑے دھونن، اوندی تانگہ اچ ساری جوانی گزاری می، اوندی خاطر عمراں گال کے سر چٹا کیتم، عیدو کوئی نگو سانویں، اے کوئی لُگا کھتھے، یار رکھن دا ہوں شوق بیوی تال کہیں ہئے کون چمڑ۔ پیا تیکوں کوئی نئیں لہدا، ہئی ساری جھوک فنا فلا تھی گئی ہے؟ نوری سہے گالھیں ڈوٹ کے سٹدی رہی۔ جوہنی چھلے مُندریاں بوچھن دے گنڈھ چا بدھے۔

دیگر دا ویلا ہا ہر پاسوں اجڑ گھراں دو ولے آندے بن جن کنہاں دھوڑ دا دھون اینویں ہا جینویں کھڑ وسدی کھڑی ہووے۔ خُرکدیاں لم ویندیاں بھینڈاں دھوڑ اچ رُمبیاں سر سٹ کے مٹی دے بوریاں آنکوں ٹردیاں آندیاں بن۔ نال ہئے پاسوں عیدو دیاں ہکریاں گھنگریاں کھٹکیندیاں گھر آوڑیاں، بھلا عیدو نال نہ آیا۔ جوہنی کاوڑ تون پڑندی کھڑی ہئی عیدو کیتے جُھنگھی چئی ہُکل اچ لُکی لُکی آپیں نکل گئی۔ جوہنی کون پک تھی گیا جو نوری گالھ عیدو دے کنس گھت چھوڑی ہے آتے عیدو وی جوہنی دی کاوڑ چھوٹے لا دا چانڈا ہا۔ عیدو پورے پنج ڈینہہ گھروں غائب رہا، جوہنی کون پلوں بدھے چھلے مُندریاں وٹھونہیں لگدے بن۔ او ڈینہہ اچ کئی کئی واری انہاں کون کھلندی بدھیندی ہئی۔

جوانی دی کاوڑ تھہر نہ سنگھی تے او نوری دی ماء تیں وی اڑ گئی تے آکھس این پلی ڈائن کون کیوں نوہے پرنندے؟
"کس کون؟"
"نوری کون"

"کیوں تیڈے ہاں تے بار ڈٹی ودی ہے"
"اچھا اے گالہ اے ، تڈاں پرنیسو جڈاں تہاڈے مونہ تے مکالا مل
کھڑسی؟"

"اے اے تاں مشوم ہے"
"مشوم ہے؟ میں جھیاں چار تریمتیں نال ہن وی تلسی۔۔۔"

"آخر میڈی دھی تیڈا کیرھا زیان کیتس؟"

"اینکوں سمجھالے وڈی مہاڈاں ہے اے عیدو کون بدراہ کیتی ویندی
ہے ، اے ڈیکھ چھلے ، عیدو دے پرنیوے آکے چھلے ہاتی ودی ہئی
میں چھکین ایندیاں انگلیں اچوں"

جوینی ڈنڈ گھتندی رڑ دی پٹندی پچھوں تے ولی۔

پنج راتیں باد عیدو ادھی رات ویلے بولے بولے ہلی آنگوں چھاندا
چھاندا آہٹے کھڑے تے آن سٹا۔ کہیں ویلے رات دے جوینی دی اکھ
کھلی تاں عیدو تے دید پئے گئی جھٹ اوندے کھڑے تے ائی وال
چھکونس آتے اوندے منہ تے زمبوٹے وی پاتے ول پچھے آپ رونوٹ
لگ گئی۔

"جوینی نہ رو میں ولا اینویں نہ کریساں ، میڈی مجال ہے ہن چپ کر
چا"

"توں ولا اوں کنجری کون نہ ملسیں؟"

"نہ ملساں"

"توں اوندی گلی اچوں سکھٹاں لنگھیں وی ناں!"

"نہ لنگھساں"

جوینی عیدو دے سینے تے سر رکھ کے ڈسکٹ پئے گئی۔۔
کجھ ڈینہہ دے بعد جوینی دے مسات دی جنج ہئی کڑی گھہرو ہکے
گھر دے ہن۔ جوینی گھر عیدو دے حوالے کر کے ماسی دے گھر
ٹکٹ لگی گئی۔

رات دا ویلا ہا جٹے چونک تے جھمر گھتی کھڑے ہن۔ نال ہئے پاسوں
گھر اچ تریمتیں دیاں تازیاں دا چٹکار گلی اچ سٹیندا پیاہا۔ جوینی دا
شک سینے اچ سلامت ہئی۔ اوں چار چدھار نوری کون ڈٹھا نوری
اونکوں نہ نظری، اوندے شک ہتھوں ودھیا تاں بھج کے نوری دے گھر
گئی۔ کئی بندا چھٹوں کوئے نہ ہا پچھے بھجی آہٹے گھر ، آوے
ڈیکھے تاں نوری آتے عیدو آرام نال چلے تے جڑ کے بے جنتا تھی
گالھیں بیٹھے کریندے ہن۔ نوری بھاء دی اشاع تے راندھا پیلی پیلی
ڈسیدی بیٹھی ہئی۔ اوندے ہتھان تے میندھی اتے تھوڈاں تے ہتھو ہتھ
مُساگ ہلکدا پیا ڈسدا ہا۔ گل اچ گانی آتے اکھیں اچ کجل دیاں لمبیاں
لمبیاں دھاراں وی ہائیں۔ عیدو اوندے ہتھ نپ کے اوندی تلی تے آہٹیاں
انگلیں اینویں بولے بولے تلیکیندا پشھا ہا جینویں اکھیندا او جوگی بووے
آتے نوری تلی ہئی ڈکھیندی بووے۔ نوری ہئی آہدی ہس "وے میڈی
تلی اینویں تڑ تڑ کیوں پیا ڈیدھیں؟"

اکھس "اڑی آپٹی قسمت دیاں لکیراں پیاں ڈیدھاں؟"

نوری اکھا "جے آپٹی قسمت ڈیکھٹی وی تاں آپٹی تلی ڈیکھ میڈی تلی
کیوں ڈیدھیں؟"

"نوری! میڈی قسمت تیڈی تلی اچ لکھی ہئی ہے"

"اچھا میڈا ہتھ چھوڑ"

"ناں چھوڑیندا"

"تیکوں نہیں ہتھ بولسی چڑھی کھڑی ہے بہاء تے نہیں تاں اے سڑ ویسی"

"سڑن ڈے روز ڈو ترائے بھیڑاں سوا تھیندن وت پک پوسی"

نوری ہتھ چھوڑا کے دیگری اچ ڈوئی دی ڈنی مریدی ری ، ساوی چنی

دی کئی تے ٹکے بوئے سلمے ستارے بہاء دے سوجھلے تے ٹنڈائے

موتیاں وانگوں ہلدے رہے ، بولسی اچ بلبلے بتدے آتے بھسدے رہ ،

عیدو نوری دی پازپ دیاں گھنگریاں نال کھیڈا رہا۔

"عیدو بولسی پک گئی ہے میں ویندی ہاں"

"توں ویندیں تاں بولسی کوں کھاسی؟"

"توں چا کھاویں"

"تیڈے بغیر میں چکھساں وی نہیں"

"میں نال کھاندی میڈا چرک تھیندے میں ویندی ہاں"

"واہ کملی اچاں تاں کفتان دی بانگ ہن ملی ہے"

"نئیں نہیں میں ویندی ہاں متاں جوینی آونجے"

"اوندا فکر نہ کر او اچ ماسی دے گھر ٹکسی ، تھوڑی جھیں بولسی

چکھ چا میڈی مٹھٹیں وت لگی ونجیں"

اے سبھے گالھیں باہروں پیر تھرا کے جوینی سٹدی ری ہن سریر پیا نہ

تھیں آتے کُنڈا کھڑ کائیں جیرھا پیلھے دا ڈتا کھڑا ہا ، کُنڈا کھڑکا تاں

عیدو کون پتہ لگ گیا ، او نالوں تاکی کھول کے بئے پاسوں پھٹدا تھیا۔

جوینی پیا دھکا ڈتا تاں کُنڈا کھل گیا۔ نوری جوینی دو ڈیکھ نہ سنگھی

، ہتھ تے مونہ چا سٹس ۔ جوینی آکھا "اچھا! کنجری ، کئی ،
بھونڈن ، رنڈی توں اتھاں میڈا چلھا پلٹ کرٹ وی آگئیں ، میں تہدے
نال ہن ہنڈدی ہاں اونکوں نپ کے تے گوڈیاں ہتھ چا ڈٹس آتے اللہ دی
بلاں آنگوں ڈو ہتھڑ پئے گئی ۔ سردا وال وال کر سٹس۔ تھیاں مکھیں
دی اوں ویلے ہس کیتس جیرھے ویلے آتے ہتھ ڈکھن لگونس۔ گانی تروڑ
کے مٹکا مٹکا کر کے بھکا ڈٹس۔ اوندی چنی لہا کے بہاء اچ ساڑس
جیرھی مونہ باہری آیس پٹدی ری ، دلے دی بچی اچ میں تیکوں پڑ تے
مکھساں تیڈے نال او کواہ کریساں جو تیڈی رت کتے چٹیں ، اوں
سوا دیاں لپاں بھر بھر کے اوندے سر اچ سٹونس ۔ نوری ڈر توں مروٹدا
تھی کے دڑ وٹی ری۔ آکھس "حرامل کئی اچ میں تیڈی گچی اچ تتی
چلھ سٹیندی ہاں وت تیڈے سر توں عیدو دے عشق دا جن لہسی۔
چوانتی تے چلھ چاون لگی تاں اہالہ توں تلک پئی آتے آتے پیر تے ڈھہ
پس ، بے دھیانی اچ جندڑی دے تاء کولہ ہتھ نال بٹائیں تاں چلھ
انگلیں نال چمبڑ گئی ، جان ولگ تھنی تاں نوری سروں ننگی بیروں
راہتی بھونڈ تیرڑائی گلی دو زور ڈتا۔ کجھ ڈینہ عیدو ڈال دے ڈر کولہ
گھر سمن نہ آیا۔ ہک ڈیہاڑ لوک فجر کوں اٹھے۔ تاں پوری جھوک تے
ہا ہا پئی کھڑی ہئی جو نوری عیدو نال اُدھل گئی ہے۔ خدو آتے فریدو
دے سر تے ہن گئی ، او جھوک دے چنگے چوکھیاں کوں نال رلا
کے نوری دے پیو خترے دے ہوئے تے گئے ونج کے ہک ڈاند کٹھونے
، ہڈھڑے خدو خترے دے پیراں اچ ڈھہ کے نک نال لیکے کھٹے ،
مانی منگس، تے آکھس خترا بھرا میڈی مجال ہے عیدو تہاڈے نال

بہوں بُرا کر گئے۔ بُنّ او میڈا پتر نئیں ریہا، تُساں عزت دار لوک بیوے جیرھا ڈن رکھیسو میں چیساں۔

نوری دا بھرا وسایا جوینی کون تلئی توں گھڑیاں نال چا گھن آیا آتے اوندنا ڈوجھا بھرا امیرا عیدو دے پہاروں ولا گھن آیا۔ اے ڈیکھ کے خترے پتر کون آکھا" اوئے اے چھوہر اسان چہ کریسوں اے کیوں گھن آئیں؟"

وسائے آکھا"ایندے نال اسان نکاح کریسوں"

"اے تاں پرتی پتری ہے ایندے نال نکاح کینویں کریسیں؟"

"اچھا نکاح نئیں کر سنگدے تاں پہاڑ اچ ویچ آسوں"

"نہ پتر نہ این تاں اسان آپ بدھیسوں"

"وت چہ کروں"

"ساڈا مجرم تاں عیدا ہے اونکوں نہواونکوں گولو، پچھے بھانویں گھوگھا ڈیوس تے بھانویں پہاہ ڈیوس، اے شودی ہے قصور ہے اینکوں چھوڑ ڈیو ایندا کیرھا قصور ہے"

ختر جوینی کون عزت نال سوہرے دے گھر پُچا آیا آتے آجڑ نہ ڈتونے۔ پہاروں سارے پی گئے۔ فریدو آتے خدو اے حال ڈٹھا تاں مڈی موڑھا بھ کے ڈوچار کوہ وانڈھی وستی کیکری دے وچ آپٹے پتریر سوٹھے ڈیٹھے دے ہمسائے ونج تھئے۔ سوٹھاں ڈیٹھاں انہاں کون روٹی کپڑا آتے لوڑ دی ہر شئے ڈیندا ریہا۔ اوندے ڈو بھرا وی ہن آتے آپٹا زمیندارہ اتنا بانے جو گھر دی روٹی نکئی بہوں سوکھی ہئی۔ فجر دا ویلا ہا، چڑیاں ہر روز وانگوں درختان تے جھپڑا لئی پیاں ہن، سوٹھے دی ڈال مٹوری

اچ مدھائی گھتی تاں اوندی دھی بھج کے آگئی "اماں اچ پوکھوں میں ڈیساں"

میندھرا اے گالھ سُنّ کے ڈیمبھوں وانگوں شٹ تھیا "نہ اماں نہ اچ میں پوکھوں ڈیسان وت توں ڈیکھیں اتلا مکھن نکلسی جو توں ترنگڑ بھریسیں" سوٹھے ڈیٹھے آکھا میندھرا جڈاں تئیں کھرکے تے پوکھوں ڈٹا تاں مکھن دی جھا تے ٹیشک نکلسن توں اوں ویلے پوکھوں ڈٹا کر جڈاں تیڈا چاچا دادو ٹکر کھاوٹ ہابوے۔ "دادو اے گالھ سٹی تاں جھٹ ولدا ڈٹا" چنگی مت لئی وی پتر کون، میڈے ٹکر تے پوکھوں ڈیوے؟ کیوں میڈے سنگھ اچ گھراں پھاسے"

"جوینی دھی اچ توں پوکھوں ڈے" جندو آکھا

"ماسی کہیں بختان آئی دا پوکھوں ڈوا میں ہے پڑی تے رنگوسانویں دا کیرھا پوکھوں ہوسی؟"

اینویں نہ آکھ میڈی دھی، سیاٹی ہنّ، اللہ سئیں نراض نہ تھیوے، اللہ خیر کریسی، جڈاں اللہ سئیں سدھ کریندے تاں کیکروں پیر تھی کھڑدن، اللہ تیکوں سیت دی سینّ کریسی، ویلھو اٹھی پوکھوں ڈے، تیڈا سوہرا تیڈے پوکھوں دی وڈی تعریف کریندے۔

ماسی میڈا پوکھوں نہ ڈوا میں بہوں چٹ پیری ہاں، میڈا متھاں تاں ڈمبھن دے لائق ہے، میں پوکھوں ڈٹا تاں مٹوری چرکی ویسی آئییاں زٹ کے پیراں اچ آپوستی آ،"

"میڈی دھی نا امید نہ تھی اللہ سئیں تیکوں وسدیاں نال وسیسی تیڈا سنجان ویڈھا ولا آباد کریسی، تیڈا عیدو تیڈو ول آسی"

جندو اوندے سر تے ہتھ پھیر کے آکھیا "اٹھی میڈی چنگی دھی اٹھی پوکھوں ڈے ضد نہ کر ، تڑ ڈیکھن ، ہالو تسان سارے ہم ونجو، ہاں قدم بھر ہاں شاباش ٹھیک ہے۔"

اوں ڈینہہ جندو ترے لپاں مکھن دیاں مٹوری اچوں کڈھیاں مکھن تھالی گھت کے گھردیاں ساریاں تریمتیں کون ڈکھائیں اے ڈیکھو کربہ اترے بکھ بلا دے زمانے اچ اتنا مکھن؟ اے جوینی دا سیت ہے ، اے جوینی دا سوہے ہے۔

این ڈینہہ دے باد گھر اچ جیرھا کم وی کرن ہا پوکھوں جوینی ڈیندی ہی۔

عیدو تے نوری سندھ دے ہک گوتھ اچ لکے ہوئے ہن - عیدو مزدوری پورھا کر کے جھٹ گزریندا ہا۔ اونکوں اٹھاں وی نوری دے بھراواں دا ڈن ہا جو کہیں ویلے سر تے آنہ پونوں۔ این کیتے او ہک تکھی جھیں چھاوی آپٹے نال ضرور رکھیندا ہی۔ نوری عیدو نال چار سال گزارے ، ہک رات او عیدو کون وی کلہا سٹا چھوڑ کے ہک وڈیاں وڈیاں مچھاں آکے جوان نال ولا اُدھل گئی۔ عیدو کون ہک جٹے تے شک ہی او کئی ڈینہاں تیں انہاں دی گول اچ ریہا بھلا گول نہ سنگھیا۔

آخر اللہ دا امر من کے اوں دیرے تے ول آیا اترے اپٹے مزدوری پورھیے وچ لگا ریہا۔

ہک رات نوری دے ڈو بھرا تے ہک پتیر کتھاؤں پُچھدے گُچھدے نشانیاں پتے گھندے آٹاں نکاتاں لیندے عیدو دے سراندوں آٹ تھئے۔ "ڈسا نوری کتھے؟" وسانے پُچھیا۔ "میکوں پتہ کوئے نئیں"

"کیوں پتہ کوئے نئیں، او تپڈے نال نئیں نکھتی؟"

"میڈے نال نکھتی ہی ، بھلا ہن میڈے توں وی نکل گئی ہے"

"نئیں توں کوڑ مریندیں تیں اونکوں ویچ کھادے"

"میں قرآن چینداں میں اونکوں نئیں ویچا"

"سدھی سدھی گالھ کر نوری کتھے؟"

"میں قسم چینداں میکوں پتہ کوئے نئیں، میڈے کولہ تان اونکوں بھجے ہوئے پورا ہک سال تھی گئے، او ہک ہتے جٹے نال نکل گئی ہے"

"تیکوں اسان چھڑیندے تان نئیں ، اسان نوری دا پتہ پچھ کے راسوں"

گوانڈھیاں دے آندیاں تیں انہاں عیدو دی ہک ہانہہ تے ترائے پسلیاں کٹ کٹ کے بہن سٹیاں، لوک وچالے آ گئے، گالھ گوتھ دے نمبر دار تیں اڑ گئی، نمبردار آکھا میں خود این گالھ دی گوانی ڈینداں جو ایندی سواٹھی سال پہلے نس گئی ہی۔ ول وی او این گالھ تے اڑے تے جو عیدو ساڈے حوالے کرو، نوری دے بھرا جڈاں منت سماجت تے وی راضی نہ تھئے تان نمبردار پولیس کون سڈوا کے انہاں کون نہوا گھڈس۔ نمبردار پولیس نال ہے۔ گالھ پتھی ہی، پولیس آکھا جو عیدو دی مار کٹ دے بدلے ڈاہ ڈاہ سال قید گھنسو یا ساڈے گوتھ اچوں نکلدے وے؟ نوری دے بھرانواں گوتھ چھوڑن آپی چنگائی سمجھی تے ویندے ہے۔

یکری اچ جوینی کون آتے ہوئے پورے پنج سال رہا گئے ہن سر اوندنا چٹا تھیون لگ گیا، اترے ڈکھاں توں آپ وی سڑ جوانتی تھی گئی۔ خدو

تان راندھا بڈھا کھیر تھی گیا، بِن تان دید وی نہ بس پوندی، تہوں تان موٹھے شیشیان آلی عینک رتے دھاگے نال سر تے بدھی رابندا با۔ مونہہ اچوں ڈندناں دا پیڑ سارے دا سارا کر بھر گیا، سارا ڈینہہ وات پٹ کے اینویں پیشا بوتنا با جینویں کہیں غیبی امداد دی تانگھ اچ بووے۔

سوٹھے ڈیتھے دا بک بہتريجا مُستا وی بی جیس پنجتالی سال دی عمر تئیں شادی نہ کیتی۔ مُستا خاص پیڑیاں دا پیڑ با، کڈاپیں بک ہفتہ وی گھر نہی نکدا، گھروں اکثر غائب رابندا با، غائب اینویں تھیندا با جو ڈو ڈو آتے ترائے ترائے سال گھر دو مُنہ نہی کریندا۔ جڈاں ولدا با تان نہ کوٹھے تے کان کرکدا با تے نہ کہیں دی تلی تے کھور پوندی بی مُستا زب آن تھیندا با۔ سارے گھر اچوں کڈاپیں کہیں وی ایندی تانگھ کڈانہ نہی رکھی۔

۲۵ سال پہلے مُستا بلان دا ترٹھا گھروں نکھتا با، کڈاپیں کہیں ہوٹل تے تھان منجھیندا ہاں تے کڈاپیں کہیں بس دی کلینڈری کریندا با۔ تے کڈاپیں ہتھیں چُگھڑی چاکے کہیں گھر دا چوکیدار بٹ کھڑا با۔ باہر دے ٹکراں این جس ڈٹس جو ولا وستی دا نہ رہا۔

سرگودھے توں بھجا تان ملتان سٹ ونج کڈھس۔ ملتان او بک چمڑے آلی منڈی اچ چمڑے دھوندا رہا۔ ملتان مُستا ڈاہ سال رہا، چار ہلاٹیاں رکھونس آتے یاری بک وی توڑ نہ چڑھی۔ عشق دیاں ساریاں بیڑیاں بوڑ کے انت کیکری آتے کلے تے آن پُجاتے ولا ہل دی ہتھی آن نپس۔ اٹھان آن کے گھر اچ جاں جوہنی تے دید پُیس تان دل بک دفعہ وت ہانمان تھی گیس۔ پچھے ناک گھر وی چنگاں لگدا ہس، سارا

ڈانداں دے پچھوں گھلیندا راندھا با، زمیناں توں پیشیں دیگر ویلے آن کے مونہہ ہتھ چنگی ریت صابن نال کُچیندا با، ستھرے کپڑے پاکے تیل سرمہ کریندیں ہوئیں کن اچ پُھلیل دا پٹاں ٹمیں کڈاپیں نہس وسریا۔ ہفتے ڈاہ ڈینہاں باد ڈاڑمی مُناوٹن آلا مُستا روزانہ نکو نانی دا سلام وی ونج کریندا با۔ روزانہ دی ایہا کار ہس جو ریڈیو چلا کے جوہنی دو دیداں لا ہابندا با۔

کہیں کون جوانی نہ ڈیوٹن آلا مُستاتوٹی جو ڈاڈھا مرچاں کُٹ با ول وی پٹ ڈوجھے تریجھے عزیزو آلی ہتی توں رتی مٹھانی گھن آندا با۔ گھر دیاں ساریاں تریمتیں آتے چھوریں اچ ورتیندا ہتی تے چھیکڑ تے بک چنگاں بک جوہنی کون بھر ڈیندا با۔ کیکری تے جڈاں وی شتیں ویچڑن آلا آندا با مُستا جوہنی کیتے سرمہ، سگی آتے مُساگ ہروں بھروں گھندا با۔ گھر دیاں ساریاں تریمتیں اوندے انھاں چالیاں تے شکی ہن جو کہیں کون کوسا نہ ڈیوٹن آلا جوہنی تے ایڈا مہربان کینویں تھی گئے۔

مُستا جوہنی کون سیوٹ پونوٹ کریندا ڈٹھا تان ہتی توں نیلیاں ساویاں گنجیاں، رتے پیلے مٹکے آتے ڈھیز سارے چلکدے ہلکدے ستارے ری گھن آیا۔ جڈاں اوندے سنگتی چونک تے کوئی حلوہ یا سوچی پکارن با تان او جوہنی کیتے لکا وی گھن آندا با۔ شرم کولہ آب تان جوہنی کون نہی ڈیندا، چاچی جندو کون ڈے کے اے آندا با جو جوہنی کون تھوڑا ڈے چا، شودے مسافر ہن ثواب تھسی۔

عید دی رات گھر دیاں ساریاں تریمتیں جوہنی کون زوریں نال ہتھاں تے بندی لائی آتے فجر ایلے صاف ستھرے سُچے کپڑے ہانوٹن تے وی

مجبور کیا۔ ول بٹھاں اچ ونگاں ، گل اچ کشٹھا وی بواونے ، ول تھوڈاں تے تھوگولی آتے اکھیں اچ سُرمہ پاکے جیرھے بٹی ٹھٹی تان مُستا ڈیکھ کے بالکل ہاوا تھی گیا۔ اونکوں جنج دا مُشک آنوٹ لگ پیا۔ کناں اچ دول وگڑ لگ پیونس آتے بر پاسوں رتے بوجھن اڈدے ڈسیندے بایں۔ او کہیں طریقے گھر الیاں توں اوڈھر تھی کے جوہنی نال ملیا تے اکھیں "جوہنی! عید مبارک بووی" جوہنی آکھا "تیکوں مبارک بووی"

"جوہنی اے گھن! اے ونگاں میں تیدے کیتے آندن، میں تیکوں دلوں ڈیندا پیاں ، جوہنی اے تیدہ پیار ہے جیں میکوں گھر اچ رسیاں مُتوں بدھا بوئے تان میں چار ڈینہہ اتھاں نم۔ راہندا، بُن تان تیں مُتوں میڈا جیوٹ کورے میڈے پاسے توں وی کوئی کرم دی دید بھنواویں ہا، میں صرف تیدی تانگہ اچ ہا"

ساریاں گالھیں مُستا بکے ساہ اچ کر گیا۔

جوہنی ولدا ڈتا "میڈی تانگہ اچ نہ رہ میڈی اے جند تان میڈے عیدو دی امانت ہے"

"اوہو عیدو جیرھا تیکوں چھوڑ کے ہنی نال لا گئے"

"بے شک او چھوڑ ونجے میں تان اونکوں نہیں چھوڑا"

"توں چہ سمجھندیں جو عیدو تیدو ول آسی؟ جوہنی توں کوڑا حیلہ چھوڑ ڈے، میں تیدہ ہاں توں تے میں شاہر لگھے ویسوں، ڈوبائیں خوش راہسوں میں تیکوں امن تے رکھیںساں توں ڈاڈھی سوکھی ہوسیں، اتھاں تان پچلدی پئیں"

"میکوں اے سڑن منظور ہے"

"توں چنگی ریت سوچ گھن"

"میں چنگی ریت سوچا ہوئے، عیدو دے بغیر میڈا کہیں نال میل نہیں تھی سگدا"

"توں بوڈ نہ کر"

"کہیں نال وفا کرٹ کیتے بوڈ کرٹ مجبوری ہن ویندے، مُستا توں میڈا حیلہ چھوڑ ڈے"

اے گالھیں سڑن کے مُستے دے نک اچ ولا ملتان آلی چمڑے منڈی دے چمڑیاں دا مُشک وڑ گیا۔ اوندے بھ رتے لوٹ دی رگڑ توں وت ولا سڑن لگ گئے، اونکوں اینویں محسوس تھیوٹ لگ گیا جینویں او کناں اچ رت نال جُھپے ہوئے ہڑے ڈتی کھڑا ہوئے، گچی اچ اندراں دا ہار ہووس آتے بیر رت نال لوڑے کھڑے ہوونس۔

"جوہنی توں اتھاں کھڑیں اسان تیدے انتظار اچ پیشیاں ہیں، آتیاں سیویاں دا پھکا مار گھن" اے گالھ کر کے جندو اونکوں نال لا گئی۔ تریعتیں آتے چھوڑیں سیویاں تے اینویں جُھم ہن جینویں ہاجھری تے چڑیاں جُھم ہونون۔

جوہنی دے سنگھ اچ مُستے دیاں گالھیں پھسیاں رہاں۔ اوں توں سیویاں نہ کھویج آیاں، اوں ہک پھکا مارا تان اینویں محسوس تھیوس جینویں دھاگے کھاندی پٹھی ہوئے۔ ساریاں تریعتیں ہک ہٹے کول ونگاں آتے میتدی دے رنگ ڈکھیندیاں رہاں بھل جوہنی وساموری اچ آتے پٹ کے ساریاں دو تڑ تڑ ڈیدھی رہی۔

اون ساری رات تھار سوچاں اچ گرا رتی جو اپنے سوہے کول مُستے
 دیاں ساریاں گھنیں ڈسا ڈوے نے نال اے وی اکھے جو بُن بکری
 تود وی دکوں کیوں جو ایں جُوہ وی ساکوں نہیں پہلنا۔ وت سوچیں
 جو یا ساقا کوئے ہے؟ جتھاں سیر ونج کجیسوں ، پیا ساکوں کیرھی جھا
 جیسی۔ رات تارا تارا ٹنگھندی رہی مُجھاں آکے تَدے اینویں چرکدے
 رہے جینویں چتری اچ دائے چرکدن۔ جوہنی آپیاں جھپیاں اکھیاں بوچھڑ
 دے پلو نال ولا ولا بُجھندی رہی آتے دل اچ آپ کول آکھس جو اے
 سارا قصور میڈے باز سنگھار دا ہے جے میں اینویں نہ کرنندی تاں اے
 مویا مُستے اینویں نہ آندا۔ ولا سوچس جو ول اے ریشمی کپڑے نہیں
 پانٹے نہ کھلے پیمان نہ ول ٹھگولی لیمان تے نا وت ونگان پیمان ۔
 جے عیدو جھوڑ کے نہ ویندا تاں اچ میکوں اے ڈینہ نہ ڈیکھئے
 یوندے۔ اینویں تاں تریجھے وی نہیں کرنندے جینویں عیدو کر
 گئے۔ یکے میکوں آبدن جو تیبّا پوکھوں چنگے، مٹی سواہ چنگے۔۔۔

سار گُوڑ مریندن، میں بہوں بے بختی ہاں پتہ نہیں اللہ سٹیں میکوں
 کیرھے گناہواں دی سزا ڈیندا پئے۔ پتہ نہیں میڈا ایڈا وڈا ڈوہ کیرھا
 بوسی، جیندی پکڑ اچوں اچاں تئیں ناں نکھتی۔
 ڈوجھے ڈینہ دھمی نال مُستے اپنی تین دی ٹرنگڑی سمبھالی ، چاچی
 جندو توں بہاڑا گھندا آتے نہاں کیتے بغیر گھروں نکل گیا۔
 گوٹھ آلا نمبردار عیدو دی پٹی پوٹرا کرنندا رہیا ، اینویں ڈوں تریں
 مہینیاں بعد کجھ کاں ٹرٹ جوگا تھی گیا۔ ول ای مزدوری پورھے
 جوگا نہ رہیا۔

نمبردار لونکوں آہتے حونے خانہ اچ نوکری ڈنٹس جتھاں او سارا ڈینہ
 تری بُہاری دے نال نال جُواریاں کول چاہ پلیندا ہا آتے سگرٹس بھر بھر
 کھے وی ڈیندا ہا۔ ایں خدمت دے عوض جیرھا گٹ گھندا ہا تاں کئی
 نہ کئی شے عیدو کول وی ڈے ڈیندا۔ عیدو ترائے سال ایں حونے خانہ
 اچ رہیا۔ یک ڈینہ اے بڑ وی پولیس دی سُجاگی اکھ اچ آ گیا آتے
 عیدو وی ساری برادری سمیت وٹھیا گیا۔ اوڑک یک سال جیل وات
 آوے دے ایں بھوگ نوں وی چھٹکارا ملیس تاں جوانی دے سٹھپ نے
 کالا پچھانواں پئے گیا بس ، تن دے محض ہڈیاں دا پنجرہ باقی بس ،
 ماس دی جھا تے چمڑا رہ گیا ہا۔ پسلیاں اچوں ہلان نکلدیاں ہانس،
 جوہن پرائے دران تے رولٹ دے باد ولدا گھر یاد آیس۔ دل اچ سوچس
 جو بلی سیائے سچ آکھ گین "بھنیاں ہانس گل دو بوندن" تھکے تڑھے
 آتے ڈکھے ماندے عیدو گھر دو مونہ کیتا۔

کئی ویلا رات دا ہا جوہنی دی اکھ کھلی تاں اینویں چاہس جینویں
 اوندے پواندوں کوئی روندنا پٹھا ہووے، سوچس جو کتھائیں میکوں
 اُتھارا تاں نہیں تھی گیا، ول دھیان کیٹس تاں سچی مُچی کوئی روندنا
 پٹھا ہا۔ جھٹ پُچھس کوں ہیں؟
 "میں ہاں" عیدو ڈردے ڈردے جواب ڈتا۔

"توں کوں؟"

"میں عیدو ہاں!"

"عیدو؟"

"با عیدو تیدّا ڈیوئے دار عیدو ، جوہنی اچ میں تیدّے کولہ مافی منگنّ نہ آیا ، اچ میں تیدّے کولہ آہنی سزا بُلوانوؤ آیا بیٹھا۔ جوہنی اچ توں میڈی سزا دا حکم سٹا، جوہنی اچ آہنے پیراں اچ میکوں سنگسار کر، تیدّے پیراں اچ زندگی دے باقی ساہ وارنّ آیا بیٹھا، جوہنی میں تیدّا مجرم ہاں ، جیرھا کہیں مافی دے لائق نہیں ہوندا، جوہنی میکوں سزا دے!"

جوہنی کوں آہنی چاچی دی گالہ یاد آنوؤ پنے گہی ، چاچی سچ آہدی ہئی جو میڈا پوکھوں بہوں چنگے ، او سچ آہدی ہئی جو میکوں ڈھیر خوشیاں ملسن، او سچ آہدی ہئی جو عیدو ہر پاسوں پھر کے سہی میڈی جھولی اچ کڈھسی، اچ میڈا عیدو ول آئے ۔ ہنّ میکوں کہیں شے دی لوڑ نہیں، اونکوں آہنے نکاح آلا ویلا یاد آنوؤ پنے گیا، پیراں اچ بیٹھا بویا عیدو اونکوں ولا ہال ڈسّ پنے گیا، اونکوں اینویں چاہنّ پنے گیا جینویں عیدو گل اچ بریرے دیاں گلیاں آئے چوہٹیاں آلا بار پاتی بیٹھا ہوئے ، آئے چوہٹیاں ٹک ٹک کے کھاندا بیٹھا ہوئے، ہاروں گلی اچوں ہالاں دے الا دا کڑ کنیں پُسن جینویں ہال گھومرا گھت کے آہدے کھڑے ہونوے

"جنے دی ہے چاندئی تے تارے گول گول ساری چھوہر گلی وچ عیدو ڈال دے کولہ"

پتن کتھا

رابندر ناتھ ٹیگور

[ہولی وٹار: مزار خان]

صدیاں پُرائے ہک پتن تے پئے ، بہوں سارے پتھراں چوں ہک مٹاں مونہ وڈا ہلاں پتھر آپ مہارا، ایویں قصہ کرے پیا جیویں آسان تُساں آلوہندے سے۔ اکہے: جنے گُزرے واقعات آپ مہارے پتھر تے اُکریج کھڑدے ناں پُرائے زمانے دیاں بے شمار کہانیاں لوک میڈی ہر پوڑی توں پڑھ گھندے۔ وٹائے ویلیاں دے کہانیاں جنے کوئی سٹن چاہندے تاں انہاں چوں کیں ہک پوڑی تے بہہ تھیوے۔ واندے دریا دی شپ زپ، شپ زپ..... شاں شاں کوں توجہ نال سٹے، کئی وسریاں بھلیاں کہانیاں سُنّج ہوسن۔

اچ دے ڈیہں روک کل دی گالہ اے۔ اسو لگنّ اچ تھولے ڈیہں رابندے ہن۔ موہر سیالے دی تھڈی مٹھی بیل سٹے پنے جیاں کوں ٹھڈھ دا سنہیا ڈے جگاوے پئی۔ مٹ دریا تے درختاں دے پترے ہالے دا سنہیا سٹن توں پیلھے کتبن کھڑے۔

گنگا ندی تارم تار ہووے۔ صرف چار پوڑیاں میڈیاں پائی دے اتوں ہن۔ ہائی پائی اچ بُڈیاں پیاں ہن۔ پاسیوں کنارے تے بھوئیں اُتے پائی ہک پنے کوں بہاکل پا ملن پئے۔ دریا دا پائی ساوے کچماں گھاء کوں دس کرے، مجھنگ آمیاں دے بیٹھیلیاں شاخاں نال ہتھ کھڑاند کرے ویندا۔ دریا دی اونہیں کچھ نال پک سلھے ترائے تنبوت پائی اتوں اچ روک

سر چائی ڏسن ڪهڙي۔ دريا دی آئی تے پیل دے لغراں نال بدھیاں
بتلیاں کون پائی دیاں لھراں بک جاہ تھارن نہ پیاں ڏيون، چائی پئی
ونجن۔ جیویں کورڙی مچی دی کھيڏ اچ انھاں بے جاناں دے کن مروڙی
ويندياں پون۔

تراڏدے دريا تے خزاں دی فجر دا سوجھلا سونے روک ڏسے پيا۔ اے
سارا وسیع منظر چمپاک دے سوڙھے پھل وانگ لڳے پيا۔ اتھ نسجه
بادشاہ دا اینجھا سوڙھا رنگ کیں پئے ویلا نہی ہوندا۔ پيا تان پيا دريا
دے اندرون ٻاروں سجه دا سوجھلا کانہں دے خوبصورت جنگل تے
وڙجے پيا۔ کانہں بالے پوری نہی نسری۔ ریشم ریشم بلوں تھولے تھولے
اکھیں لبھن ودے۔

(١) سبور
رام نام گھن کے بھانویں خاج خضر کون طور کے ملاح آڙھے پیڙیاں
تھیلن پئے۔ بالکل اونویں جیویں فجر دی پیلھی پیلھی لاڻ اچ پکھڙوں
خشی نال آڙھے کھنڊا کے نیل ونیل آسمان دو اڏ پوندن۔ اصلوں
اونویں پیڙیاں وی آڙھے نڪڙے نڪڙے بادبان کھنڊا کے سجه دے
شعاواں اچ ظاہر تھیون پیاں۔

بھتہ جاری ہابمڻ گڏوی لوٹا جا تے سویلے سویلے آڙھے خاص وقت تے
اشنان کرڻ آوے۔ جنگے سجاک سوجھلے اچ بک بک، ڏو ڏو تھی
تریمتیں وی دريا تون پائی بھرڻ آون۔

اے بہوں پراڻا واقعہ نئیں لڳدا، بھانویں جو جنگاں بھلا وقت گزر گئے۔
ویلا کل دی کار لڳدے۔ لوک میکوں بھل جو آکھن۔ آڙھی بیدار تے
حساس طبیعت ہروڻ دے باوجود صدیاں کنوں وڳدے گنگا دے

موجاں آتون ڏینہن بھرکدیاں سچی گالھ اے میکوں پتہ ای نئیں لڳا۔
وہاڻا وقت اصلوں چھوٹا چاڀدے۔ پتھر لیکھے رات ڏیس دا اندھارا
چاڻاڻا روز دا روز پائی اندر انت تھی ويندے۔ ڏوہاں دے پیرے پائی نال
پائی تھی ويندن۔ بھانویں جو میں گھس گھس کے ٻڏھا ڏسداں، دل
میڏا ہمیشہ دا جوان اے۔ میکوں لڳدے پراڻی یادداشتاں دی باری
ساری ساوی چھیل (کائی) سجه دے شعاواں کون میلا نئیں کر
سگی۔ اے ہی گالھ اے جو قسمت دے کیں وڻ پھیر نال کائی دا
کوئی تھما کیں تکھی سیڙھ نال پشیج کے میڏا آسرا آن گھنے با تے ہی
سیڙھ اوکون ولا لوڙھ ونجے ہا۔ میڏے آکھڻ دا مطلب اے نئیں جو
میڏے سراندوں کوئی ساہی کڏھڻ نہی چاہندا۔ گالھ اے بے بھانویں
جو میڏی جھاں نئیں، پناہ تان بے پئی۔

گنگا دے موجاں بھانویں اُتھ نہ آڙن، بیل بوڙے، گھاء کائی، تمام
میڏے ویلکھاں وچوں ٻُھٹ کھڙدن۔ او سبھ میڏے وٻاڻت ویلے دے پار
پیلی ان۔ ایہے جان جانی میڏے گزرے وقت کون نہ صرف سانہی
آدن بھلکھ اوکون ساوا تازہ وی رکھ کھڙدن۔ ہر روز گنگا میں کنوں
پوڙی آڳون تھی ويندے تان میں بک گام ٻڏھڙا تھی وينداں۔

چکر وتی جاتی دی او ٻڏھڙی، جیڙھی مونڏھے تے شال پاتی گھر دو
ويندی پئی اے، دريا اچ بڙیں دھاں دھو کے کنبدے کنبدے پتھاں نال
اڙے بار دے موتی گڻدی کھڙی هئی۔ اوندی ماء دی ماء تڙاں پالک
ہی۔ میکوں یاد اے: دريا تے تڙاں او بک انوکھڙی کھيڏ کھيڏے۔ آک
دا بک پتر او روزانہ آکے گنگا دی موج اچ پوڙی روک تھیلہ چھوڙے

با۔ میڈے سچے پاسیوں، پائی اچ بک گھمر گھیر بوندا بنی۔ اوں گھمر گھیر اچ پترا اُتھائیں غرن کھڑ تھیوے تے او آب زمین تے گھڑا رکھ کے اُوندا نظارہ کرے با۔ او چھویر جڈاں آب تھولی ہڈھڑی تھی گئی۔ کافی مُد باد اوکوں آپی دھی تے اوندے سہیلیاں کھھے پائی بھرڻ آندے مین دتھا۔ جوانی دی مستی اچ جھویریں جین ویلے بک بھے تے پائی جھپکاون، اوبا ہڈھڑی چھویریں کون چخے تون کرے۔ میکوں اُوندا آپٹا ویلا یاد آوے جڈاں او آب اک دے پترے آلی پیڑی تھیلھے۔ اوکوں یاد کرتے مین بُن توئی چس جینداں۔

جیڑھی کہائی تباکوں مین دسن چاہنداں، سچی گالھ اے او میڈے بتھیں تھیں پئی آندی۔ جیویں شرور کرینداں بک ہی کہائی پترے دی روک ندی اچ تر کھڑدی اے۔ ایویں سنے کہائیاں دی آند ویند شرور تھیندی اے تے بیچھے کیں بک کہائی کون وی سنبھالڻ جوگا نمسی بوندا۔ اک دے پترے دی پیڑی روک بک ڈو کہائیاں میڈے چگھ اچ آن پھسڈین۔ اچ وی بک کہائی میڈی پوڑی بیتھ غردی کھڑی اے، جیویں اگلے لمحے گھمر گھیر اونکوں نگل ویسی۔ اے کہائی بہوں مختصر اے۔ مسایں ڈو پھلاں جیڈا بار چاوڻ جوگی۔ ہڈڻ بار، ملوک دل دی او نمائی جھویر گھر ولڻ تون پتڻ اترے محض بک ساہ دی وتھ تے بنی۔ این منظر کون مین ٹھلڻ وی چابواں تان ٹھل تھیں سگدا۔

مندر دے پاسیوں جتھاں گوسائیاں دے گوشالے دی واڑ ڈسدی پئی اے، اُتھائیں بک پیل دا درخت بنی۔ تڈاں ہفتے اچ بک دفا اُتھ مال مویشی دی منڈی لگدی بنی۔ گوسائیاں تڈاں اُتھ روڻ شرور نہی کیتا۔

پیل دا اے درخت جیندیاں سیکڑے پاڑاں کیں بلاں دی روک میڈے پاسے پسلیاں چیری پاڑی پئین تے روح کڈھی ویندن، تڈاں اے گجھ ڈو گجھ دا نکڑا جھیاں ملوک بوٹا با۔ تازہ تازہ ساوے تے تھندے تھندے پترے ایندے ملوک وجود چوں اُنگردے ودے بن۔ سورج جو چمکے با، میڈے ہاں تے ایندے تھندے پتھیاں دا پچھانواں رچ رچ کھپدے کڈے با۔ جُون کوئی ایندا بک پترا ترنڈے با، درد میکوں تھیوے با۔ بہانویں جو میں ہڈھڑا ہم وت وی اُنھاں ڈبھیاں وجود میڈا نکڑا تے کانی سدھی بنی۔ مین ہالے کپڑا نمہ تھیا۔ میڈی چیل تڈاں ڈٹی نہی، جیویں بن اے۔ میڈیاں جھیریاں ایڈیاں ڈونگھیاں وی نہ تھیاں، جیندے اچ ہُن برااں ڈیڈر سیالے دی لمبی نندر سمہ گھندن۔ میڈے کھھے پاسیوں کجھ سلھاں تھولے بھر گئیں۔ جتھ وڈا پاڑ تھیا پئے اُتھ چھوٹے گھنٹ ماکھی چھت کھڑے۔ کرماں آلا اے گھنٹ، فجر نال اُتھی کے مچھی روک جاہ پجاہ آپی بچھ بھرکاوے۔ فضا اچ چڈھار بہن بہن دی مسلسل کٹو تون پتھ لگ ونجے ہا کُسم دا پتڻ تے آوڻ دا ویلا تھی گئے۔

جئیں جھویر دا ڈسیندا بیان، تریمتین اوکوں کُسم سڈیندیاں بن۔ میڈا خیال اے، ایہو اُوندا ناں بنی۔ یقین کرو پائی تے جیویں چھویر دا سایہ پورے با، ہمیش کیتے اوں پچھانویں کون قابو کرڻ کون دل اکھے با۔ کاش اوں ویلے اوکوں آپٹے جسم نال مین جک سگدا۔ کوئی منے بہانویں نہ، او بک نوبکلا جی بنی۔ میڈے پتھر بُت تے پیر رکھ کے جئیں ویلے ٹردی بنی، اُوندی چو گنڈھی پائل دے چھنکار نال میڈے

جی بُت دے سئیں۔۔۔ بیل بوئے چھیل سبھ نہال تھی تھی کئے نچرٹ
لگ پیوں ہا۔ کُسم وڈی کھڈکار یا گلہوڑ نہی۔ اوندیاں سہیلیاں ہنہاں
چھوہریں کن زیادہ بن۔ عجیب گالہ اے ہئی جو شوخ چھوہریں اوندی
سنگت مُتوں رہ نہن سگدیاں۔ کوئی اوکوں کُسی کر سڈن ہا، کئی
خُشی تے کئی راکھشی آکھنس ہا۔ ماء کُسمی سڈہندی ہس۔ اکثر او
پائی نال پتھی نظرے ہا۔ اوندے دل تے پائی دے درمیان ہک عجیب
جہیاں تعلق میکوں لگدا ہئی۔ بیان کرٹ دی گالہ نئیں۔ سمجھو ہس
چھوہر کوں پائی نال عشق ہئی۔

وچوں کافی عرصہ کُسم کوں میں اُتھ آئندے ویندے نہ ڈٹھا۔ بوبن تے
شورن پتن تے آہہ روون ہا۔ میں سٹا جو اُنہاں دی کُسی، خُشی،
راکھشی ساہورے گھر تڑ گئی اے۔ اے وی پتہ لگا اُتھ گنگا سنویں
کوئی ندی نئیں۔ او ہک نویں جاہ لڈیج گئی، جتھاں ہر بندہ اوندے
کتے ہک نواں تے اوہرا جی ہوئے۔ جیویں گھر نواں ہئی، آندھ گوانڈھ
دے لوک وی نویں ہوون۔ ایویں جاتو جیویں پائی توں تھڈ کئے کنول
کوں کئی بھوئیں اچ لا ڈتا ہوئے۔ کُسم نال وی ہس ایویں تھیا۔

وقت گزرت نال کُسم کوں میں وی ٹھل گیم۔ سال پورا گزر گیا۔ پیا تاں
پیا اوندے آئے سہیلیاں اوندہ ذکر سٹ گھتا۔ ہکڑی شام میڈے جسم
اُتے پرائے سنجاپو پیراں دے بار میکوں حیران کر ڈتا۔ ایویں لگا جیویں
اے کُسم دے پیر ہوون۔ ہئی وی ایویں۔ لیکن اوندی پائل دی چھٹکار
نہ ہوئے۔ چھٹ چھٹ اصلوں غائب ہئی۔ کُسم دے پیراں نال اوندی
پائل دی چھٹ چھٹ کوں میں کڈاہیں جدا نہی ڈٹھا۔ چھٹ چھٹ مُتوں

شام دا وگدا پائی سچی مُچی اوں شام مونجھا پیا لگے۔ امباں دے باغ
وچوں ویندی شام دی واہ دی ہمیش شریلی آواز کیں ویٹ سنویں چاہے۔
پتہ اے کیا تھیا۔ کُسم اُتوں ننگی تھی گئی ہئی۔ پتے مر گیا ہس۔ شٹیج
اے ہئی، اوندہ مُسالا کتھاہیں دور پار کم کریندا ہئی۔ اوں ہجاری اوکوں
ڈیہنوار ڈو ڈٹھا ہوسی۔ خط دے ذریعے اوکوں آئے رنڈیے دا پتی لگا۔
اُتھ نو سالان دی عُمران او آئی سیندھ دا رتا رنگ دھو پتھی۔ آئے زیور
گاہٹے واپس کر ڈتونس۔ ہک ادھ سہیلی اوندے پچھوں بچی ودی ہئی۔
بُوبن، شورن، آملا آئے آئے گھراں آلیاں تھی گیاں۔ صرف شاردہ ہئی
جیندی مہنتے ڈر اچ شادی تھیوٹ آلی ہوئے۔

کُسم بالکل تنہا ہئی۔ جیڑھلے او میڈی پوڑی تے آ، چُپ چاہتے آئے
گوڈیاں تے سیر ٹیک بہے ہا، ایویں لگدا ہئی جیویں پائی دیاں لہراں
کُسی، خُشی، راکھشی۔۔۔۔۔ ناں چا۔ چا کئے اوندی خیر سلا پُجھدیاں
ہن۔

بارشاں دے شرو اچ، جیویں جیویں گنگا ندی روز بروز نویں تھندی
گئی، کُسم دا حُسن وی اونویں اونویں بھریور تھیوے ویندا۔ اوندے ہر
رنگ کپڑیاں، مونجھے چھرے تے چُپاتی طبیعت دے پچھانویں دا
اوندی جوانی اُتے اینجھا پردہ پیا رہیا جو کیں کوں وی پتہ نہ لگا جو
کُسم جوان تھی گئی اے۔ پتہ میکوں وی نہ لگا۔ اوہا چھوٹے ویلے آلی
کُسم لگے۔ ہٹ او پائل نہی پیندی۔ اوندہ چھٹکار میکوں سٹیدا ہا۔ ایویں
روز روز پتن تے آندے ویندے اوندے ڈاہ سال گزر گئے۔ وستی دے
کیں بندے بشر اوندو ول کئے نہ ڈٹھا۔

ٺوڻ سال بدرهه مانھ دے چھیکڙ اچ ٻک اینجھا ڏینس اُٻھرا۔ سجھ دی لیاری لاٺ اچ، فجر نال اُٻھی کے جیویں تھانیاں پڙنائیاں ساڙھی دے پلون نال آٻتے مونھ لکیندیاں، امیاں دی لام نال گھڙے چا، اُچے جھکے راه تے تڙ جلدیاں بن۔ آپت پ گھکدیاں تے مشکولے کریندیاں سجھ دی پیلھی روشنی اچ میڙے بان تے آن چڙھن با۔ کوئی سوچ وی نہی سگدے، جوانی دے ڏینھاں اچ اُنھاں دے ذہن اچ دور دور توڻی کوئی ڏوٻتیریاں دا خیال وی آندا بوسی۔ جیویں تسان نہوے سوچ سگدے جو تھانیاں ماواں دی ماواں وی کڏابیں جوانی اچ بھجدیاں دھرکدیاں بوسن۔ جوانی دی چنگ چول وی اوں ویلے ایویں بوسی جیویں اچ اے۔ تسان روک اُنھاں دا تن وی کڏابیں جوان تے من ملوک بوسی۔ خُشی تے غم دے درمیان اُنھاں دا دل وی ایویں جُھول جُھلیندا بوسی جیویں اچ تھانیاں من اچ تھیندے۔ خُشی دی او تصویر خزان دے این سورج توڻی اچ وی اُنویں چمکدی کھڙی اے۔

اوں ڏینس فجر لا دی اُتر تون موسمی واء گھلی کھڙی ہووے۔ پھل دے پُھل واء جُھولتیاں نال کِرڻ کھڙے۔ اُتون بھنور روک پُتیاں کون واء کھنڏاوے ویندی۔ اُونھیں سویر میڙے ڏوجھے پاسیوں شو مندر اچ نورانی چهرے نال ٻک گورے چڙے رنگ دے لمبے اُچے سنیاسی دیرا آن لایا۔ وستی اچ خبر تھی گئی۔ تریعتیں آٻتے گھڙے پاسے رکھے چا تے مندر ونج جُھم تھیاں۔ سنیاسی دے چرناں ڏھتیاں پیاں ہوون۔

ٻک بجوم ہووے لوکاں دا، ڏینس پڙینس ودهدا۔ ونجے۔ سنیاسی رچ سوٺا ٻئی۔ ڏوجھا طبیعت پُھلاں روک ملوک ٻس۔ ہر ٻک دا من

پرچاوے۔ ڏینھاں ڏینھاڙیاں اچ اوں نیک نام کماگدا، خاص کر تریعتیں اندر۔ جڙے وی اُوندی صُحبت اچ آوڻ پسند کرن۔ کئی ڏینس بھگوت پُراڻ دی تلاوت کرے۔ کڏابیں بھگوت گیتا گارے۔ کڏی مندر ٻہ دھارمک مسئلے مسلیت کرے۔ لوک دعائیں پناہیں گھنن آون۔ کئی منتر پُچھن، کئی بیماراں کیتے دعا کراون۔ کُجھ تریعتیں چھانڊے چھانڊے پتڻ تے ٻہ سئیں دے حُسن وجات دے چرچے کرن: ت ت ت ت ت.....! جیویں شو بھگوان آپ بھوئیں تے لہ مندر آن وسایا ہووے۔

پرہ پاڪھ ایلے سنیاسی روز گنگا ندی اچ وڙ کھڙے۔ دھمی دے تارے دو مونھ کر کے جھکی سُر اچ فجر تھیوڻ توڻی تلاوت کرے۔ اُوندی من موٺی سُر اچ پاڻی دی مٹھی مٹھی شپ ڙپ، شاں شاں میکون نہ سُٺیجے با۔ سنیاسی دی سُریلی آواز نال ڏبھاری پاسوں اسمان روزانه لال غلال تھی ونجے۔ دور توڻی اسمان تے بدلاں دے کیناریاں اچ رتول دے کیناریاں چمکڻ لڳ پوون با۔ رات دے بند ڏوڙے اچوں اسمان دی جھل اچ بولے بولے فجر دا رتا لال پُھل ترڙ کھڙے۔ گنگا مٽیا اچ کھڙ، سنیاسی ڏبھارو دو دید لا تے جیویں کوئی چھو منتر پڙهدا ٻئی، رات دا سینہ چاک تھی ونجے۔ چن تارے سِر سٺ ڏلھا دو تڙ پوون تے سجھ بادشاہ زوری زبری ڏبھارون سینہ کڏھ آوے۔ جیویں ساری کائنات سنیاسی دی سُر نال تبدیل تھی گئی ہووے۔ اے جادوگر کون ٻئی؟ گنگا جل چوں جیوں ویلے سنیاسی ٻہر نکلے، اُوندا لمبا گورا لال بدن انگاریاں روک چمکے۔ اوندے گت گتے والاں وچوں پاڻی دے

قُطرے چمکدے موتیاں دی مالا روک وسدے ڏسن۔ سورج دے شعراوان اوندے پنڊے توڻی پُج کئے وستی پچھاا وُلن با۔ تهاہر اُتھ نهن سڳدیاں۔

ایویں ڏینس گزردے رہے۔ جاتو مہینے لڳو گئے۔ چتر دا مہینہ ہووے۔ سورج گرہن آکے موقعے تے لوک گنگا دھاوڻ آون پئے۔ پیل نال پاسیوں وڏا سارا میلہ لڳ گیا۔ سناسی دے درشن کرڻ دا کئی لوکاں کون موقع مل گیا۔ کُسم دے ساہورے پاسے دیاں بہوں تریمتیں وی اُتھ آیاں ودیاں ہوون۔

فجر نال سناسی دھیان گیان دے آسڻ اچ، میڙے پوڙیاں تے بیٹھا ہووے۔ ہک تریمت اوکوں جو ڏٹھا، بمسانی آہتی کون چونڌھی مار چیکی: "اڙی ڏیکھنس باں! ساڙی کُسم دا مُسالا نیں؟" ڏو انگلیں نال چہرے تون آہڻا نقاب بڻا کئے ڏوجھی ہکی ہکی تھی آکھیا: "وڻس!! سچی مچی اے تان چرچی دا چھوڻا پُتر اے۔"

تریجھی تان آہڻے پردے دا لحاظ وی نیں کیتا۔ دیدے پاڙ کئے ڏٹھن۔ اُتاولی تھی بولی: "ہائے ڙی!! سڳواں متھا، سڳواں نک، سڳویاں آکھیں۔۔۔"

ہک تریمت آہڻا گھڙا پاڻی اچ سڻا ڇا۔ سناسی دو ڏٹھے بغیر ٿھڏا ساہ بھر آلائی: "او کیویں زندہ تھی سڳدے؟ دوبارہ کیویں واپس آسڳدے؟ کُسم ایڙی بختاور کیتھوں آئی؟"

وت کیں آکھا: "اوندی اینجھی ڏاڙھی نیں۔"

ہک آکھیا: "او ایویں پتیل جوان نیں۔"

پیا بولی: "میڙا نئیں خیال جو او ایڙا لمبا جوان ہئی۔"

ڳالھ آئی گئی تھی گئی۔ وت کیں اے سوال غولیا ای نہ۔

وستی دے بر بندے سناسی کون ڏٹھا، مَنیا کلہی کُسم اوکوں۔ ہجوم بوڻے کُسم میڙو آوڻ چھوڙ ڏتا۔

بونم باسی دی شام چڑھدے ڇن دے منظر شیت ساڏا آہت آپ دا پراڻا تعلق اوکوں یاد ڏوایا ڇا۔ اون ویلے پتڻ تے کوئی بندہ چھٹو نہ ہئی۔ جھینگر بندے ٻوکن پئے۔ مندر دے گھنٹیاں تھوڙی دیر پیلھے بند تھی گئے۔ آواز دی کوئی چھیکڙی چھیکڙی لہر مٹھی تھندی تھندی پچھانویں روک ساکت تھی دور نندی کنارے امباں دی قطار بیٹھ جیویں رِس گئی ہووے۔ چٹی کھیر چاڻٹی ہووے۔ لہراں کنارے دو اُچھلیجن پیاں۔ گنگا دے پاڻی اچ ڇن دیاں شعراوان کُسم اڳوں کھنڊر کھنڊر کھنڊن ودیاں۔ مندر دے پچھانویں بیٹھ، کتھائیں جھیل کنارے جھاڙیاں اچ، گلے ٻھرے کھولیاں دے نال پام دے جھنگ تلے آندھارا اوندے پچھوں مکے ودا۔ ڇام چٹھیاں ٿالھی نال لڙکدیاں کھڙیاں ہوون۔ دوروں مندر پچھوں آلو دی آواز ایویں لڳے جیویں بدبخت روندا پئے۔ وسوں دے پرون کتھاؤں گدڙاں دی ہک لمبی کٹونک اُبھری تے کجھ دیر باد آہے آپ ٻڏ گئی۔

مندر جون آرام نال سناسی نکھتے۔ پتڻ تے پُج کئے جیویں او ڏوچار پوڙیاں لتھا تے وت پچھاا پرتڻ لڳا تان کلہی تریمت دی ہک اڏیل لوکون محسوس تھئی۔ کُسم جیں ویلے آہڻا چہرہ اُڙغت اُتھاں ڇا کئے پچھیاں مُر ڏٹھا، ساڙھی دا پلور اوندے سِر تون کھسک گیا۔ سامہڻی

چاشی اوندے چہرے تے ہک دم این نچھاور تھئی جیویں کوئی پُہل
 بھرپور مُسکان نال اکھیں وچ تصویر بٹے۔ ڈوبان ہک بٹے کون ڈٹھا۔ لگا
 جیویں ہک بٹے کون جائدے ہوون، بھلکھ پچھلے جنم دے سونہیں
 ہوون۔ عین اون ویلے بد کنسوا آلو ولا تونکیا۔ اوندی منحوس آواز تے
 کُسم پیلھے چہرک گئی۔ تھوڑا سنہیل کے سیر اُتے ساڑھی جوڑ گھدس
 وت اُتھی تے سنیاسی دے پیراں نوڑی۔ اوکون آشیرباد ڈے کے سنیاسی
 پُچھیا: "تیدّا نا؟"
 اکھے: "کُسم"

اون رات کوئی ہئی گالہ نہ تھئی۔ کُسم دا گھر نیڑے با۔ پیر تے پیر
 رکھدی، چھابندی چھابندی آرام نال او گھر ول گئی۔ سنیاسی اُون رات
 کافی دیر توٹی میڈی پوڑی تے بیٹھا رہا۔ آخر جیرھلے ڈُبھاروں چن ٹر
 کے ڈُلھا دو جھکا تھی گیا اتے سنیاسی دا آٹھا پچھانواں اوندے پچھوں
 دی بجائے اگوں ول آیا، او اُتھی تے مندر لگا گیا۔

ہک گھٹ ڈوجھے ڈینہں کُسم پچھے روز پتڻ تے آوے، سنیاسی دے
 پیراں دی خاک چاؤن۔ صحیفیاں دا ورد کرڻ ویلے او سنیاسی دے
 پاسیوں تھی کھڑے۔ گم سُم تھی کرابیں اوندا ورد سٹے۔ فجر دی پوجا
 پاٹ تون باد کُسم کون سنیاسی دھرم پاٹ دیاں گالھیں ڈسے۔ او جو
 کُجھ آہدا ہئی، پتہ نئیں اوکون سمجھ آندی ہئی بھانویں نہ، اوندا ڈسیا
 سبھ کُجھ او دھیان نال سٹدی ہئی۔ مندر دے سبھ کم کرے تے
 باقاعدگی نال روز۔ ایکون دیوتا دی سیوا سمجھے۔ پوجا کیتے پُہل چن
 آوے۔ گنگا تون پائٹی بھر کے روزانہ مندر دا فرش دھووے۔ جو کُجھ

سنیاسی ڈسے کرے ہا، اوندے ہر لفظ اُتے حکم دی تعمیل کرے۔ او
 ایہیں پوڑی تے بہ دیوتا بارے سوچے ہا۔ ہولے ہولے ادراک ودھیا تے
 بھانویں اوندا دل کُہل گیا۔ پیلھے اوکون جو تھی نظر دا، او ڈسن لگ
 پیا۔ جو نسہ سٹیدا او سٹيجن لگ پیا۔ ہک خاص قسم دا رنگ اوندے
 شانت چہرے اُتے گھر کر گیا۔ پچھے ہر روز فجر ویلے جڈاں او احترام
 اچ سنیاسی دے چرنیں ہووے، او پُتیاں دھانتا، صاف ستھرا کنول دا
 پُہل لگدی ہئی۔ دیوتا دی پوجا کرڻ لنگی اوندے تن بدن وچوں
 معصومیت چمکن لگ ہووے۔

سیالے دی چھکڑ ہووے۔ بہار دی ٹھڈی پیل شام ایلے ڈکھن تون اُتر
 دو گھنٹی کھڑی اے۔ ہوا اچ سیالے دی ٹھڈھ آئی تلخی مُکدی لگے۔
 کافی ڈینہاں پچھوں وستی چوں بانسریاں دی کتو آندی اے۔ گیت
 صاف سٹیون پئے۔ ٹھلدیاں بیڑیاں اچ ملاح رادھا کرشنا دی پریم کتھا
 گاؤں ودے۔ پکھٹوں آٹھے آٹھے درختاں تے بہ سنگت ساتھ کون آپ دو
 سڈن بیٹھے۔ تڈاں سال دے ایہے ڈینہں ہن

جیویں بہار دی بیل میڈے پتھر دل اچ جوانی دی سُر بھر ڈتی۔ بیل
 بوٹے جیڑھے میکوں گل لانی پئے ہن، اُنہاں کون وی جوانی دی باس
 یوں لیہ پئی۔ بہار گول گدھونے۔ تڈاں کُسم کتھاپیں نہ نظرے۔ مندر
 اچ ڈسے نہ پتڻ اُتے۔ بیا تاں بیا سنیاسی کول وی نہ ہووے۔ این اثنا اچ
 کیا تھیا، پتہ نہ لگا۔ کُجھ عرصے باد ڈوبیں ہکڑی شام این پوڑی تے
 لہے۔

"کافی عرصے توں میں تیکوں نیں پُتھا؟ دیوتا دی سیوا کرن چھوڑ
ڈتی۔" سنیا سی پُچھیا۔ اگوں کُسم چُپ کھڑی رہی۔

"کُھل تے ڈسا، تیڈے من اچ کیا آئے؟"

آپنا چہرہ تھولا پاسے تے کرتے کُسم بولے جہیں آکھیا: "سنیں! پاپی
جو تھیم، غفلت تھی گئی اے۔"

پچکار پیار نال سنیا سی اوکوں سمجھایا: "کُسم! میں چائڈان، تیڈا من
شانت کوئی نیں۔"

تھولا سوچ کے او بولن لگی وت رک گئی۔ شیت اوں سوچیا: "زب
چائے سنیا سی اوندے بارے کتنا بک بُجھی کھڑے۔"

اوندے اکھیں چوں بنجوں تر آئے تے ڈُسکُن بہہ کھئی۔ ساڑھی دے
پلوں نال آپنا چہرہ لُکا کے پوڑی تے بہہ کرابیں او سنیا سی دے قدماں
اچ روون لگ گئی۔

تھولا پچھا بٹ کے سنیا سی آکھیا: "شاباش! میکوں ڈسا ہاں، تون
شانت کیوں نہویں۔۔۔ میں تیکوں شانتی دی راہ ڈسیساں۔۔۔"

اوندا آکھا من کے چیکر کُسم دی زبان بولے بولے چلن لگ پئی۔
لیکن وقفے وقفے باد رُک ونجے۔ گالہ نہ بیٹ اوس۔ لوظ اوکوں مات
ڈے ونجن۔

"سنیں دا حُکم ہووے تاں ڈسیندی آں۔ تفصیل وت وی نہ ڈس
سگھساں، سنیں آ۔۔۔ میکوں وشواس اے سمجھی تون وی بیٹھیں ہر
شے۔۔۔۔۔ میں دیوتا روک اوندا احترام کیتے۔۔۔۔۔ اوندی پوجا کیتی می،
میں خُش تھی کیتم۔ میڈا پورا من خُشی نال تروتازہ تھی گئے۔۔۔۔۔ ہک

رات دل دے بادشاہ کوں خاب اچ ڈٹھے می۔ جیویں اسان ڈویں ہک
باغ اندر ہوؤں۔ میڈا سجا بٹھ آپنے کھے بٹھ گھٹ کے اوں پریم دی
گالہ چھیڑی اے۔ میکوں بالکل ہنی تراویں نہ لگی۔ خاب تاں مُک گئے
سنیں آ، اوندی کیفیت نہیں ویندی۔ اگلے ڈینہں جو میں اوکوں ڈبھدی
آں، اوں میڈو پیلھے روک نہ ڈٹھا۔ خاب تے اوندا تصور بار بار میڈے
ذہن اچ اُبھردے۔ ہک بھٹو اے۔۔ اوندے ڈر کن ڈھرکدی ودی آں۔
تصور ہے جیڑھا میڈے نال ٹکا ودے۔ او ڈینہں تے اچ دا ڈینہں، میڈا
من شانتی وسر گئے۔ دنیا جہان اندھارا لگدے۔"

ولا آپنے بنجوں پونجھ کے جڈان کُسم اے ڈسامے پئی، صاف لگے
سنیا سی اپنا پیر میڈی پتھر جان تے زور زور نال ملیندا کھڑے۔

جیں ویلے کُسم چُپ تھئی، سنیا سی پُچھیا: "ڈس، تیں خاب اچ
کیکوں ڈٹھے؟"

"میں تیڈے بھلے کیتے پُجھداں، سِدھا سِدھا ڈس او کون ہئی؟۔۔۔
شاباش۔۔۔"

آپنے ڈوہاں ملوک بٹھاں کوں غصے نال پیلھے مروڑس، وت آپت آپ
جوڑ تے کُسم پک کیتا: "ہر برو ڈستے، او کون ہئی؟"
"ہا، ڈس چا۔"

جئے: "سنیں آ!!! آپ تاں ہاویں۔"

جیویں اوندے آپنے لوظ واپس اوندے کنیں پُجے، او میڈی پتھریلی
جھولی اچ بے ہوش تھی ڈھٹھی۔ اگوں پتھر سنواں سنیا سی اُٹھی پیا۔

جیڈاں کُسم دے بوش ٹھکائے ولے، آپتے گئے لہجے اچ سنیاسی اوکوں سمجھایا: "واقعی تیں میڈی پوری تابعداری کیتی اے۔ ہُن چھیکڑی آکھیا وی مَن، میڈا۔۔۔ میں اے جاہ ہٹیں چھڑیندا پیاں۔ ساکوں دوبارہ نیں ملتا جا پیدا۔ توں میکوں بھل ونج۔ وعدہ کر !! میکوں بھلن دا توں پورا چارہ کریسیں۔"

"سٹیں آ، ایویں تھیسے۔" تھڈے ہاں نال آہیں کیتس۔

"ٹھیک! وت میں وینداں۔" سنیاسی ہولا۔

کُسم پیا کُجھ وی نہ آکھیا۔ نوڑ کراہیں اوندے پیریں دی خاک آپتے سر تے چا ملیں۔ سنیاسی لگا گیا۔

پچھے کُسم آپ مہاری الاٹی: "حکم جو تھیا، سٹیں دا، ہُن وسارٹم اوکوں۔۔۔۔۔" اتنا آبدی بولے جہیں گنگا اچ اولتھی گئی۔

اول جوانی توں لا ہُن توٹی او این پائی دے آسوں پاسوں رہی پئی۔ او تھکی ودی پئی۔ پائی اوکوں آپتی جھولی اچ نہ جھلیندا، پیا کین تے ونجے با۔

چندر لاہوے پیا۔ رات گھور آندھاری تھی گئی۔ یکدم پائی دا ہک شہکار میڈے پتھر کتیں پیا۔ میکوں لگا کُجھ تھی گئے۔ جو کُجھ تھیا میکوں وی بالکل اونویں لگا۔ اونہیں لمحے ہک زوردار آندھاری اُٹھی، جیویں اسمان دے سارے تاریاں کوں کھاندی ہووے۔ پورے اسمان دا لڑ اُتریندی ہووے۔ اگلے لمحے سمندروں ڈونگھے گھور آندھارے اچ آہے رسم گئی۔ شیت این بھنوں توں جو پچھوں گواہی جوگی کئی شے نہ بچسی۔

جیڑھی میڈے تن بدن آتے میڈی جھولی اچ کھپڈی کپڈی پئی، آہی کھپڈ مکا کے اوں ڈپنس او بہوں دور ٹر گئی۔ پتہ وی نہ لگن ڈنس جو کنتے ٹر گئی۔

انتون چیخوف/شنان

[اے کہانی چیخوف دے مجموعے "A Doctor's Visit" دی ہک کہانی "The Student" دا ترجمہ اے۔ اے مجموعہ Beauteous Books ولوں جولائی 1988ء دا کلاسک ایڈیشن اے جیڑھا امریکہ آتے کینڈا اچ چھیا]

موسم شروع وچ خوش گوار ہا۔ کالیاں چیزیاں پیاں گاندیاں ہن تے نال دے چکوالے چیکوڑ اچ بے جرمی تہدے ہئے بھوکدے ہن جینویں خالی بوتل اچ بھوکا ہئے مریندے بوون۔ ہک جنگلی ککڑ اڈاری بھری اے۔ اوندے کیمباں دی پیڑپیڑاٹ بہار دی ہوا اچ گونجی اے۔ ہر جیس ویلے جنگل اندھارا تھیا تاں ڈینبھاروں سیکل سیتی لُری گھل پئی تے ہر شے چُپ تھی گئی۔ گندے پاٹی دے ٹوٹیاں تے برف جمٹ پئے۔ گہی تے جنگل کلہا کلہا خالی آتے نامہریان پیا لگدا ہا۔ سیالا لابندا پئے۔

ایوان دلیکوپولسکاٹی مذہبی کالج دا ہک شاگرد آتے گرجا گھر دے محرر دا پُتر ہا جیڑھا دریائی جُوہ دے وچوں لنگھدے راہ تے پورے ہک ڈینہہ دا پنڈہ کپ کے گھر پیا ولدا ہا۔ اوندیاں انگلیں سُن ہن تے اوندے مونہہ کون تکھی ٹھہری ہوا چھل گھدا ہا۔ سیالے دی اچٹ چیت آمد لگدا ہا جینویں شتیں دی ساری ترتیب وگاڑ ڈتی ہووے۔ پالے دی دہشت رات دے پچھانویں کون ڈھیر گھاتا کر ڈتا ہا۔ ہر شے جینویں کینویں مونجھی آتے ماندی ہئی۔ صرف دریا دے نیڑے رنڈڑیں دے

کوارٹر اچوں روشنی دی جھال پئی ڈسدی ہئی۔ وستی ہر پاسوں ترے ترے میل پروبھری ہئی۔ ہر شے کھپڑ دی موٹی چادر اچ ولہتیج گہی ہئی۔ شاگرد یاد کیتا جیس ویلے اوں گھر چھوڑیا ہا تاں ماء اوندی پرو ننگی سماوار صاف بیٹھی کریندی ہئی تے پو اوندا سٹو دے نال بیٹھا کھنگدا ہا۔ گھر اچ کشے نہ ہئی پئی پکدی جو اچ گڈ فرائیڈے ہا تے اونکوں لگیا جو او بکھ توں مر ویسی۔ پالے اچ کلہا تھی کے اوں سوچیا جو اے ہوا تاں رائی بورک ، ایوان دہشت ناک آتے پیٹر اعظم دے ویلے وی اینویں گھلدی ہئی۔ انہاں دا ویلا وی وحشی غربت آتے بکھ دا ویلا ہا۔ ہُن وی ککھ کانے دیاں ویلکھ بھریاں چھتا ہن۔ اوہا جہالت آتے ننگ ہا۔ ہر پاسے بکو جھیں ویرانی ، مونجھ آتے ماندکی ہئی۔ تمام اے ڈر بھنے پہلے وی ہن پئے ، ہُن وی ہن پئے تے اکھاں وی ہوسن۔ تے اگلے ہزار سال بعد وی شاید حالات ٹھیک نہ تھوں۔ اونکوں گھر واپسی دی کوئی خوشی نہ ہئی پئی تھیندی ۔

دریا دے نال کوارٹرز کون تھوں۔ "رنڈڑیں" اکھیا ویندا ہا جو اتھاں ڈو رنڈڑ ماء دھی راہندیاں ہن۔ خوشی دا اے مچ چڑ چڑ کریندا مچیا پیا ہا تے نال دے ملوڑ کون وی روشن کیتی پیاہا۔ "ویسی لیزا" ہک لمبی موٹی تربیت ہئی تے مردانہ جیکٹ پاکے بھاء کون کھڑی تکیندی ہئی۔ اوندی بے وقوف بڈی دھنی "لوکیریا" جیندے مونہہ تے ماتا دے داغ ہن ، زمین تے دیگڑی آتے چمچھے بیٹھی دھوندی ہئی۔ ظاہر اے انہاں رات دا ٹکر بٹیں کھادا ہا۔ مردانہ اوازاں پیاں آندیاں ہن۔ اے نہاں مزدوراں دیاں ہن جیڑھے دریا تے اہٹے گھوڑیاں کون پاٹی پلاوٹ آتے ہن۔

"تاں سیالا ول آئے"۔۔۔ بھاء دے نال آکھے شاگرد آکھیا "گڈ ایوننگ۔"
"ویزلیزا" پالے تون پیٹھی کمبدی بی۔ ول ڈٹھس جو اے کوٹ اے؟ تے
کھل کے اونکوں جی آیا کیٹس۔

"اے مران!" "میں تنس سُنجاتا تیکوں!" اوں آکھیا، ایندا مطلب اے ہک
ڈینہہ تون امیر بوسیں۔ "او گالھیں کرن لگ پئے۔" "ویزلیزا" تجربہ کار تریمت
بی۔ شریف لوکاں دی نرس رہ چکی۔ بی تے ول دائی وی۔

نراکت نال آئندی بی تے ہمیشاں اوندے مکھ تے باوقار کھل ہوندی
بی۔ پر اوندی دھی "یوکیریا" دیہاتیں بی جینکوں اوندے پئے کلیا ہا ،
گھوری وٹ کے شاگرد کون ڈہدی پیٹھی بی جینویں گنگی آئے ڈوری
ہوئے۔

"ابنویں دی کہیں جاڑے دی رات اچ حواری پیٹر" بھاء سیکی "شاگرد
اپنے ہتھ بھاء ول کریندیں آکھیا۔ "تڈاں وی کڑا کے دی ٹھڈھ بوسی۔ بھو
بھری آئے سیالے دی لمبی رات۔"

ول آسوں پاسوں اندھارے کون ڈیکھ کے اچانک اپٹا سر چھنڈکس
"کل تون ہارہاں حواریاں دی پڑھائی وچ چرچ ہاویں"
"جی۔۔" "ویزلیزا" ولدا ڈتا۔

چھیکڑی بھوجن ویلے تیکوں یاد بوسی پیٹر آکھیا عیسیٰ کون "آقا میں
تیار آن تیدے نال مرٹ کیتے وی تے جیل کیتے وی۔" تے عیسیٰ
آکھیا۔ "میں تیکوں چتویندا پیاں پیٹر تون ککڑ دی ڈوجی بانگ تون پہلے
ترے دفعہ میڈا انکار کریسیں۔"

روٹی تون باد باغ وچ فناہ دے کرب نال عیسیٰ عبادت کیتی تے شہودا
پیٹر روح دے بار نال تھکیا تڑتا آئے کمزور پیا لگدا ہا۔ اوندیاں اکھیں
ہوجھل ہن۔ او بندر کون نہ بی پیا ڈک سگدا تے سُم تھیا۔ "ول
جینویں تَساں سٹھے اوں رات یہودا عیسیٰ کون پیار کیتا تے دھوکے نال
دشمنان دے حوالے کر ڈتا۔"

"او عیسیٰ کون ہنہ کے وڈے پادری کول گھن گئے تے کٹوئے۔" تے
پیٹر وی ذہنی تے جسمانی تکلیف اچ تَساں سمجھ سگدے او تھپاں
مکھیں کھاندا انہاں دے پچھوں گیا۔ اونکوں راتیں بندر نہ آئی بی تے
او اندازہ لا سگدا ہا جو زمین تے اگوں کیا تھیوٹ آلا اے۔ او عیسیٰ نال
محبت کریندا ہا تے ہن پرے کنوں اونکوں مریندا کھیندا کھڑا ڈندا ہا۔

"لو کیریا" چمچمے رکھ ڈتے تے شاگرد تے دید لاپٹھی۔

شاگرد اپٹی گالھ جاری رکھی۔ "او عیسیٰ کون وڈے پادری دو گھن
گئے تے انہاں تون سوال پُچھونے۔ این دوران ہال دی ادھ وچ ملازماں
بھاء ہالی جو بہوں پالا ہا تے او اپٹے آپ کون گرم رکھٹ چابندے ہن
تے پیٹر وی انہاں نال بھاء سینکٹ کھڑ تھیا۔ جینویں تہاڈے نال میں
پٹھا سینکیندا۔ ہک خادمہ اونکوں ڈٹھا تے الاٹی۔ "اے بندہ عیسیٰ
دے نال ہا۔" ڈوجھے لفظاں اچ او اے پی ابدی بی جو ایندے نال
وی سوال جواب کیتے وتجن۔ بھاء دے جوگرد سارے مزدوراں اونکوں
شکی نظراں نال ڈٹھا۔ کیوں جو او پریشان ہا تاں آکھیں۔ "میں اونکوں
نہیں جانتا۔" تھوڑی دیر باد کہیں اونکوں سُنجانا کے آکھیا جو اے وی
عیسیٰ دے شاگرداں اچوں ہک اے تے پُچھیں۔

"تو وی عیسی دے نال باویں؟" پر اوں دوبارہ انکار کیتا تے ول تریجھی دفعہ کہیں اوں کن پُجھیا۔ "میں تیکوں عیسی نال اج باغ وچ نہ بی ڈنھا؟" تے اوں تریجھی دفعہ وی انکار کیتاں ککڑ بانگ ڈتی تے پیتر عیسی کوں دوروں ڈیکھ کے یاد کیتا جو مرشد اونکوں رات دے بھوجن تے آکھیا با۔ اوں یاد کیتا اوندیاں اکھیں کھلیاں ہن تے ہال دے باہروں ونج کے او زاروقطار رووٹ لگ پیا۔ جینویں انجیل آہدی ہے۔ "او باہر گیا تے پاکاں بھر کے رُتیا۔" میں سوچ سگداں باغ وچ کیڈی چُپ تے اندھارا بوسی تے اوندیاں خالی ڈُسکیاں چُپ اچ مشکل نال سُٹیاں ونج سگدیاں بوسن۔

شاگرد ٹھنڈا ساہ بیریا تے ڈونگھی سوچ وچ ہڈ گیا۔ ہسدی کھلدی "ویزلیزا" اچڑ چیت ڈسکٹ لگ پئی تے اکھیں وچوں اوندے بنجوں اوندیاں گلہاں تے آگئے۔

بہاء توں چہرہ بیجا کے اوں اپتیاں اکھیں پونجھیاں جو کوئی اے نہ آکھے روندی بیٹھی اے۔ "یوکریا" شاگرد تے ٹکی ہدھی بیٹھی ہی۔ اوندیاں گلہاں لال تھی گیاں تے لگدا با جینویں او اپتے درد کوں زوری نال ڈکی بیٹھی ہوئے۔

مزدور دریا توں پچھاں ول گئے۔ انہاں وچوں ہک گھوڑے تے سوار آتے مچ دے نیڑے با تے بہاء دے ترورے اوندے تے پوندے پئے ہن۔ شاگرد رنڈڑیں کوں رات بخیر آکھ کے ٹر پیا۔ اندھارا ول چھا گیا با تے ہتھ اوندے پالے توں ٹنڈر گئے ہن۔ قہر دی ہوا گھل پئی تے سیالا پورے دا پورا لہہ پیا تے لگدا نہ با جو کلتھوں ایسٹر دا آڈت بوسی۔

شاگرد "ویزلیزا" بارے سوچیا۔ اوندے رووٹ دا اے مطلب با جو جیڑھا کجھ پیٹر نال اوں بھیانک رات اچ تھیا با او "ویزلیزا" کیتے خاص معنے رکھدے۔

شاگرد پچھاں مڑ کے ڈنھا۔ کلھی بہاء پئی خموشی نال جھلمل کر بندی ہی تے اوندے ارد گرد کوئی نہ ہی پیا ڈسدا۔ شاگرد ولا سوچیا جیکر "ویزلیزا" رُتی اے اے اوندی دھی تے وی اثر پئے تاں ول ظاہر اے جیڑھا کجھ انوی سو سال پہلے تھئے اواج کیتے ڈونہاں تریمتیں کیتے، پروبھری این وستی کیتے، اوندے اپتے آپ کیتے آتے سبھ لوکاں کیتے معنے رکھدے۔

اے محض اوندے بیان دا کمال نہ با جیں رنڈڑ کوں روآ ڈنٹا با بھلکہ اے تاں دل اپتے دے اندر تئیں پیٹر نال رنڈڑ دی قربت ہی۔ یکدم اوندے اندر خوشی پُھٹی اے تے او ساہ گھنٹن کیتے کھڑ تھیا۔ ماضی اوں سوچیا، حال نال جڑیا ہوئے۔ اے واقعات دا نہ ترٹن آلا سلسلہ اے جیڑھے ہک پئے وچوں لنگھدے راہندن۔ اونکوں لگیا جینویں او این زنجیر دے ڈونہیں سرے کھڑا ڈہدا ہوئے۔ ہک سرے کوں ہتھ لا ڈنٹا ناں ڈوجھا وی ہلٹ پئے ویندے۔

پڑی تے دریا پار کریندیں ہوئیں تے پہاڑی تے چڑھدیں ہوئیں اوں اپتی وستی کوں ڈنٹھا تے اونکوں پچھادھوں ہڈدے سبھ دی ٹھڈی لاث پئی اے۔ او حُسن آتے سچ بارے سُچیندا رہیا جو کینویں انہاں انسان دی ہنمائی کیتی ہے۔ باغ اچ وی آتے وڈے پادری دے محل اچ وی۔ اچ اچ ہنمائی تئیں بغیر کہیں وقفے دے۔ انسان زندگی وچ کہیں اہم عنصر

صور، بولیں بولیں جوانی، صحت آتے طاقت دا احساس اونکوں تھیوں
 لگ پیا، او اجاں ہلوی سال دا با۔ اے احساس ناقابل بیان مٹھاج،
 تراسرار آتے حیرت بھری خوشی نال اوندے تے چھا گیا۔ تاں حیاتی
 اونکوں خوشی، معجزے آتے ریسے بھری لگی۔

پالو کوہلو دیاں لُنڈی کہانیاں

ہولی وٹار: وسیم واگھا

کُجھ پالو کوہلو دے آپتے بارے:

پالو کوہلو ہک انجینئر دا پتر ہا۔ اگست 1947 اچ برازیل دے شہر ریو
 اچ جایا۔ نکلے لا کن اوکوں لکھاری بٹن دا بہوں شوق ہا۔ بھل اوندے
 ماہ پیو اوندے بارے وکھرے خواب ڈٹھے بن۔ جیرھلے انہاں دے
 خواب پورے ناں تھئے تاں تے انہیں پالو کوہلو کوں، جیرھلے او ستاراہاں
 سالیں دا ہا، ذہنی مریض سمجھ کیں ہسپتال اچ داخل کرا ڈتا، جتھاں
 ڈاکٹریں بجلی دے جھٹکیں نال اوندا علاج کر ڈی کوشش
 کیتی۔ کُجھ مدت بعد پالو کوہلو ہک نو ٹنکی (ٹھیٹھر) دا معبر بن گیا،
 اتے صحافت شروع کیتس تاں اوندے ما پیو اوکوں ذہنی مریض سمجھ
 کیں ولدا ہسپتال داخل کر چھوڑیا۔

پالو کوہلو ہمیش ریت رواج نال ٹرٹ دی بجائے نویں سوچ دی گول اچ
 رہندا ہا۔ 1968 اچ جیرھلے فوجی آمریت بیٹھ لٹاڑیے برازیل اچ گوریلا
 اتے ہی تحریکاں زور تے بن، پالو کوہلو ترقی پسند سیاست دی سیڑھ
 اچ رُل کیں امن اتے محبت آکیں دی سنگت نال ٹر پیا۔ روح اتے ذات
 دے تجربے کیتے اوں پورے لاطینی امریکہ دے ہندھ کچھنے۔ ہک
 واری وت ٹھیٹھر اتے صحافت اچ مصروف تھی گیا۔ موسیقی دے
 مشہور استاد رال سیکس نال رُل کیں برازیل دی راک موسیقی دا
 تے منہا ٹھہاؤن اچ اہم کردار ادا کیتس۔

انوی سو تہتر اج بڑوائیں آکرنیو سوسائٹی ناں دی تنظیم دے ممبر ہن گئے جیڑھی بندے دے اظہار دی آزادی کیتے کم کریندی بائی۔ برازیلی سرکار این تنظیم دے ممبریں دی پکڑ دھکڑ اتے جیل دا حکم دتا۔ بیا مٹری فورس کوہلو کون پکڑ گھدا اتے تشدد کیتونے۔

انہیں حالات کوہلو تے بہوں اثر کیتا۔ ہن او کتھائیں تہترن چابندا ہا۔ لکھن شروع کیتے بھل اے سلسلہ وی تڑنڈا ریا۔ ہک ڈینہہ ایمسٹرڈیم دے ہک کیفے اچ اوکون ہک بندہ تکریا جیش اوکون مشورہ دتا جو او کیتولک مذہب دو رجوع کرے اتے جادو دی مہربان ریت کون پڑھے پر کیتے اتے سیتیاگو (چلی دے شہر) دا بندہ کرے۔ اے بندہ "قرون وسطی" اچ ذات دی سنجان دا مشہور رستہ بوندا ہا۔ این سفر دے ہک سال بعد 1987 اچ کوہلو "دی فگرایمچ" لکھی۔ اے کہانی ڈسیندی اے جو عام بندے دی زندگی وچ وی غیر معمولی حالات آندن۔ سال بعد اون "دی الکیسٹ" لکھیا جیندے پہلے ایڈیشن دیاں صرف 900 کاپیاں وکیاں اتے چھاپن آلے ادارے این کہانی کون ڈوجھی واری چھاپن دا خیال ای سٹ گھتیا۔

بھل کوہلو آپنا خواب ناں سٹیا اتے "برائینڈا" لکھس (جیندا انگریزی ترجمہ بالی تئیں نہیں تھیا)۔ این واری او ہک وڈے چھاپے خانے نال رابطہ کیتا۔ اے کتاب بہوں مشہور تھئی۔ ایندے پاروں "دی ہاروں" دی الکیسٹ اتے "دی فگرایمچ" ولا چھپن اتے پڑھیجٹ اچ آیاں۔

بیٹھوں پالو کوہلو دے کجھ لُنڈی کہائیاں دا ترجمہ دتا ویندا پئے۔

اللہ سائیں دیاں نشانیاں

آہن ہک بزرگ/ ان پڑھ غلام روز رات کون اتلے شوق نال اللہ سائیں دی عبادت کریندا ہا جو اوندا امیر مالک حریان تھیا اتے اوندے نال حالی گالھی تھیون کیتے ہک ڈینہہ اوکون سڈوا پٹھیس۔
"توں اتلے خلوص نال عبادت کیویں کر سگدیں؟ توں تاں چٹا ان پڑھ ہویں۔ رب دی ذات بارے توں کیا جاتیں۔" مالک پچھیا۔

"میں جاتداں۔ میں اللہ سائیں دی لکھی چتری ہر گالھ پڑھ سگداں"
بزرگ غلام ولدا دتا۔۔

"بھل کیویں؟" مالک وت پچھیا

"جیرھلے تیکوں پردیس اچو کائی خط/ پتر/ کائی چھٹی چھٹی ملدی اے تاں تیکوں کیویں پتہ لگدے جو اے کیندی چھٹی اے۔؟ غلام پچھیا۔۔

"لکھن آلے دے لکھائی کنوں" مالک جواب دتا۔۔

"جیرھلے توں کائی بیا گھندیں، تیکوں کیویں پتہ لگدے جو او بیا کنس گھڑیئے؟

"سارے دے ٹھہرے کن۔" مالک جواب دتا۔۔

"جیرہلے تیبی کئی (جھوڑی) دے ہارو کائی زناور لنگھ ونجھے
تیکوں کیوی بہ لگدے جو او بیہہ بانئ، گھوڑا بانئ یا ڈانڈ --؟"
غلام پچھیا.....

"زناور دے بیرے کنوں -- مالک ولدا ڈتا، جیرھا بزرگ غلام دے انہیں
سوالیں تے حریمان بانئ۔

غلام مالک کوں کئی کنوں ہارو گھن آیا، آسمان دو اشارہ کیٹس اتے
الاتا۔

"اے آسمان، آسمان تے چترے چندر تارے، اے بھوئیں، اے صحراء،
اے کہیں انسانی بے دیاں بٹیاں، چتریاں ششیں نشیں لگدیاں۔ میں رب
دی ذات کوں انہائیں اچو پڑھداں"....

انسان دین عادتیں وچوں نکمی عادت

میڈے سنگتی جیمی کوہن کنوں ہک بندے پچھیا.....
"انسان دی وڈی نکمی عادت کیڑھی اے؟".....

کوہن ولدا ڈتا "ساڈے تضاد نکرے لا ساکوں وڈے تھیوڈ دی اہالہ
ہوندی اے۔ جوان تھیندے بانئ تان آہٹے نکرے لا کوں یاد کرکر مونجھے
تھیندے بانئ۔ دولت دے حرص اچ گھر ہار، جندجان دا سکھ وسار
ڈیندے بانئ۔ انت بیمار تھیندے بانئ۔ اتے سانہی ہوئی ساری دولت
علاج تے خرچ ڈیندے بانئ..... اسان مستقبل بارے اتلا سُچیندے

بانئ جو حال کوں بھل ویندے بانئ.... بٹ اے نکتھا جو ناں حال
دے، ناں مستقبل دے۔

اسان اہٹیاں زندگیاں ایویں جیندے بانئ جیویں کڈاہیں مرٹا ناں ہووے
اتے مُردے ایویں بانئ جیویں کڈاہیں جی کے ناں ڈنٹھا ہووے".....

جھڑ دا ٹکڑا اتے ریت دی ٹی

برونو فریرو آہدے جو جھڑ دا جیوڈ بہوں مصروف اتے وقتی ہوندے۔
این حولے نال میں تہاکوں ہک کتھا سٹینداں ۔

سمندر اچ وڈے طوفان دے بعد ہک جوان جھڑ جمیا۔ بھل اوکوں آہٹے
وطن، آہٹے وسیب اچ پلٹ دا موقع ناں ملیا کیویں جو اندھاری بدلیں
کوں افریقہ آکے پاسے اڈا گئی ۔

جیرہلے اے جھڑ براعظم افریقہ اچ پیٹھن تان اُتھاں نواں موسم بانئ۔
پورا سچھ ہلدا کھڑا بانئ۔ اتے بیٹھو چاندی رنگی ریت وچھی پئی
بانئ۔ این صحرا اچ کڈاہیں منہہ ناہی وُٹھا۔ تہوں ہوا بدلیں دی مُہاڑ
لمے تے جنگلات دے پاسے موڑ ڈتی۔

این دوران، جیویں گبھرو اکترا کریندن، جوان جھڑ دنیا کوں سمجھوڈ
جانٹ کیتے آہٹے پیو ما اتے سَک سَکاوٹ کوں چھوڑڈ دا فیصلہ کیتا۔
توں کیا کریندا پئیں گالھا تان نشیں"۔ ہوا چیک پئی۔ "صحرا تان ہر جاہ

ترے بچو جھیشی بوندن۔ تون ہنسی بدلیں نال ول، بہوں جلدی اسان
مرکزی افریقہ اچ بہت ویسوں جتھاں ساڈے بہاڑ اتے درخت بوسن"۔
بھل لوں جوان جھڑ بوا دی گالہ نال منی اتے آتے قبیلے کون چھوڑ تے
بیٹہ لمہ گیا۔۔۔ یک سرہان جھیشی بولی بولی بوا اوکوں ریت دے نہیں
دے نیرے گہن گئی۔ بیٹہ ریت دے جھوڑے وڈے تیرے اتے زرخیز زمین
دیاں پیمان تیز بہوں گول بھروں اتے سوچ وچار وچالے اوکوں ہک
بندی مسکرائدی ریت دی ٹی ڈس بی۔

ریت دی او ٹی جیویں بوڑیوں بوڑیوں تازی، بولی بوا دی چائی ہائی۔ تازی
اتے سوٹی ساوی تھیون دی سک کنوں ڈٹی ہوئی۔ جوان جھڑ کون این
ٹی نال جیویں عشق تھی گیا۔

"کیا حال اے؟ تیرے آسو پاسو جیون کججھاں اے؟"۔۔۔ جوان جھڑ
پچھیا۔

"میڈے نال ریت دے تیرے دی، سچہ دی، بوا دی اتے انسانی قافلین
دی سنگت اے۔ کہہاں بہوں گرمی بوندی اے۔ بھل اسان برداشت
کریندی ہائیں۔ اتیں، تیرے زندگی کیویں ہے؟۔۔۔ ریت دی ٹی الاٹی۔۔۔
"میڈے نال وی سچہ اتے بوا دی سنگت اے۔ بھل چس دی گالہ اے
ہے جو میں اسمان اچ سفر کر سگداں اتے اپنی مرضی مطابق نویاں
جاییں، نویں جیون ڈیکھ سگداں"۔

"میڈا جیون تان مختصر اے۔ جیرھلے اندھاری جنگلیں اچوں ولسی۔ میں
کہنڈ ویساں"۔۔۔ ریت دی ٹی ولدا ڈتا۔

"تیرا اے کہنڈ ونجٹ، اے ونڈیج ونجٹ تیکوں مونجھا کریندے۔"۔۔۔

"پتہ نہیں۔ بھل میکوں لگدے جو میڈی زندگی دا کوئی مقصد
کائینی۔ بس میڈے نال وی ایہا مونجھا اے اجو جیرھلے بوا گھلسی،
میں لمے دو ٹر ویساں، میہنہ بٹساں، وس بوساں اتے بس۔۔۔ شیت ایہو
میڈا نصیب اے"۔۔۔ جوان جھڑ آکھیا۔

لحظہ چپ رہو تون بعد ریت دی ٹی الاٹی۔۔۔ "تیرے بیٹہ تیرے دی
ہک لمبی لام اے جیرھے میہنہ کون جنت گڈن"۔۔۔۔۔

"میں جھڑ ہاں اتے، وس پرواں تان مینہ ہاں۔۔۔ میں اتلا اہم ہاں، ابندی
میکوں سرت ای کائے نہی"۔۔۔۔۔ جھڑ جیویں لحظے کیتے بھنڈ گیا۔۔
"میکوں نہیں پتہ، بھل میں اٹھے بُرکھاں کنوں قصے سٹین جو مینہ وس
پوے تان اسان ریت دے تیرے بھل بٹ ویندے، گھا بٹ ویندے،
ساول۔۔۔۔۔ بھل مینہ تان سوہوں وسدے۔۔۔ میڈے سوہہ اچ شیت مینہ
کائنی"۔۔۔۔۔ سک اچ پُسی ریت دی ٹی ولدا ڈتا۔۔۔

"تیرے میڈے میل کون ہک لحظہ تھے۔۔۔ تون میکوں بھاء گئی این۔۔
لحظے دے این میل کون میں صدی کیویں کراں۔۔۔ جسے تیکوں بھانویں
تان میں وس پرواں" جھڑ الاٹا۔۔۔۔۔

روٹی دا بھورا .. پٹھا ڈھے پئے ..؟

اسان اکثرا 'مرفی' دے قنون تے یقین کریندے بائیں "جو ساڈے ہر کم دا غلط بے نکلدے"۔۔۔۔۔ کین کلاڈ کریے' خاص این رویے بارے
ہک کہانی سُنیدے۔۔

ہک بندہ نربان پٹھا کریندا ہائی جو اچڑ جیت اوندے بہو روٹی دا
بھورا، جیندے اتے اون ہالی مکھڑ مسیں لایا ہا، بھونیں تے ڈھنٹے
پیا۔۔۔ چھوڑکی پت کیں پٹھا ڈھنٹے تان حریان تھیا جو روٹی دا مکھڑ آلا
پانسا اُترے ہا اتے کُرا پاسا بھونیں تے۔ بندے سوچا جو اے تان موجزا
تھی گئے۔ چٹا پھنڈیج گیا، اتے اے موجزا اپنی سنگت سادھ کون چس
چا چا ستائیں۔ سنگتی وی حریان تھئے جو روٹی بہو ڈھاندی اے تان
اکثرا مکھڑ آلا پاسا بیٹھو ہوندے۔ اچ اُپٹھ کیوں تھی پئے ..؟
"خان آن .. تون ولی این ۔ اے اللہ سائیں دا اشارہ لگدے"۔۔۔ ہک
سنگتی آکھیا ۔۔۔

اے گالہ ساری وستی اچ کھنڈ گئی۔۔۔ بانو بان دیاں گالہیں ۔۔۔ لوکین
رچ کے تبصرے کیتے جو اے بوٹی دا اُپٹھ کیوں تھئے۔ روٹی دا بھورا
بہو ڈھنٹے اتے مکھڑ آلا پاسا اُترے رہ گئے۔؟
بھل کہیں کن این سوال دا جواب کائے نہی ۔

نال آئی وستی اچ ہک اُستاد راہندا ہا۔ وستی آئے اوندو ٹر گئے اتے اے
نصہ اوکون ونج سٹونے۔ اُستاد انہاں کن ونہی منگی جو رات کون او
مُرائے اچ ہابسی، سوچ وچار کریسی، متان عالم غائب اچوں کائی ولدا
آندا ہوئے۔۔۔۔۔ اگلے ڈیہنوار یکے وستی آئے، جواب دے شوق اچ
، دھمی نال اُستاد دے گھر کٹھے تھی گئے۔
اُستاد جواب ڈتا۔۔۔ "گالہ تان سدھی سادھی اے، ہس تھاکوں مغالطہ
تھئے۔ روٹی دا بھورا تان اونہی پاسے ڈٹھے جیرھے پاسے او ہمیش
ڈھاندے، البتہ تسان مکھڑ اُپٹھے پاسو تھیا ہوسی"۔۔۔

طوطے کوں "پُشپک" آکھن جو او پھلان دی سیجھ نے دھتا، لدھا بانے۔

ہک ڈیہنہ پنچل بادشاہ، سوئی سولہ ایلے، ایلے درباریں نال شکار کھیڈن نکلدے۔ بادشاہ آپ اُون بگھی اچ ہووے، جیکوں نگری دے سہ تون نکھے گھوڑے چھکن پئے۔ لحظے پھر اچ اتھرے گھوڑیاں بادشاہ دی بگھی کون گھٹے جنگل ونج پُجایا، جتھ ہر ونکی دے چرند پرند ماندے سماندے نہن۔ پچھوں درباری وی پُج گئے۔

پنچل بادشاہ درباریں کون چتوایا، "اچ میں ہک بہوں سوٹا ہرٹ شکار کرن چھندا، جیندی کھل نال میں اپٹا تخت سجیساں۔" وت بادشاہ نے خبردار کیتا "جیندے اگہوں کوئی جیندا جاگدا ہرٹ بیج کے نکل گیا اوندی خیر نیں۔"

بادشاہ دا حکم سن کے سہے درباریں دے ساہ سک گئے۔ او انجو انج درختاں دے اولے اچ قطار بٹا کھڑے تھی گئے۔ باشاہ آپ وی ہک درخت دے اولے گھدا تے کمان سودھا چُست تھی کھڑا۔ اَبوغتی ہک ہرٹ اُنہیں دی پاسوں بھجا۔ سبھے شکاری آپی آپی جاہ اونکوں پراء ڈیون کیتے تُل گئے۔ آہو جاٹ بادشاہ وی چوکس تھیا۔ نیڑے اوٹ تے ہرٹ سنگھ گدھا جو ہرٹ بچا دی کوئی صورت نہیں بڈی۔ بادشاہ دے ٹھیک اگہوں، کُجھ وتھی تون، ہرٹ کمی ہلانگھ بھری تیس ہوا تھی گیا۔

آکھیں آکھیں اچ شکاریاں ہک ہنے کون ڈسیا جو شکار ناں بادشاہ دے آئے اگہوں نکل گئے۔ کُجھ کھل لگ پئے، کُجھ مونجھے تھئے جو

جاڑے طوطے

جاڑے طوطے جائکا کہائیں وجوں چرٹ کے سُنجان کیتے سئیں ارشد ویا ترجمہ کیتی ہے۔ ہر جائکا کہائی گوتم بُدھ دے کہیں پچھلے جنم دا حال ڈیندی ہے اتیں ہالیں کیتے سبق آموز ہوندی ہے

پُرائے ویلے دی گالہ اے، ہک ہا بادشاہ۔ ناں ہس پنچل بادشاہ۔ اُون بادشاہ دی سلطنت کون پنچل نگری آبدے ہن۔

اُون نگری اچ جنگل نال پُ پہاڑ اُتے ہک درخت اچ طوطیاں دا بادشاہ شُکراج وی رہندا بی۔ آبدن اونکوں ڈو جاڑے طوطے جائے، جنہاں اچ ہک بُدھ منس طوطا بی۔

اُنہیں پہاڑی اُتے نال پنج سو چور اُچکیاں دا دیرا بی تے نال بیٹھوں پیار دی کچھ اچ پنج سو جوگی فقیر وی بسیرا کیتا بوٹیا بی۔

ہک ڈیہنہ رب دے، بہوں تیز اندھاری گھلی۔ پہاڑ دا جنگل، اوندے اچے لمبے سہ درخت ڈنگے ڈوڑے تھی زمین نال لگ گئے۔ اُون ویلے چھوٹے طوطے آپتے آہتے اچ کلے ہن تیں اُنہیں دے

ماء پو اُتے بچیاں دی چوگ پچھوں کتھائیں پریں نکھتے ودے ہن۔ مشوم طوطے ہالے اُڈن جوگے نہ تھئے۔ تیز جکھڑ جھولیاں، شُکراج بادشاہ دے آہتے کون درخت تون پٹ کے ہوا اچ اُچھل ڈتا۔ پھڑکا پھڑکا تھی آکھا ہر پاسوں کھنڈ گیا۔

چھوٹا طوطا چوراں دے دیرے ونج ڈھٹا تے ڈوجھا جوگی فقیراں دی جھگی اچ۔ چوراں آہتے طوطے دا ناں "ستی گمب" رکھا تے فقیر آہتے

بادشاہ برٹ وٹھیں اچ ناکام تھئے۔ درباریاں دے چہرے بڑھ کے پھلج
بادشاہ آندری آندر پچی یا۔ پھکا تھی کے بادشاہ نے آپے برٹ دے
پچھوں ونجرت دا ارادہ بدھ گدھا۔ کمان اچوں تیر سدھا کریندا بادشاہ
بگھی اچ کھڑا تھی گیا۔ کوچوان کون گھوڑے بھجاوٹ دا حکم ڈتس۔
اچوں برٹ دی دھوڑ نر پچھوں بادشاہ دی بگھی۔ بادشاہ دے گھوڑیاں
تون تکھا برٹ بوا روک تھی جنگل اچ گم تھی گیا۔ کجھ دیر تاں
بادشاہ جنگل اچ تران مارا، پر کتھ۔ آخر بار من گھدس۔ بھجدے
بھجدے گھوڑے بُت پئے۔ بادشاہ آپ وی برے بڈک تھی گیا۔ ہک
سوئی دھنڈ ڈیکھ کے اوں بگھی رکوائی جا۔ آرام کرم کیتے مونہ تے
پائی دا چھتا مار کے تھڈھا پائی پتس۔ آخر درخت تلے چیل سدھی
کرے کتے لیٹ گیا۔ بادشاہ کون نندر آگئی تے کوچوان وی اکھلاوٹ
لگ پیا۔

اصل اچ بادشاہ چوراں دے دیرے تے پُچ گیا با۔ اوں ویلے سبھے چور
آتے آتے دھندے دو باہروں گئے ودے بن تے پچھوں "ستی گمب" تے
اوندا خانسامان دیرے تے کلے بن۔ "ستی گمب" بادشاہ کون سٹنا
گھوک ڈٹھا۔ بادشاہ دی مہانگی پوشاک تے سونے جواہرات نال لٹھے
زیر بھال کے طوطے دے مونہ اچوں پائی نکل آیا۔ آ پتے خانسامان
کون بادشاہ دا مہانگا لباس تے جواہرات ڈکھا کے آہدے: "اینکوں
ماروں نہ جا، ساڈی سارے حیاتی سپھل تھی پوسی۔"

ہئے ہئے بادشاہ کون ڈیکھ کے خانسامے کون نوس آ گیا۔ او"ستی
گمب" کون سمجھیندے:

بادشاہ خندا روک بوندن۔ مارٹ چنگی گالہ نئیں، اے ظلم بوندے۔"
بادشاہ دے کنیں جو بندے دا بلارا پیا تاں اٹھی بیٹھا۔ ہک پکھٹوں کون
ببندا ڈیکھ کے ہکا ہکا تھیا۔
"ساں چور ہائیں، لٹن ساڈا پیشہ اے۔ آ تکھیں کر' این کم کون ویلے
نال نیڑ گھنوں۔"

اے سٹ کے بادشاہ دیر نہ کیتی تے آتے کوچوان کون جگایا۔ ڈوہیں
جلدی نال بگھی اچ سوار تھی پئے۔ گھوڑے وی خطرہ سمجھ گئے
تے آندھاری روک اڈ پئے۔

"ستی گمب" انہیں کون ویندا ڈیکھ کے شور گھت ڈتا: "ہکڑو، ہکڑو!
! دھر کٹ نی ڈیو انہاں کون۔"

دھوڑ مٹی دے غبار نال طوطے دا گلہ بند تھی گیا تے اونکوں لمبی
کھنگ شر تھی گئی۔ این سوہوں طوطے دی بولتی بند تھی گئی۔
کجھ فاصلے تون بادشاہ کون کوئی جوگی فقیر نظرا۔ اوں کوچوان کون
تھلے دا حکم ڈتا۔ مٹھی مٹھیچال نال گھوڑیاں بادشاہ کون ہک سوئی
جاہ ونج پُجایا۔ اتھ بادشاہ کون "پُشپک" ملدے، جیڑیا "ستی گمب"
دا جاڑا بھرا ہئی۔ فقیراں دی وسنی دے سبھے فقیر اوں ویلے خوراک
ہاروں پھل سبزی پترے گولٹ جنگل دو نکلے ودے ہائیں۔ پُشپک پچھوں
کلہا ہئی۔ اوں بادشاہ کون سُنجان گدھا۔ ہر دم آتے آکھ کے مہمان

قصہ ست اُپٹھا

[ظہور دمانی (مرحوم) اپنے بلیں وچ اے قصہ اپنی اماں میں کنیں مٹیا
 بی۔ اُنہیں دے بیان موجب دمان دے اُنہیں دی وستی قصولی وی
 پالان کون اے قصہ مٹیندے بن۔ اے قصہ اُنہیں لکھ کے سُنجان کون
 دان کیتا]

حکم خدا دا خدا دے نیی دا
 اندرون پھولم باہرون پھولم
 قصیاں وچوں قصہ گولم
 آبدن اگے ویلے چنگے بن
 لالیاں نوکر بٹدیاں بن
 چنڈوریاں وڈھ چنڈدیاں بن
 مکڑے ڈھویاں ڈھوندے بن
 کاں گاہ گہیندے بن
 پھپھیلیاں ڈھیری چنڈیاں بن
 حلویے دیاں کندھاں ہونڈیاں بن
 جلیبی دیاں چھتاں ہونڈیاں بن
 کھیر دے تلا ہوندے بن

بھوڑیاں تے مکھن سکدے بن
 بوعے تے آیا بُکھا ول ویندا بی
 آبدن سچ کون کس اے
 کوڑے دی دھوڑاے
 قصہ گھنم ست اُپٹھا
 بکریاں نپ تے قصائی کو کٹھا
 مینہاں تے چڑھ چہر وٹھا
 چہر دے ہن ترائے پرنالے
 ڈو بند بن ہک واہندا نیی
 جیڑھا واہندا نیی اوندے بیٹھ ہن ترائے شاہر
 ڈو لگ ہن ہک وسدا نیی
 جیڑھا وسدا نیی اوندے وچ راہندے ہن ترائے کمبھار
 ڈو اندھے ہن ہک کون ڈسدا نیی
 جینکوں ڈسدا نیی
 اوں بٹائیاں ترائے کٹویاں
 ڈو کچیاں ہن ہک پکدی نیی
 جیڑھی پکدی نیی
 اوندے وچ سٹے نیں ترائے چاولاں دے داٹے

جیڑھا آندا نہی اوندو آئین ترائے موجی
 ڈو اندھے بن بک کون ڈسدا نہی
 جینکوں ڈسدا نہی اون تیں ہلہائے نیں ترائے منصف
 ڈو ڈورے بن بک کون سٹیندا نہی۔

ڈو کچھے بن بک پکدا نہی۔
 جیڑھا پکدا نہی اونکوں بیٹھن ترائے بندے کھاوٹ
 ڈو بکھے بن بک رجدا نہی
 جیڑھا رجدا نہی اوندو آئے ترائے طیب
 ڈو گونگے بن بک الیندا نہی
 جیڑھا الیندا نہی اونکوں گھتے نیں ترائے ڈانداں دے پچھوں
 ڈو کھڑ تھین بک تدا نہی
 جیڑھا تدا نہی اونکوں مارے نیں ترائے چھمکاں
 ڈو چک گین بک لگدی نہی
 جیڑھی لگدی نہی اوندو سڈوائے نیں ترائے درکھاٹ ، ڈو لک گین بک
 لیہدا نہی
 جیڑھا لیہدا نہی اونکوں کیتے نیں ترائے روپے جرمانہ
 ڈو کھوٹے بن بک چلدا نہی
 جیڑھا چلدا نہی اوندو آئے ترائے صراف
 ڈو آں بکھ بن بک بھجدا نہی
 جیڑھا بھجدا نہی اوندے آئے چھوڑے نیں ترائے کُتے
 ڈو چپ بن بک بھونکدا نہی
 جیڑھا بھونکدا نہی اونکوں گھتے نیں ترائے پٹے
 ڈوسوڑے بن بک آندا نہی

چڑی تے کان

[اے لوک قصہ سئیں ظہور دمانی (مرحوم) دے تھورے نال سُنجانا
کون ملے۔ سئیں ظہور دے مطابق بیٹھوں ڈتے ول ڈھب تیں ایں قصے
دیاں بہوں ساریاں پتچان ہوندین]

اے لویریا ، ڈے ڈتیریا ، کیوں گھویریا کھاؤن منجھیا ، ڈیوں
کھیریا ، بیوں کھیریا ، تھیوں مٹیا ، مارن ہرٹیا ، بہن سنگھیا ، پٹوں
مٹیا ، پاؤں پٹھیا ، پاؤ پٹیا ، دھوڑوں چنجیا ، کھاؤں چڑی دے
چینچلے تے مُرکوں مُرکوں مُرکوں۔۔۔۔

کان لوہار کسے ڈتاری گھنٹ ویندے تان لوہار آبدے جو ونج بہاء چاوا ،
لوہا پگھلیسا ، وت ڈتاری بتا ڈیسا۔ کان ویندے ماسی سداں دے گھر
تیں چلے وجوں بہاء چیندے ، پلھی بھرکاڑی نال سڑ کس مر
ویندے۔

اے دریا ، ڈے پٹیا ، دھوڑوں چنجیا ، کھاؤں چڑی دے چینچلے تے
مُرکوں مُرکوں مُرکوں۔۔۔۔
اے مٹیا ، ڈے پٹھیا ، پاؤں۔۔۔۔۔

دمان دی لولی

[اُتلے دمان دی ہک وستی "بلوکر" دی ڈاڈی ناجو دے تھورے نال
چنیں اے لولی نہ مظہر تابش کون سٹانی تے ریکارڈ وی کر ڈتی]

لولی اے لووے لولی ساوا گلاس ہے
چنٹ دا پینگھا وج علی عباس ہے

لولی اے لو لولی لولی اے لاڈ اے
وطن تہاڈا میکوں ویرن ملاڈے

لولی اے لووے لولی کانیاں دا تاک ہے
ویرن دا کھٹیا مٹیا گھڑ تون بُلک ہے

لولی اے لو لولی لولی اے لاڈ اے
وطن تہاڈا میکوں ماہی ملاڈے

لولی اے لووے لولی پیالا ہے بہت دا

ویرن یرنساں گھنساں پیوریت دا

لولی اے لو لولی لولی اے لاڈ اے
وطن تہاڈا میکوں دلبر ملاڈے

لولی اے لووے لولی لٹھ تے ہی ہے
ساوڑ بلائی تروڈھ تے گئی ہے

کونج

[اے لوک گیت لُنڈا شریف کنیں ماسی وسائی نے مظهر علی تابش
کوں ستایا جئیں اینکوں سُنجاناں دو پٹھا]

اڈنیں کونجاں ونج لٹھیں درہ تے
تُساں دلہیں چائیاں اساں رکھیاں رب تے

اڈنیں کونجاں وچ ساوی کونج اے
ہک وطن نکھیڑا ڈوجھی سچٹاں دی مونجھ اے

اڈنیں کونجاں گل پاتن گھانگھے
نہ چمنی آدھیاں نہ تھیوئی آ سانگے

اڈنیں کونجاں کالے روہ دے کنڈے
نکھڑ پیوسے ہکی چُلھ دے بندے

اڈنیں کونجاں ساڈی ہک ہی پتھاری

پارت ریت اے وسوں دی

(دین پناہ دی ویل)

وسمل پنوار، اسلام آباد

کرتے بیڑا ٹھیلن والیا دین پناہا!

جھوک لڈایو، ول نہ آبو

آہن تیڈے عشق محابیوں

گل وچ کستا پا اٹھ تیڈا

در در کلھڑا جاوے

راہ بھلتیں کون راہ ڈکھاوے

توں وی کئی سو سال توں، اہٹے

کالے روہ دی کچھ اچ واہندے

سندھ دریا دے پار اُروار مزاریں سمہ کے

اچ وی فیض پُجاویں

وچھڑیے یار ملاویں

دین پناہا!

اساں وی تیڈی دھرتی جائے

تیڈی دل درگاہ توں سدھا چڑھدے پاسے

لاہندے تھل دی چھیکڑی اچی من تے، سدھ نہیں

کتنے سو ورھیاں توں، اہٹی

کردی بھردی وسوں سُودھے

کئی ورھیاں توں کنتے گئے ہن
 کیں بدھے ہن بھاگے این بھونیں دے
 تے کینویں مونجھے تھنے ہن
 دین پناہا!
 توں این بھونیں دا شاہ ہن ، تیدیاں
 ہک دی جاہ تے ڈو درگاہیں
 آج وی تل دیاں سبھ توں اچیاں ماڑیاں لگدین
 آج وی تیدیاں ہدا چلدے
 تیکوں اپنی دل درگاہ تے ، نوڑی ہوئی
 این سدا سہاگڑ چال دی سونئی ہے
 اسان نمائیاں ناں گیاں دے
 من موہن تھل پاک دے ، ہر ہک
 جیا جوں دی پارت ہووی
 پارت ریت اے وسوں دی

اپنی روز دی روز دھیندے
 سئیں کوں سیس نویندے ہن ہن
 دین پناہا!
 اسان تان ایتھے نکھے لا توں
 تیدے ناں دیاں چتھیاں پا کے
 آن مٹیاں آن چتھیاں لا کے
 سنگتاں ساریاں کتھیاں لا کے
 کیا اکھوں جو کینویں ہن تئیں
 توڑ نہیندے
 کتھے قول پلیندے ہن ہن!
 کیا اکھوں جو کینویں ایتھے
 تھل دی ساری وسوں دے ، ہر
 جیا جوں کوں کیرا لگے
 کڑھی اوکھ اویہ دے ماریے
 بھونیں دے سارے پکھی پہاروں
 ہک ہک کر کے مکدے ویندن
 لکدے ویندن
 کیا اکھوں جو وستی وستی شاہر ہزاریں
 پھیرا پیندے
 بھولوں زچھ فقیر اللہ دے

دھن ہن کجھ
 جنہاں نال دھتوال ٹردا ہنی
 جیڑھا عدم تلی دے لاڑ جیہاں
 وکھ وکھ نئے واہ جو وجدا ہنی
 اسان سُن آواز اوندے پیراں دی
 ایہو جانا تیڈی ٹور ایہی
 اُتوں رُت ساوٹ گھنگھور آہی
 بل بل وچ مینہ دے نعرے ہن
 اتنے کٹی کٹی دے ورق اتے
 گجھے راز گھان جہیں سارے ہن
 جتہاں ڈٹھوسے دھن وچ آپ باسے
 تلی گانی دا رنگ۔ آلاب باسے
 توں ازلی کوئی دھتوال بانویں
 دھن جھنگ دے وچ بیرتار بانویں
 وستی تیڈا اوچھن ہنی
 پر اصلوں بن اسرار بانویں
 ہر جوٹ دے جو گیاں نال کڈاںہ
 اقرار بانویں
 انکار بانویں
 اسان ہجر دی گانی پا تیکوں

ول ملن دا ویلا

ارشاد لغاری، حیدرآباد (سندھ)

اے جو راہ آبدن کجھ گولٹ دی
 راز ازل کون پھولٹ دی
 اسان پیلھوں پیلھوں ستیا ہنی
 بہوں اوکھی ہے
 یرتیں لطف وصال دا نئیل پا
 بریا والی برکھا وچ
 گل لاتے ول آپ لکا
 سمجھایا تان سوکھی ہنی
 با ! اوں گیان گھٹی
 جیں تے سُرخ پھلان والے وٹ ہن کجھ
 خاموش سپاں دے دیرے پروں
 نیلے نیلے مٹ ہن کجھ
 جیڑے پتھراں وچ دم چنڈے ہن
 اتے جیڑا اُنہاں دے نال گسے
 پئے اونکوں سون بٹیدے ہن
 اسان پا جھاتی تیڈے شوق والی
 ول ملن دے ظاہر ذوق والی
 جو ڈٹھا تان اونہ دم دیرے پروں

گلی گلی وچ گایا با
 تیدی تے دا دھگا بار وانگوں
 لا تنک اسان چا پایا ہا۔
 پس کوئی واء بدلی جو چُپ آگئی
 جن سر روزے دے دُھپ آگئی
 ہن چُپ زمانہ جیندے ہئیں
 مے راگ برہوں دی بہاوا بنمو
 پس دُھپ زمانہ جیندے ہئیں
 ایوں لگدا ہئی اوں عصر متھوں
 جیندی قسم کڈانہاں تیں جاتی ہئی
 متھے ہول کہیں وچ کر وعدہ
 ساری سنگت اگوں اے ستایا ہا
 تے ول ملسوں !!
 پس ہن آونج تاں افطار کروں
 کوئی گالھیں ڈو ترائے چار کروں
 دین انکار دا کامل تھیوے
 ڈوہ۔ ثواب کون دھار کروں
 ول عام ایہو وچار کروں
 تے رُسٹ پچھوں راہیں دے رولے
 جنہیں کیتے سو جائے جھولے

جھولے جیہڑے جھوڑ گھن آدن
 جنہیں وچ اکھن رو نازی ماندی
 کوں آہدے بندھ آجایا ہئی
 جیڑھے رُلدے ہن سو رُلدے ہن
 خیر شاہ اکھ ستایا ہئی
 عشق اوتار بنے ازل کنہاں
 ایندا ہر ہک سوانگ .. جانا ہئی
 سببگہار کرڑوٹ .. بیاں ڈیکھو
 ول ملن دا ویلا آیا ہئی
 نِسے اسان آہدے بھنے قسم گھنو
 اے ساکوں ساز ستایا ہئی
 او ساز جیڑھا اوتہ راہ تے وجدا
 اے جو راہ آہدن کجھ گولڈ دی
 راز ازل کون پھولڈ دی

ایہو قصہ جند نمائی دا

سلیمان سہو۔ فتح پور تھل

ایہو قصہ جند نمائی دا
 کتھ جٹاں تھی چٹویندی اے
 کتھ بڈی روپ سوائی دا
 ایہو قصہ جند نمائی دا
 کتھ راج کماری بی ہانندی
 کتھ مکھڑا ہے نکرائی دا
 ایہو قصہ جند نمائی دا
 کتھ گاؤں دی آواز بٹے
 کتھ ہے کردار کہائی دا
 ایہو قصہ جند نمائی دا
 کتھ شکل وٹاوے ہنساں دی
 کتھ بڑا کونج نمائی دا
 ایہو قصہ جند نمائی دا
 کتھ خوشبو منگے سرمیاں دی
 کتھ درشن رات دی رائی دا

نظم

شمیم عارف قریشی، ملتان

سال پچھوں کوئی بک واری پُھل ککراں دے
 تھیوں با کوئی میلے تان گئے بتران دے
 دتھیاں ماڑیاں کس مویاں دے سیر نانویں
 بھالے تان کوئی بھالے با انہاں بتران دے
 آدی واساں گول گدھے پن وڈکے وی
 لیکے ڈیکھو آپ بولیندن ٹھکراں دے
 بندی دے وچ بولی اپنی بھلدے نشیں
 پنجرے ڈیکھو طوطا، لالی، بتران دے

وے سائیاں جے اساں نہ ہوندے

سلیمان سہو۔ فتح پور تھل

وے سائیاں جے اساں نہ ہوندے
کون تساکوں رب سمجھے ہا
کیکوں تسان کوندے
وے سائیاں جے اساں نہ ہوندے
کیڑھے تیڈا ماٹ کرنا ہا
کیڑھے تیکوں لونڈے
وے سائیاں جے اساں نہ ہوندے
کوڈ گھنے ہا تیڈیاں حوراں
کیکوں دوزخ ڈھوندے
وے سائیاں جے اساں نہ ہوندے
مونجہ فراق توں کیکوں ڈیندوں
کیڑھے روگی روندے
وے سائیاں جے اساں نہ ہوندے
جگ دیاں سُلہن گلیاں اندر
کیڑھے کتے بھوندے
وے سائیاں جے اساں نہ ہوندے

ایہو قصہ جند نعمتی دا
کتی بھونیں وچالے بھونیں تھیوے
کتی سُلہن حصہ باقی دا
ایہو قصہ جند نعمتی دا

تاکی دے وچ دل

فیاض باقر، اسلام آباد

تاء دھمی دے بیجھ دی
بھا رتڑے نیناں دی
وا وچھڑے دیساں دی
مدھ و سرے خاباں دی
کنسو گجھیاں رمزاں دی
کئی مٹ لنگھدے ڈیہاں دی
گھڑمس ساوٹ دی چھاں دی

ایہہ ون سون جیوٹ ہے
جیوٹ ہک مک تھیوٹ ہے
اتھاں سنگے وچ وچھڑن ہے
اتھاں منٹ توند بوند مناہی
تے نفی دے وچ رانجھن ہے
اتھاں ڈیوٹ دے وچ گھنٹ ہے
اتھاں مرٹ دے وچ جیوٹ ہے

نظم

سیف اللہ آصف، شاہ صدر دین

تیزی کون تارے ٹھک لگے
دلڑیں کون اینجھیں دھک لگے
ساڈے امیں تے اک لگے
تیڈے تان کیکروں ہر وو...

آصف اُو مد آ پڑھانی
بھابی چا لانی نہ ہا پڑھانی
لاریں کون اینجھی پیش پانی
اوڑک تھئے ایں زبر وو...

پندھ

مظہر علی تابش۔ لُنڈا شریف

پندھ پاک حیا ہے پلکاں دا
پندھ پرت دی اکھ دا نیر ہے
پندھ پیت پریم دا پائی ہے
پندھ امرت ہے پندھ کھیر ہے
پندھ پارت ہے سکھ سیتاں دی
پندھ پہو دا بک سریر ہے
پندھ پیار دا پہلا ثمرہ ہے
پندھ پیراں دی جاگیر ہے

اتھاں کس وچ ساری جس ہے
ہی بر شے خر خس ہے
اتھاں ڈکھ سانہیٹ دی رت وچ
مٹھے نیاز دی ہریت دا رس ہے
اتھاں جو نظر آوے کوڑ ہے
جو او ہے۔ اوندی تس ہے

اتھاں نیناں وچ سفنے ہن
اتھاں سفنے وچ نیناں ہن
اتھاں گھپ اندھارے سوجھلا
اتھاں چٹھے ڈینہہ راتاں ہن
اتھاں جاگ سمنہڑ اکھواوے
اتھاں سمنہڑ دے وچ گھاناں ہن
اتھاں میں تے توں گم تھی گئے
کوئی انج ملاقاتاں ہن

خالی اکھ دا سٹہپ

تسلیم فیروز دیرا اسماعیل خان

خالی اکھ دے سٹہپ کون ڈیکھ تان سہی

خالی اکھ دے سٹہپ اچ وسدا ہے

ہک منظر حیرت ناکی دا

ہک وسعت ست اسماناں دی

ہک قصہ درد حیاتی دا

خالی اکھ دیاں پیلیاں بیٹھ اُنگدین

کہہ لائے گھور سوالاں دے

کجھ دھوڑ شکیتاں، شکویاں دی

کجھ خاکے حال بے حالان دے

خالی اکھ دی تس نئیں مٹ سگدی

کہیں دجلے نال فرات دے نال

خالی اکھ دی ہک نئیں مٹ سگدی

کہیں ڈات ، زکوٰۃ خیرات دے نال

خالی اکھ کون کیا تشبیہ ڈیوان

کیڑھے ڈکھ دا دسترخوان آکھان

ہک وسوں جیڑھی اُچڑ گئی

اینکوں روی تہل دامان آکھان

مُکاٹ

سرائیکی شاگرد سانجھو. تون لا عید دی نماز تک 'ظہور دمانی پچھلے
25 سالہاں اچ ہک ڈینہہ وی آپٹے کاز تون غافل نہیں ریا۔ ٹانک، دیرہ
اسماعیل خان کنوں رحیم یار خان تائیں سرائیکی وسیب اچ مسلسل اتے
چپ چپاتی ہک تحریک راہیں وسیب دی نمائندہ سیاسی تنظیم جوڑن
اچ رُدھا ہوئیا ہئی جو ظالم دشمنان ہتھوں بے گناہ قتل تھی گئے۔

سرائیکی پیت دے پنڈھ دا موہری پنڈھیڑو' سرائیکی نثر دا اعتبار بٹیدا
اتے نوجوان لکھاریں کون راہ لیندا سئیں اسماعیل احمدائی ہمیشہ کیتے
اپنی آخری آرام گاہ دو ٹر گئے۔

ہک کاز نال عشق اتے اوندے کیتے مسلسل قربانی کرن آلا اُستاد اعجاز
(رحیم یار خان) پچھلے پنجوی سالہاں تون سرائیکی تحریک دا ہک
معتبر حوالہ ہئی۔ این دنیا تون لڈ گئین۔

سرائیکی تحریک دے انہیں ترین آدرش دھنی مُہاندریں دی وسیب اچ
کمی پوری نئیں تھیوٹی۔ رب سوہٹا اُنہاں کون بشکے شالا۔ (آمین)

چھیکڑی گالھ

افریقہ دا مشہور لکھاری انگوگی آہدے جو "گورے حاکم نے بندوخ دی طاقت نال ساڈی بھوئیں اُتیں قبضہ کیتے اُتے اپٹی پولی نال ساڈی روح کون قید کیتے۔ پولی کلچر دی نمائندہ ہوندی ہے اُتے کلچر اُنہیں سارے قدریں دی سنبھال رکھدے جیندے نال آساں اپٹے آپ دی سُنجان کریندے ہئیں"۔ کہیں کون غلام یا ماتحت بٹاؤن کیتے ضروری ہوندے جو اونکوں اپٹی سُنجان اُتے پولی کنیں اوپرا کیتا ونجے۔ پولی ساڈی شخصیت دی گھاڑت کریندی ہے اُتے ساکوں اپٹی وسوں اُتے تریخ نال جڑیندی ہے۔ اپٹی پولی کنیں اوپرا بندہ اپٹی وسوں، کلچر اُتے تریخ کنیں وی بیگانہ تھی ویندے۔

پولی دی ہوند اُتے ودھارے کیتے ہک پاسوں تاں اوندے ہولن والیں دے سیاسی اُتے قومی شعور دا وڈا عمل دخل ہوندے تاں بئی پاسوں اوندے اچوکے ابلاغ اُتے تعلیم دے، اداریں وچ ورتارا لازم ہوندے۔ سرائیکی پولی نے اے ڈوپہیں پندھ کیتن، پچھلے کجھ۔ ڈہاکہس وچ سرائیکیں اپٹی پولی دی قومی سُنجان کیتی ہے۔ ڈوجھی پاسوں ہائیر ایجوکیشن وچ سرائیکی نے اپٹی جاہ بٹائی ہے۔ ایندے نال سرائیکی پرائیوٹ ٹیلی ویشن چینل میدان وچ آئن۔ پر اصل اُتے وڈا پندھ اچاں وی ریندے جو سرائیکی کون ماء پولی دے طور تے پرائمری تعلیم وچ پڑھایا ونجے۔ اے پندھ سرائیکیں دے سیاسی اُتے قومی شعور وچ ہک نویں پلانگ دا متہاج ہے۔